



37335

ia

I

Mag. St. Dr.

P

BIBLIOTHECA
UNIV. JAGELL.
CRACOVENSIS




37335

I

20 cent

1881. I. 13.



C

A

SA
T

JA

S
P

P

PR
Nu

AD

OCTAVA

SACRATISSIMI CORPORIS
CHRISTI

IN

ANNUM INTEGRUM DISPOSITA.
SIVE

MODUS

Visitandi

SANCTISSIMUM SACRAMENTUM

Tum per Octavam Corporis Christi,

Tum per Totum Annum.

Olim Polonico Idiomate

PER REVERENDISSIMUM

JACOBUM PAULUM RADLINSKI

S. TH. D. ORDINIS CANONICORUM

SACROSANCTI SEPULCHRI DOMINI

PRÆPOSITUM GENERALEM

INFULATUM

PROPOSITUS,

Nunc vero,

PER JACOBUM BARANKIEWICZ,


Nuper S. Th. Professore, hodie Chelmen: Eccles:

RECTOREM,

In idioma Latinum

ADDITIS ACTIBUS AD SACRAM COMMU-
NIONEM CONVENIENTIBUS.


TRANSLATUS.



IMPRIMATUR.

M. Paulus POLACZEK S.
Theologiæ Professor, Canoni-
cus ad S. FLORIANUM, Li-
brorum Typographiæ Celsissimi
Principis Illustrissimi & Reveren-
dissimi Domini D. ANDRÆ
STANISLAI KOSTKA in
Załuskie ZAŁUSKI Episcopi
Cracov: DUCIS Severiæ Equi-
tis Aquilæ Albæ Ordinarius
Censor.

*Datum Cracoviæ in Collegio Ma-
jori. Die 15. Aprilis Annô Domini.*
1758. 37.335





APPROBATIO ORDINIS.

Librum cui titulus: OCTAVA SACRATISSIMI CORPORIS CHRISTI ab Admod: Rñdo Patre Jacobo Barankiewicz Canonico Ordinis Nostri nuper S. Theol. elaborato Professore, nunc autem Rectore Ecclesiæ Chelmsensis ex Polonica lingua in Latinam translatum, diligentissimè legi, & quoniam nihil Fidei Sanctæ & moribus contrarium retinet, & Actus devotissimos ad S. Communionem ab eodem Authore

A2

super

Superadditos proponit, imò pro-
mouet cultum Sanctissimi Eu-
charistiæ Sacramenti, ideo ty-
pis dignum censeo, si Illis ad
quos pertinet, ita videbitur.
Datum in Conventu Generali
Miechoviensi Die 29. Decem-
bris A. D. 1757mo.

Jacobus Radliński S. Th. Dr. Or-
dinis Canonorum Regularium Cu-
stodum Ss̃mi Hierosolymitani Se-
pulchri Præpositus Generalis.

mpp.



PRÆ.

PRÆFATIO

Ad Lectorem.

Sicut principalis finis est
Ordinis & Instituti nostri,
in dies promovere, & auge-
re, cultum & gloriam Sacro-
sancti Sepulchri Salvatoris
Domini nostri JESU CHRI-
STI, ita idem finis est pro-
movere cultum honorem &
gloriam Ss̃mi Sacramenti.
Sicut enim ex primo Institu-
to nostro habemus obligatio-
nem ampliare honorem Sepul-
chri Christi, ita simili modo,
adinvenitur in Ordine Nostro
specialis relatio ad augendam
gloriam Ss̃mi Sacramenti.

A3

Quan-

Quando enim Christus Dominus post resurrectionem suam, ascendit in Cælum, tunc Sancti Apostoli & omnes alii Discipuli Christi Domini, imo & ipsa Sanctissima Virgo MARIA, cum aliis Sanctis mulieribus & fratribus suis reversi sunt Jerosolymam, & ingressi illud Cænaculum, in quo Christus Dominus fecit ultimam Cænam Discipulis suis, & instituit Sacramentum Corporis & Sanguinis sui, & ibi perseverabant omnes in oratione. Deinde, dum erat inter se unanimis divisio Jerosolymis Apostolorum in varias partes mundi ad prædicandum Christi Evangelium, tunc præfatum Cænaculum

culum, in Ecclesiam Consecrârunt, & ad illam S. Jacobum Apostolum primum Episcopum Hierosolymitanum locaverunt. A quo primam originem Ordo Noster sumit & ducit. Prima itaque Ecclesia Novi Testamenti erat Cænaculum, in quo Dominus JESUS instituit Sacramentum Corporis & Sangvinis sui, & penes hoc non quicumque alius, sed ipse S. Jacobus Minor Episcopus Hierosolymitanus Patriarcha Ordinis Nostri unâ cum Filiis suis spiritualibus permanfit. Sicut ergo S. Jacobus Patriarcha Ordinis Nostri manens ad Ecclesiam consecratam de Cænaculo, ex ultima Cæna Christi & insti-

tutione Sanctissimi Sacramenti
claro concepit inmutabiliter ani-
mum, & zelum venerandi San-
ctissimum Sacramentum, quia
ibidem primario illô cum cæ-
teris Apostolis reffectus fuit;
sic nos generatione spirituali
ab illo procedentes, habemus
specialem relationem, ad au-
gendum honorem Sanctissimi
Sacramenti: quæ enim Pater
cum Primoribus Filiis suis liben-
ter & gloriose fecit; illa & subse-
quentes Filii exequi tenentur.
Deinde (uti testatur Petrus
Luell in Historia Ordinis No-
stri libro cui titulus: *Mausole-
um S. Jacobi Apostoli*:) dum post
devastatam Jerosolymam, per
Vespasianum Cæsarem, rediit
pax Jerosolymæ, tunc sicut va-

rīi Christiani, ita & Religiosi nostri redierunt Jerosolymam, & in eodem loco, in quo Christus Dominus Sanctissimum Sacramentum instituit, Oratorium sive parvullimam Ecclesiam ædificârunt, unde subintelligo (ait præfatus Petrus Luell) provenit id exinde, quòd hi Religiosi (id est : Canonici Nostri) habeant specialem pietatem, & devotionem erga hoc Sacramentum : Sacerdotum autem hæc est obligatio, ut frequenter de Sanctissimo Sacramento, & qualibet Feria quinta Sacrosancta Missarum Sacrificia celebrarent : Religiosarum vero hæc est obligatio, ut pariter veluti veræ famulæ &

Filiæ Sion frequentius repræ-
sentarentur Regi suo. Verba
præfati Auctoris recenter de
Germanica lingua in latinam
exposita adduco, qui totum li-
brum scribens de Ordine No-
stro, sic ait Cap. 8. *Quam pri-
mum autem intellexerunt Hieroso-
lymam in pace p̄ficiam, denuo de
Pella redierunt, & domos sibi, juxta
Eujebium Lib. 3. cap. 5. ædifica-
runt. In illo vero loco, ubi Christus
SS. Sacramentum instituerat, &
Discipuli post ascensionem ejus plu-
rimum convenerant, Oratorium
seu Tempellum extruxerunt: ex
quo (ut autumo) provenit, ideo
hos Religioss tam specialem de-
votionem erga hoc SS Sacramen-
tum habere; Sacerdotibus enim sæ-
pius*

pius de Venerabili, & omnibus diebus Jovis, nisi aliud Festum impediat, Sacrificium Missæ celebrare demandatum est, Monialibus verò Sanctissimum invisere, ut tanquam veræ servæ & filiæ Sion frequentius coram suo Rege compareant, ejus pulcherrimam faciem, in cujus præsentia corda hominum, uti cera colliquescent, intueantur, suo sponso uniantur, animam suam hoc cælesti pane reficiant, & Divinæ Majestati suas preces & Sacrificia offerant. His itaque rationibus motus, constitui tradendum esse modum visitandi Sanctissimum Sacramentum, ut exinde secundum voluntatem DEI, in dies crescat quam maxima gloria hujus Sacramenti, honor & cultus in sæcula, & ut antiquus

pri-

primævæ devotionis, erga hoc
Sacramentum in Ordine Nostro
fervos in omnium cordibus, quam
felicissime renovetur crescat &
augeatur. Ad ultimum, Festum
Corporis Christi in universa
Ecclesia Dei instituit Urbanus
IV. de medio Ordinis Nostri,
ad regendam Ecclesiam in Sum-
mum Pontificem assumptus,
qui sicut hoc Festum declaravit,
sic deinde magnas Indulgentias con-
cessit ut alliceret populum ad devotio-
nem erga hoc Sacramentum: Ex
hac ergo ratione Ordo Noster,
habet magnam & specialem relatio-
nem ad promovendum honorem San-
ctissimi Sacramenti. Concede itaque
misericors JESU, ut huic relationi &
obligationi satisficiamus, ut honorem
sicut Sepulchri Tui sic & Ssm̃ Sacra-
menti Corporis & Sanguinis Tui am-
plicius, ac tandem vitam æternam
consequamur. DIES

❁ (13) ❁
D I E S I.
OCTAVÆ SACRATISSIMI
CORPORIS CHRISTI.

Varii varios modos ad-
invenerunt adorandi
Sanctissimum Sacramentum, tam
per totum Annum quam per
Octavam Corporis Christi: in-
ter quos specialis modus ado-
randi Sanctissimum Sacramen-
tum, est hic; visitare illud ali-
quoties de die, exempli gratia:
Surgendo mane abjectis omni-
bûs negotiis domesticis, adire
Ecclesiam in qua conservatur
Sanctissimum Sacramentum, &
ibi illud visitare. Secundo an-
te meridiem semotîs omnibûs
iterum adire Ecclesiam provi-
sitando

fitando Sanctissimo Sacramen-
to: idem perficiendum post me-
ridiem, ac tandem sub vespe-
rum. Quod ipsum ut homines
facilius exequantur, assignan-
tur hîc & ponuntur pro queli-
bet die, quatuor modi, sive
quatuor Orationes, quibus pe-
nes hanc visitationem uri pos-
sunt. Prima Oratione utendum
est penes visitationem matuti-
nam, alterâ penes visitationem
ante meridianam, tertiâ penes
visitationem postmeridianam,
quartâ penes visitationem ve-
spertinam.

Sed quia plures tales homi-
nes sunt, qui propter suas
occupationes domesticas, non
possunt quatuor vicibus de die
adire

adire Ecclesiam ad visitandum
Sanctissimum Sacramentum ;
itaque præcaveo : quod qui non
possit quatuor vicibus adire Ec-
clesiam, aut comparere coram-
Altari, in quo per totam Octa-
vam est expositum Sanctissi-
mum Sacramentum; proinde id
totum potest adimplere domi,
tali modo : Surgens manè, con-
versus corde, mente & affectu
ad illam Ecclesiam, in qua con-
servatur Sanctissimum Sacra-
mentum, flexis genibus, ex his
unam orationem potest recita-
re, quæ sunt ibi positæ. Subse-
quente meridie, exempli gra-
tia ante prandium, iterum con-
versus ad eandem Ecclesiam, &
flexis genibus recitare alteram
Ora-

Orationem ex inferius positis. Hoc ipsum faciendum est post meridiem & sub vesperum. Ad extremum, si cuipiam & id difficile videretur, tunc potest de mane omnes quatuor orationes, pro una die assignatas simul recitare: hâc intentione, quia vult per præfatas orationes, quatuor vicibus de die visitare Sanctissimum Sacramentum.

Et si quis ita esset impeditus negotiis, ut ex his orationibus quatuor, hîc pro eadem diè positis non possit recitare, tunc illi dico: saltem faciat sic: Surgens manè convertat se ad Ecclesiam in qua est Sanctissimum Sacramentum, & flexis genibûs, dicat quinque vicibus
aut

aut tribus, ad ultimum saltem
semel hæc verba: *Laudetur*
Sanctissimum Sacramentum, nunc
& semper & in sæcula seculorum
Amen. Id ipsum faciat ante
meridiem, post meridiem, &
sub vesperum, tunc & sic in suo
labore & intentione non falle-
tur. Quinimo concessas super
illa præfata verba lucrabitur
indulgentias. Hôc pro infor-
matione positô, apponuntur
simul quatuor modi, sive ora-
tiones ad visitandum Sanctissi-
mum Sacramentum convenien-
tes, & primò, pro prima die
Corporis Christi.



M O D U S I

*Visitandi Sanctissimum Sacramentum
per actum fidei die primâ Octavæ.*

Solidissima petra, & firmum fidei fundamentum Christe JESU, compareo hodierna die coram immensa Majestâte Tua, & Te hîc præsentem sub speciebus panis, quàm humillime adoro, & visito. Credo fide firma propter unicam infallibilem veritatem Tuam, quod sub speciebus panis & vini, verus DEUS & Homo existas abconditus. Credo quod in Sanctissimo Sacramento, inveniat verum Corpus, & Sanguis Tuus. Credo quod licet in hoc Sacramento inveniantur accidentia panis: rotundi-

tunditas, albedo, sapor, & alie circumstantiæ, attamen ibidem nullô modô inveniatur substantia panis. Credo, quod in Ssîno Sacramento, sit vera transubstantiatio panis in Corpus Christi, & vera transubstantiatio vini in Sangvinem Ejus. Et hæc transubstantiatio, non fit naturali sed supernaturali modo; hoc est: potentia, potestate, & voluntate Omnipotentia Divinæ concurrentis ad verba Sacerdotum, quibûs illi sub tempus, & in momento consecrationis uti consueverunt. Credo & illud, quod licet in hoc Sacramento, frangantur accidentia panis, & dividantur accidentia vini, attamen

Sanctissimum Corpus JESU,
sub his accidentibus existens,
integrum, & intactum persistit.
Quandocunque verò frangun-
tur, aut dividuntur præfata ac-
cidentia, tamen sub qualibet
parte, particella, & fragmen-
to, invenitur verum Corpus,
& Sangvis Christi sine ullo suo
detrimento, aut diminutione,
ita ut sub minutissima etiam
particella fracta, in consecrata
per Sacerdotem Hostia totus
inveniatur Christus DEUS &
Homo, totum Corpus & inte-
ger Sangvis Fjus. Credo &
hoc: quod licet accidentia pa-
nis sint limitata, & terminen-
tur, attamen Divinitas Christi
non clauditur, nec terminatur

his

his limitibus, sed est ibi im-
mensa, illimitata, & infinita.
Simili modo & aliæ perfectio-
nes Divinitatis Christi non ha-
bent ibidem ullum detrimen-
tum, diminutionem, alteratio-
nem aut aliquam mutationem,
sed omnes causant suos effectus.
Et propterea licet Christus sub
præ-atis accidentibus existat
absconditus, attamen ibi diri-
git & gubernat totum orbem;
justis tribuit cælum, injustis
infernum, pœnitentes & con-
tritos recipit ad gratiam, iisdem
peccata dimittit, & suam præ-
stat misericordiam, impœniten-
tes usque in finem rejicit à
gratia sua, & indignos demon-
strat tanto Sacramento.

B3

Deni-

Denique credo id totum
quidquid credit Sancta Roma-
na Ecclesia Catholica, de hoc
Sacramento, & ad credendum
proponit, & in hac fide mea
vivere & mori desidero, cum
hac fide mea, gratias Tibi ago
gratiosissime JESU, pro institu-
tione SS^mi Sacramenti, gratias
Tibi ago⁹ pro institutione Festi
SS^mi Corporis, & Sanguinis
Tui Sanctissimi, gratias Tibi
ago pro omni gloria, honore,
adoratione, quam habes per
universum orbem in Sanctissi-
mo Sacramento. Gratulor Ti-
bi hanc omnem gloriam & ho-
rem, & rogo Te humillime, per
hanc gloriam Tuam, & per hu-
millimam prostrationem in Fa-
ciem

ciem Tuam Sanctissimam, in
horto Getsemani, confirma me
in fide Tua, usque ad finem
vitæ meæ.

M O D U S II.

*Visitandi Sanctissimum Sacramentum
ante meridiem, per actum spei ea-
dem die prima.*

O Altissima & infallibi-
lis omnium ad Te con-
fugientium spes, latens in San-
ctissimo Sacramento DEUS, &
Homo, compareo hodie coram
immenſa Majestate Tua, & Te
hæc præſentem ſub ſpeciebus
panis, quàm humillimè adoro,
& viſito. Firmiſſimè ſpero in
miſericordia Tua, & in ipſa in-
finita, ineffabili & incompre-
henſi-

hensibili bonitate tua, quod
quemadmodum hoc Sacramen-
tum Corporis & Sanguinis Tui
constituisti in salutem meam,
ita addes tantum gratiæ, adju-
torii, & mediorum ad id, ut
præfatô Sacramento semper u-
tar ad gloriam Tui, & salutem
animæ meæ. Promeruerunt cer-
tè quotidiana peccata mea & ha-
ctenus promerentur ut hoc pri-
ver Sacramento penes mortem
& agoniam meam: sed quia ma-
ior est Tua misericordia, quàm
peccata mea, propterea confido
firmiter, quòd sicut in tota vita
mea ita in morte, & agonia mea
dignaberis me reficere Sacratif-
simo Corpore, & Sanguine Tuo.

Si verò quandoque indignè
acceffi

accesi ad tantum Sacramentum,
& non ita paratus sicut oportebat,
sed illud aut negligenter,
aut tepide, aut frigido spiritu
suscepi, & hinc non despero,
sed infallibilem habeo spem,
quod istas omnes negligentias,
frigiditates, & tepiditates spiritus
mei, in susceptione Sanctissimi
Sacramenti Corporis
Tui, multò magis omnia peccata
totius vitæ meæ, remittere
mihi dignaberis. Ut autem
hanc spem meam singulariter
in hora mortis non amittam,
rogo Te mi JESU, per horrendam
captivitatem tuam, adjuva me
gratiâ tuâ, ut cum Sancto
Propheta possim se-
cure

cure dicere: *In Te Domine speravi non confundar in æternum.*

M O D U S III.

Visitandi Sanctissimum Sacramentum post meridiem, per actum amoris Divini eadem die prima.

A Mantissime Amor meus, latens in Sanctissimo Sacramento JESU, compareo hodierna die, & Te híc præsentem sub speciebus panis quàm humillimè adoro, & visito. Et sicut Tu amor mi JESU, cum dilexisses, fideles se vos tuos, sic usq; in finem dilexisti eos: & in signum dilectionis Tuæ, transiturus de hoc mundo, ad Patrem Æternum, constituisti mirabile Sacramentum Corporis,

ris, & Sangvinis tui, itaq; & ego
regratificando infinitam dile-
ctionem & amorem tuum er-
ga me, quantum possum cum
gratia Tua, tantum Te amo DE-
UM meum; & hanc hodiernam
visitationem, non propter ne-
cessitatem temporalem, non
propter obtinendum aliquem
fructum, aut utilitatem meam,
sed propter unicum amo-
rem tuum exhibeo, & sic sem-
per exhibere desidero. O ani-
ma mea si habes angustum ha-
bitaculum corporis tui, dilata
saltem illud, & amplies sicut po-
tes mansionem amoris, id est:
cor tuum, ut illo quam arden-
tissime ames amantem Te, in
Sacramento DEUM, Si enim
infan-

infantes, amant Matres exinde, quia illos uberibus suis alunt, si irrationabiles volatili-um pulli diligunt parentes suos, à quibus aluntur, multo magis anima mea debes amare DEUM Tuum, in Sanctissimo Sacramento latentem.

Quis enim te melius nutrit, quis te efficacius refocillat, quis te benignius potat? Si non JESUS in Sanctissimo Sacramento latens. Prævidit longè hunc amorem imperceptibilem Propheta Domini, & ideo omnibus totius orbis gentibus inculcat: *gustate & videte, quam suavis & mitis est Dominus, Et ubi securius, confidentius, & frequentius, possumus gustare,*
&

& videre amorem, jucunditatem & gratiam tuam ô JESU? si non in Sanctissimo Sacramento Corporis & Sangvinis Tui! ubi æqualiter Pauperes ac divites, dignos ac contemptos, justos ac pœnitentes misericorditer suscipis, ubi quotidie es præsens, & quodammodo nos expectas, sub speciebus panis, ut ad Te curramus, ad Te confugiamus, ut tuam mensam frequentius adeamus. O dilectissime super omnes creaturas JESU! rogo Te per Sangvineum sudorem, in horto Getsemani effusum, instrue me, quomodo & qualiter Te amare debeam?

MODUS

M O D U S IV.

*Visitandi Sanctissimum Sacramen-
tum Vespere per affectum ad-
mirationis.*

Mirabilis in Sanctissimo
Sacramento DEUS,
Christe JESU, compareo ho-
dierna die coram immensa Ma-
jestate tua, & Te hic præsentem
sub speciebus panis cum sum-
ma admiratione visito.

Quis enim non miraretur,
quis non obstupesceret? inspi-
ciendo tam admirabile opus
Sacramenti hujus, revolvens
mente tam magna miracula
in hoc Sacramento contenta.
In hoc enim summo & ineffa-
bili Mysterio, per quod VER-
BUM

BUM æternum Caro factum est,
istud est alterum opus Omnipotentia
DEI, in quo substantia
panis transmutatur in substan-
tiam Corporis Christi virtute
Divina ad verba Sacerdotum.
In hoc Sacramento DEUS in-
comprehensibilis, illimitatus,
infinitus: existit circumdatus
accidentibus panis, hinc DEUS
indivisibilis dividitur, & divi-
dit se omnibus, in particellis
divisibilibus consecratae Hostia,
hinc DEUS incorruptibilis, cor-
ruptibilibus panis contegitur
accidentibus, hinc DEUS, cæ-
lum, terram, & omnes abyssos
implens, circumdans, possidens,
& scrutans, in unico minutis-
simo, pauperrimo, & sibi im-
pari

pari clauditur Ciborio : h^{ic}
DEUS substantia increata, sub-
stantia altissima, dignissima, ex-
cellentissima : creata, vilia, &
nullum habentia pretium susci-
pit accidentia ; h^{ic} DEUS unô
verbo cælum fumans, ad pau-
ca aliqua verba Sacerdotis de
cælo descendit : h^{ic} DEUS cæ-
lum & terram gubernans, gu-
bernandum se quodammodo
tradit, & concedit, quando se-
cundùm voluntatem Sacerdo-
tis, ad quemlibet vadit, cui-
bet quamvis indigno se porri-
gendum permittit. H^{ic} DEUS
æternus ad tempus tantum in
consecrata permanet hostia :
h^{ic} DEUS ex omni parte liber,
alligatus quodammodo acci-
denti-

dentibus panis existit; siquidem
sub illis hucusque tantum permanet,
quousque; & illa permanent. Hic
DEUS ineffabiliter iustus, & ma-
ximos peccatores non iudicat in-
stanti, neque; punit, sed expectat
misericorditer illorum emenda-
tionem. Hic DEUS cælum stellis,
terram floribus, sylvas arbori-
bus, maria unionibus ador-
nans, ipse nullum decorem,
splendorem, & apparentiam
habet, sed omnem Majestatem
suam mirabiliter contegit &
abscondit. Hic DEUS super o-
mnia dives & fons divitiarum
omnium, fit egenus & pauper,
& aliena habet tantum acci-
dentia. Hic DEUS Archange-
lis, Angelis, Seraphinis, Thro-
C nis

nis, Potestatibus, & ipsi inferno
terribilis, nulla in accedentibus
causat terrorem, sed illos cha-
ritate, gratia & bonitate ad se
trahit. O mirabilia super mira-
bilia! quis unquam cogitare
potuit, ut DEUS altissimus,
sub vilissima panis & vini vale-
at cadere accidentia? admi-
ramini cæli super hoc, & DE-
UM mirabilem in Sanctissimo
Sacramento, mecum glorifica-
te, adorete, & depredicate.
JESU in Sanctissimo Sacramen-
to admirationis plene, rogo Te,
per illos contemptus, quos per-
pessus es, dum ex horto Get-
semani ducebaris ad Principes
Sacerdotum, concede mihi, ut
cogno-

cognoscam & concipiam mirabilia, in hoc Sacramento abscondita.

PROCESSIO CORPORIS CHRISTI SIVE

Modus peragende Processionis.

QUando in Festo Corporis Christi, aut infra Octavam ejusdem Festi peragenda est præfata Processio, tunc in variis Palatiis, Civitatibus & villis, eriguntur Altaria quatuor, ad quæ dirigitur Processio, ubi Prælatus solennizans Ssimum Sacramentum collocat, & deponit. Ut igitur præfata processio possit devotius ab omni populo absol-

vi, porrigitur modus, quid sit dicendum, procedendo ad quodvis seorsivè Altare; deinde dabitur modus, quid sit item dicendum, comparando, coram quolibet seorsivè Altari.

A L T A R E I.

Exeundo ex Ecclesia ad primum Altare, dici potest sequens Lectio per viam.

Lectio S. Pauli ex Epistola II. ad Corinthios Cap. XI.

FRatres : convenientibus vobis in unum, jam non est Dominicam Cænam manducare. Unusquisque enim suam cænam præsumit ad manducandum. Et alius quidem esurit,

furit, alius autem ebrius est. Nunquid domos non habetis ad manducandum & bibendum? aut Ecclesiam DEI contemnitis, & confunditis eos, qui non habent? Quid dicam vobis? laudo vos? in hoc non laudo. Ego enim accepi à Domino, quod & tradidi vobis, quoniam Dominus JESUS, in qua nocte tradebatur, accepit panem; & gratias agens fregit, & dixit: accipite & manducate: hoc est Corpus meum quod pro vobis tradetur: hoc facite in meam commemorationem. Similiter & Calicem postquam cœnavit; dicens: Hic Calix novum Testamentum est in meo Sangvine. Hoc facite

quotiescunque bibetis iu meam
commemorationem. Quoties-
cunq; enim manducabitis pa-
nem hunc, & calicē bibetis, mor-
tem Domini annuntiabiti, oo-
nec veniat. Ita q; quicunq; man-
ducaverit panem hunc, vel bi-
berit Calicem Domini indignè:
reus erit Corporis & Sangvi-
nis Domini. Probet autem se
ipsum homo: & sic de pane il-
lo edat & de calice bibat. Qui
enim manducat & bibit indig-
nè, iudicium sibi manducat &
bibit, non dijudicans Corpus
Domini. Ideo inter vos multi
infirmi & imbecilles, & dor-
miunt multi. Quod si nosmet-
ipsos dijudicaremus, non uti-
que judicaremur. Dum judi-
camur

camur autem, à Domino cor-
ripimur, ut non cum hoc mun-
do damnemur.

O R A T I O.

Domine JESU Christe,
qui in memoriam Tui
jussisti Apostolos Tuos, & nos
omnes eorum successores frui
Sanctissimo Corpore & Sangvi-
ne Tuo; concede quæsumus,
ut omnes, qui memoriam hu-
jus Sacramenti recolimus, nos-
metipsos probemus, & qua par
est, nos semper præparemus ad
sumendum tam eminentem, &
pretiosum cibum. Qui vivis &
regnas cum DEO Patre, in u-
nitate Spiritûs S. DEUS in sæ-
cula sæculorum Amen.

*Si verò hæc via ad primum
Altare fuerit longior & remotior,*

tunc per illam poterit quisque recitare Psalmos de Sanctissimo Sacramento, inferius positos; aut Hymnum: *Lauda Sion Salvatorem.*

STATIO I.

Ad primum Altare

Hic dicendum Evangelium sequens.

Initium Sancti Evangelii secundum Mattheum.

Liber Generationis JESU Christi, Filii David, Filii Abraham. Abraham genuit Isaac, Isaac autem genuit Jacob: Jacob autem genuit Judam, & Fratres ejus. Judas autem genuit Phares, & Zamar de Thamar. Phares autem genuit Efron. Efron autem genuit Aram: Aram autem genuit
it

it Aminadab. Aminadab autem
genuit Naalon. Naalon au-
tem genuit Salmon. Salmon
autem genuit Booz de Rahab.
Booz autem genuit Obed ex
Ruth. Obed autem genuit
Jesse. Jesse autem genuit Da-
vid Regem. David autem Rex
genuit Salomonem, ex ea quæ
fuit Uriæ. Salomon autem ge-
nuit Roboam. Roboam autem
genuit Abiam. Abias autem
genuit Afa. Afa autem genuit
Josaphat. Josaphat autem ge-
nuit Joram. Joram autem ge-
nuit Oziam. Ozias autem ge-
nuit Achaz. Achaz autem ge-
nuit Ezechiam. Ezechias au-
tem genuit Manassen. Manasses
autem genuit Amon. Amon

autem genuit Josiam. Josias
autem genuit Jechoniam, &
Fratres ejus in transmigratio-
ne Babylonis. Et post transmi-
grationem Babylonis, Jecho-
nias genuit Salathiel. Salathiel
autem genuit Zorobabel. Zo-
robabel autem genuit Abiud.
Abiud autem genuit Eliachim.
Eliachim autem, genuit Azor.
Azor autem genuit Sadoc.
Sadoc autem genuit Achim.
Achim autem genuit Eliud. E-
liud autem, genuit Eleazar. E-
leazar autem genuit Mathan.
Mathan autem genuit Jacob.
Jacob autem genuit Joseph,
Vicum **MARIÆ**. de qua natus
est **JESUS**, qui vocatur Christus.

ANTI-

ANTIPHONA.

Homo quidam fecit cœnam magnam, & vocavit multos, & misit servos suos horâ cœnæ dicere invitatis ut venirent, quia jam parata sunt omnia, & cœperunt simul omnes excusare.

ORATIO.

OMnipotens sempiternæ DEUS, qui nobis per Unigenitum Filium tuum, Dominum nostrum JESUM Christum, fecisti cœnam magnam in Sanctissimo Sacramento Corporis & Sanguinis ejus pretiosissimi, pro nobis effusi, da nobis quæsumus, ut ad tam pretiosam, dignam, & cœlestem cœ-

cenam vocati, nullis nos temporalibus necessitatibus ab illa excusemus, sed semper ad illam, totâ animâ, affectu & corde properemus. Per Eundem Dominum nostrum JESUM Christum, qui tecum vivit & regnat in unitate spiritûs S. DEUS per omnia sæcula sæculorum, Amen.

ALTARE II.

Procedendo ad hoc secundum Altare dicenda est sequens Lectio.

*Lectio S. Augustini Tract. XXVI.
in Joannem sub finem.*

CUM cibo, & potu id appetant homines, ut neque esturiant neq; sitiant: hoc veraciter non præstat, nisi iste cibus & potus, qui eos, à quibus sumitur, immor-

mortales, & incorruptibiles facit; id est societas ipsa sanctorū: ubi pax erit, & unitas plena atq; perfecta. Propterea quippe, sicut etiam ante nos hæc intellexerunt homines DEI, Dominus noster JESUS CHRISTUS Corpus & Sangvinem suum in eis rebus commendavit, quæ ad unum aliquid rediguntur ex multis. Namq; aliud in unum ex multis granis conficitur: aliud in unum ex multis acinis confluit. Denique jam exponit quomodo id fiat, quod loquitur: & quid sit manducare Corpus ejus, & Sangvinem bibere. Qui manducat meam carnem, & bibit meum Sanguinem, in me manet, & ego in illo

Hæc

Hoc est ergo manducare illam
escam, & illum bibere potum,
in Christo manere, & illum ma-
nentem in se habere. Ac per
hoc, qui non manet in Christo,
& in quo non manet Christus,
procul dubio nec manducat
spiritualiter carnem ejus, nec
bibit ejus Sangvinem, licet
carnaliter & visibiliter premat
dentibus Sacramentum Corpo-
ris & Sanguinis Christi: sed ma-
gis tantæ rei Sacramentum ad
judicium sibi manducat, & bi-
bit, quia immundus præsum-
psit ad Christi accedere Sacra-
menta, quæ aliquis non digne
sumit, nisi qui mundus est; de
quibus dicitur: Beati mundo
corde, quoniam ipsi DEUM vi-
debunt. ORA-

O R A T I O.

Domine JESU Christe, qui per cibum Corporis tui, & potum Sangvinis tui efficis nos immortales, & incorruptibiles, da nobis quæsumus: ut sumendo hæc tua dona, efficiamur immortales, & incorruptibiles. Qui vivis & regnas in sæcula sæculorum, Amen.

Si & hic esset remotior via ad secundum Aliare, tunc per illam potest recitari corona meritis propria.

S T A T I O II.

Coram secundo Aliari. Hic dicendum est Evangelium Sequens.

Initium Sancti Evangelii secundum Marcum.

Initi

Initium Sancti Evangelii
JESU Christi Filii DEI.
sicut scriptum est in Isaia Pro-
pheta (Ecce mitto Angelum
meum ante faciem tuam, qui
præparabit viam tuam ante te)
vox clamantis in deserto. Pa-
rate viam Domini, rectas faci-
te semitas ejus. Fuit Joannes in
deserto baptisans & prædicans
baptismum pœnitentiæ in re-
missionem peccatorum. Et e-
grediebatur ad eum omnis Ju-
deæ Regio & Jerosolymitæ
universi, & baptisabantur ab
illo in Jordanis flumine, con-
fitentes peccata sua. Et erat
Joannes vestitus pilis cameli, &
zona pellicea circa lumbos ejus,
& locustas & mel sylvestre ede-
bat.

bat. Et prædicabat dicens:
veniet fortior me post me, cu-
jus non sum dignus procumbens
solvere corrigiam calceamen-
torum ejus. Ego baptisavi vos
aquâ: ille verò baptisabit vos
spiritu Sancto.

A N T I P H O N A.

*Immolabit hædum multitudo Fili-
orum Israel, & edent carnes &
Azymos panes.*

O R A T I O.

OMnipotens sempiterne DE-
US, qui nobis in Altari,
novi Testamenti, non jumen-
ta irrationalia, sed verum Cor-
& Sangvinem Filii Tui JESU
Christi offerre disposuisti, roga-
mus Te humillimè, ut per tam
Sanctam incontaminatam &

D

im-

immaculatam oblationem, in-
contaminati fiamus. Per Eun-
dem Dominum nostrum JE-
SUM Christum, qui Tecum vi-
vit & regnat in unitate Spiri-
tûs S. DEUS in sæcula sæcu-
lorum. Amen.

A L T A R E III.

*Eundo ad hoc tertium Altare di-
cenda est sequens Lectio.*

Lectio Sancti Cyrilli Episco-
pi Jerosolymitani.

Ipsa Beati Pauli doctrina
abunde sufficere vide-
tur, ut certam nobis dedivi-
nis mysteriis fidem faciat, qui-
bus digni redditi, concorpo-
rei, ut ita dicam, & consan-
gvinei Christi facti estis. Ipse
enim

enim modò clamabat, quod in nocte qua tradebatur Dominus noster JESUS Christus, accipiens panem, & gratias agens fregit, & dedit Discipulis suis dicens: Accipite & manducate: hoc est Corpus meum. Et accipiens Calicem, & gratias agens, dixit: Accipite & bibite: hic est Sanguis meus. Cum igitur ipse de pane pronuntiaverit ac dixerit: Hoc est Corpus meum: quis audebit deinceps ambigere? & cum idem ipse tam asseveranter dixerit: Hic est Sanguis meus: quis unquam dubitaverit, ut dicat, non esse ejus Sanguinem?

Aquam olim in vinum convertit in Cana Galilææ, quod

habet quandam cum Sangvine propinquitatem: & eum parum dignum existimabimus, cui credamus, quòd vinum in sanguinem transmutârit? Ad eas nuptias, quibus corpora copulantur, vocatus, præter opinionem omnium hoc fecit miraculum: & non multò magis sic eum Corpus & sanguinem suum fruenda nobis donâsse persuasum firmiter habebimus, ut ea cum omni certitudine tanquam corpus ipsius & Sanguinem sumamus? Nam in specie panis dat nobis corpus, & in specie vini dat nobis sanguinem: ut cum sumpseris, gustes corpus & sanguinem Christi, factus ejusdem Corpora.

corporis & sanguinis particeps. Sic enim efficimur Christifidei, hoc est: Christum in corporibus nostris ferentes, cum corpus ejus & sanguinem in membra nostra recipimus: sic secundum Beatum Petrum Divinæ Naturæ consortes reddimur.

Olim cum Judæis Christus differens, *Nisi manducaveritis (inquit) carnem meam, & biberitis meum Sanguinem, non habebitis vitam in vobis.* Cum autem illi, quæ dicta fuerant, non spiritaliter accepissent, offensi abierunt retrò: putabant enim quòd eos ad manducandas carnes hortaretur. Erant & in veteri Testamento panes propositionis: verùm illi cum fue-

rint veteris Testamenti, finem
jam acceperunt: in novo verò
Testamento panis est cælestis,
& calix salutaris, qui & ani-
mam, & corpus sanctificant.
Quamobrem non sic hæc at-
tendas velim, tamquam sint nu-
dus & simplex panis, nudum
& simplex vinum: corpus e-
nim sunt & sanguis Christi.
Nam etiam si sensus illud tibi
renuntiat, fides tamen te con-
firmet. Ne judices rem ex gu-
stu: sed te citra ullam dubita-
tionem fides certum reddat,
quòd sis dignus factus, qui cor-
poris & sanguinis Ch. isti par-
ticeps fieres.



ORA-

O R A T I O.

OMnipotens sempiterne DEUS, qui nos per Sacramentum corporis & sanguinis unigeniti Filii Tui Domini nostri JESU Christi, naturæ tuæ Divinæ participes effecisti, supplicamus infinitæ bonitati tuæ, ut per peccata nostra, à tam digna participatione non rejiciamur. Per eundem Dominum nostrum JESUM Christum, qui tecum vivit & regnat in unitate spiritûs S. DEUS in sæcula sæculorum, Amen.

S T A T I O III.

Coram tertio Altari; ubi dicendum est Evangelium sequens.

Initium Sancti Evangelii secundum Lucam.

D4

Fuit

Fuit in diebus Herodis
Regis Judææ, Sacerdos
quidam nomine Zacharias de
Tribu Abia, & uxor illius de
filiabus Aaron, & nomen illi-
us Elisabeth; Erant autem ju-
sti ambo ante DEUM, inceden-
tes in omnibus mandatis, &
justificationibus Domini, sine
quærela, & non erat illis fili-
us, eo quod esset Elisabeth
sterilis, & ambo processissent
in diebus suis. Factum est au-
tem: cum Sacerdotio fungere-
tur Zacharias in ordine vicis suæ
ante DEUM, secundum con-
suetudinem Sacerdotii, sorte
exiit: ut incensum poneret,
ingressus in Templum Domini:
& omnis multitudo populi erat.

orans

orans foris horâ incensi. Apparuit autem illi Angelus Domini: stans à dextris Altaris incensi. Et Zacharias turbatus est, videns: & timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua. Et uxor tua Elisabeth pariet tibi filium: & vocabis nomen ejus Joannem. Et erit tibi gaudium & exultatio: & multi in nativitate ejus gaudebunt. Erit enim magnus coram Domino: vinum & siceram non bibet. De Spiritu Sancto replebitur adhuc ex utero matris suæ: & multos filiorum Isráel convertet ad Dominum DEUM ipsorum. Et

D5

ipse

ipse præcedet ante illum in
 spiritu & virtute Eliæ: ut con-
 vertat corda Patrum in filios:
 & incredulos ad prudentiam
 justorum, parare Domino ple-
 bem perfectam.

A N T I P H O N A

*Respexit Elias ad caput suum
 subcinericium panem, qui surgens
 comedit, & bibit, & ambulavit in
 fortitudine cibi illius usque ad mon-
 tem DEI.*

O R A T I O.

OMnipotens sempiterne DE-
 US, qui Eliam virtute pa-
 nis, significantis Sanctissimum
 Sacramentum; deduxisti usque
 ad montem tuum: præsta qua-
 sumus, ut & nos virtute panis
 vivi, de calo descendentis, in
 mon-

montē æternitatis beatæ transeamus. Per Iundem Dominum nostrum JESUM Christum, qui tecum vivit & regnat in unitate spiritûs Sancti DEUS in sæcula sæculorum, Amen.

ALTARE IV.

Descendendo ad quartum Altare, dicenda est sequens Lectio.

Lectio Sancti Thomæ Aquinatis in Opusculo LVII.

Immensa Divinæ largitatis beneficia, exhibita populo Christiano, inæstimabilem ei conferunt dignitatem. Neque enim est, aut fuit aliquando tam grandis natio, quæ habeat deos appropinquantes sibi

bi, sicut adest nobis DEUS noster. Unigenitus siquidem Lei Filius, suæ Divinitatis volens nos esse participes, naturam nostram assumpsit, ut homines DEOS faceret factus homo. Et hoc insuper, quod de nostro assumpsit, totum nobis contulit ad salutem. Corpus namque suum pro nostra reconciliatione in ara crucis hostiam obtulit Deo Patri, sanguinem suum fudit in pretium simul & lavacrum: ut redempti à miserabili servitute, à peccatis omnibus mundaremur. Ut autem tanti beneficii jugis in nobis maneret memoria, corpus suum in cibum, & sanguinem suum in potum, sub specie

cie panis & vini sumendum,
fidelibus dereliquit.

O pretiosum & admirandum convivium, salutiferum, & omni suavitate repletum! Quid enim hęc convivio pretiosius esse potest? in quo non carnes vitulorum & hircorum, ut olim in lege, sed nobis Christus sumendus proponitur verus DEUS. Quid hęc Sacramento mirabilius? In ipso namque panis & vinum in Christi corpus & Sangvinem substantialiter convertuntur: ideoque Christus DEUS, & Homo perfectus sub modici panis & vini specie continetur. Manducatur itaque à fidelibus, sed minimè laceratur: quinimo
diviso

diviso Sacramento, sub qualibet divisionis particula integer perseverat. Accidentia autem sine subiecto in eodem subsistunt, ut fides locum habeat, dum visibile invisibiliter sumitur alienâ specie occultatum, & sensus à deceptione redduntur immunes, qui de accidentibus judicant sibi notis.

Nullum etiam Sacramentum est istô salubrius, quô purgantur peccata, virtutes augmentur, & mens omnium spiritualium charismatum abundantia impinguatur. Offeritur in Ecclesia pro vivis & mortuis: ut omnibus profit, quod est pro salute omnium institutum. Svavitatem denique hujus

jus Sacramenti nullus exprimere sufficit, per quod spiritualis dulcedo in suo fonte gustatur & recolitur: memoria illius, quam in sua passione Christus monstravit, excellentissimæ charitatis. Unde ut arctius hujus charitatis immensitas fidelium cordibus infigeretur, in ultima cæna, quando Pascha cum Discipulis celebratô, transiturus erat de hoc mundo ad Patrem, hoc Sacramentum instituit, tanquam passionis suæ memoriale perenne, figurarum veterum impletivum, miraculorum ab ipso factorum maximum; & de sua contristatis absentia solatium singulare reliquit

ORA-

O R A T I O

OMnipotens sempiterne DE-
us, qui nobis in Sacramen-
to corporis & sanguinis unige-
niti Filii tui saluberrimum con-
vivium præparasti, quia non tan-
tum nobis vivis, sed & mor-
tuis voluisti esse utile, quætu-
mus humillimè: ut hodierna
memoria hujus Sacramenti, non
tantum nobis vivis, sed &
mortuis in gratia tua, sit uti-
lis ad salutem. Per eundem
Dominum nostrū JESUM Chri-
stum, qui tecum vivit & regnat
in unitate Spiritūs sancti DEUS,
in sæcula sæculorum, Amen.

*Si & hic longior esset via ad
quartum Altare, possunt recitari
actus de Ssimo Sacramento inferi-
us positi.*

STA.

S T A T I O I V .

Coram quarto Altari, ubi dicendum est Evangelium seruens.

Initium S. Evangelij se und. Joa:

IN principio erat Verbum:
& Verbum erat apud DE-
UM: & DEUS erat Verbum.

Hoc erat in principio apud DEUM. Omnia per ipsum facta sunt: & sine ipso factum est nihil, quod factum est. In ipso vita erat: & vita erat lux hominum: & lux in tenebris lucet, & tenebræ eam non comprehenderunt. Fuit homo missus à DEO, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non

E erat

erat ille lux : sed ut testimoni-
um perhiberet de lumine. E-
rat lux vera, quæ illuminat om-
nem hominem venientem in
hunc mundum. In mundo e-
rat, & mundus per ipsum fa-
ctus est, & mundus eum non
cognovit. In propria venit : &
sui eum non receperunt. Quo-
quot autem receperunt eum,
dedit eis potestatem filios DEI
fieri, his qui credunt in Nomine
ejus: qui non ex sanguinibus,
neque ex voluntate carnis, ne-
que ex voluntate viri, sed ex
Deo nati sunt. Et Verbum ca-
ro factum est : & habitavit in
nobis. Et vidimus gloriam ejus,
gloriam quasi unigeniti à Pa-
tre, plenum gratiæ &
veritatis. AN-

ANTIPHONA.

*Misit me vivens Pater, & ego
vivo propter Patrem. Et qui man-
ducat me, vivet propter me.*

ORATIO.

OMnipotens sempiterne DE-
us, qui unigenitum Fili-
um tuum Dominum nostrum
JESUM Christum, misisti in
mundum, ut illius fruamur
corpore & sanguine, & viva-
mus propter illum, & in glo-
riam ejus, concede quæsumus
ut illo viventes, & in illo ma-
nentes, vitam æternam conse-
quamur. Per eundem Domi-
num nostrum JESUM Chri-
stum

stum, qui tecum vivit & regnat
in unitate Spiritus Sancti Deus,
in sæcula sæculorum, Amen,

CONCLUSIO

Coram quarto Altari

ANTIPHONA

O Sacrum convivium, in quo Chri-
stus sumitur, recolitur memoria Pas-
sionis ejus. mens impletur gratia,
& futuræ gloriæ nobis pignus datur.
*Alleluia. Panem de cælo præsti-
tisti eis Alleluia. Omne delecta-
mentum in se habentem Alleluia.*

ORATIO.

DEUS qui per præsentiam
Arcæ fæderis, domui &
universæ substantiæ Obededom
fide-

fidelis tui, largam benedictionem contulisti; concede propitius, ut Arca redemptionis nostræ Christus JESUS Filius tuus hodie in corporis sui mysterio nos visitans, temporali & æterna benedictione muneretur. Qui tecum vivit & regnat in unitate Spiritus Sancti DEUS in sæcula sæculorum, Amen.

TE DEUM laudamus: Te Dominum confitemur.

Te æternum Patrem: omnis terra veneratur.

Tibi omnes Angeli: tibi cæli & universæ potestates.

Tibi Cherubim & Seraphim: incessabili voce proclamant,

E3

San-

Sanctus, Sanctus, Sanctus:
Dominus DEUS Sabaoth.

Pleni sunt cæli & terra: Ma-
jestatis gloriæ tuæ.

Te gloriosus Apostolorum
Chorus,

Te Prophetarum laudabilis
numerus.

Te Martyrum candidatus
laudat exercitus.

Te per Orbem terrarum San-
cta confitetur Ecclesia.

Patrem immensæ Majestatis.
Venerandum tuum verum,
& unicum Filium.

Sanctum quoque Paraclitum
Spiritus.

Tu Rex gloriæ Christe.

Tu Patris sempiternus es Fi-
lius.

Tu

Tu ad liberandum suscepturus hominem: non horruisti Virginis uterum.

Tu devictô mortis aculeô, aperuisti credentibus regna cælorum.

Tu ad dexteram DEI sedes: in gloria Patris.

Judex crederis esse venturus.

Te ergo quæsumus, tuis famulis subveni: quos pretioso sanguine redemisti.

Æterna fac cum Sanctis tuis: in gloria numerari.

Salvum fac populum tuum Domine: & benedic hereditati tuæ.

Et rege eos; & extolle illos usque in æternum.

Per singulos dies, benedicimus Te.

Et laudamus nomen tuum in sæculum: & in sæculum sæculi.

Dignare Domine die isto: sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum speravimus in te.

In te Domine speravi, non confundar in æternum.

D I E S II.

Octavæ Sanctissimi Corporis Christi.

M O D U S V.

Visitandi Ssimum Sacramentum mane per affectum doloris. Cui-

Omnis bonitatis, felicitatis, & benedictionis notus & fons, latens in Sanctissimo Sacramento DEUS, & Homo JESU Christe, compareo hodierna die coram immensa Majestate tua, & Te h.c. præsentem sub speciebus panis quam humillimè, cum ineffabili dolore visito. Vix etenim misericordissime JESU, instituisti Sacramentum corporis & sanguinis tui, & cibasti illo iniquum Judam, & ecce ille mox statuit in mente sua, quomodo Sanctissimum Corpus tuum, ignotè arriperet, & sic ad Pharisæos, Principes Sacerdotum Judæorum deferre possit, si illius conatum non impedivisset,

Es

San-

Sanctissima Virgo Maria Mater
tua, quæ quodam modò per a-
liqualem, claram, certam, præ-
visionem, perspicuens, & mi-
raculose cognoscēs, quis & qua-
lis eventus futurus, igitur zelô
gloriæ DEI accensa, respiciens
Voluntatem Dei huc inclinan-
tem, usa est jam suâ Materna
& Regiâ Auctoritate, & sic præ-
potenti Auctoritate sua, manda-
vit Angelis; Panem consecra-
tum & vinum ex abominando
orè infelicissimi Judæ paulatim
colligere, & ad alias consecra-
tas particelles deferre Exe-
cuti sunt tale mandatum San-
tissimæ Matris Ministri DEI,
cum summa veneratione & o-
bedientia adimpleverunt, &
sa-

Sacramētales species de ore turpissimo Judæ, intactè collegerunt, purificatasque in debito & primario loco inter alias particellas intactè & honorificentissimè deposuerunt (uti testatur Venerabilis Maria à JESU part. II. lib. VI. Art: XI.) Licet ergo deesset alia ratio, unicus pessimi Judæ conatus, est sufficiens doloris fundamentum. Hoc tamen sacrilego conatu, non erat contentus fidefragus Judas, imò quia ipsi id non evenit quod volebat, ulterius facinus, perpetrare ausus est, dum Te Magistrum, Præceptorum & Patrem suum amantissimum (nullò habitò respectu, etsi sanctissimo Corpo-

re & Sangvine sit refectus) triginta argenteis vendidit. O malitia super malitiam! O iniquitas super iniquitates! quis inveniri poterit sic duri & lapidei cordis, qui super Te benignissime JESU indolere non debent? Et ecce quomodo & ad patens multi reperiamur Judæ, qui hunc Sanctissimo Corpore cibamur, vivimus, & illo reficimur, attamen per peccata nostra proditores existimus! O quàm innumeri erant qui suscepto Sanctissimò Corpore tuò pro vilissimis rebus, infidelibus Judæis illud vendiderunt, & iterum in varia tormenta, contumelias, & blasphemias traxerunt. Quas injurias

rias dum in hodierna visitatione recogito summo opere, ex toto corde indeleo, in ò desidero, ut super hac ingratitude signa, per totam vitam meam, & momenta indeleam. Indoleo gemens te tio super hoc, quia ex hominibus Christianis, non est talis, quem non cibares Corpore & Sanguine tuo, attamen rarus est, qui Te visitaret frequentur. Miserere igitur JESU, super hac ingratitude & tepiditate nostra, & quos dignatus es fieri participes Corporis & Sanguinis tui, eosdem, per illum dolorem quem habuisti, dum videras sacrilegos conatus Judæ, digneris accendere ad devotionem
erga

erga hoc Sacramentum, & ad
continuum gratitudinem, pro
institutione illius, propter sa-
lutem nostram.

M O D U S VI.

*Visitandi Sanctissimum Sacra-
mentum ante meridiem: per affe-
ctum compensationis eadem die se-
cunda.*

SUPERABUNDANS merces
nostra latens in Sanctis-
simo Sacramento DEUS, com-
pareo hodiernâ die coram in-
mensa Majestate tua, & Te hic
præsentem sub speciebus pa-
nis quàm humillimè visito. Per
hanc autem visitationem com-
penso Tibi pro omnibus negli-
genti-

gentiis meis, quodcumque,
& qualicumque modò, neglexi
Te visitare in Sanctissimo Sa-
cramento latentem. Compen-
so secundo pro omnibus pec-
catis meis, quibuscumque Te
potui offendere, per totam vi-
tam meam, singulariter quan-
do indignè, frigidè, & sine de-
bita præparatione accedebam
ad hæc Sacrosancta Myſteria.
Compenso hac visitatione meâ,
omnia opera & actus, & bonos
progreſſus, qui eſſent perfectio-
res & tibi magis acceptabiles ſi
illis plus amoris, diligentia, &
fervoris ſpiritûs adderem.
Compenso hâc visitatione meâ,
omnia opera & actus, quos-
cumque potuiſſem habere, &

ad-

adimplevi ante vocationem ad
statum præsentem, in quo ad
præiens exiit. Compensō o-
mnia opera mea post vocatio-
nem ad statum hunc, in quo
nunc ex infinita gratia per-
maneo. Compensō infantulos
annos meos, annos juventutis
meæ, maturitatis & senectutis
meæ. Et quidquid in his inter-
misi, quidquid neglexi, & quid-
quid in illis mihi defuit, hoc
totum in hunc locum, hodie-
nam licet si tepidam & in di-
gnam visitationem tibi offerro.
Compensō adhuc h diernā vi-
sitatione meâ, totam æterni-
tatem Dæmonum maledicto-
rum atq; damnatorum, qui Ti-
bi in hoc Sacramento latent,
nullum

nullum honorem, adorationem & reverentiam præstant. Compenso omnia tempora & momenta, horas, menses, años, quibus vacavi à debita gloria, adoratione & reverētia huic Sacramento. Compenso adhuc præsentis visitatione meâ, omnia opera & actus operationesque bonas, ad quas impediti fuerunt homines justî, aut per mortem naturalem, aut violentam, aut subitanēam & improvisam, aut qualicumque alio modo. Compenso ultimatò, omnia opera & actiones, quæcunque in quacunque circumstantia poterant esse adimpletæ, aut saltem ad adimplendum possibiles. Suscipe igitur

E

mi

mi JESU affectum hunc compensationis meæ, quidquid quodocunque, & qualicunque modo, in adoratione Sacramenti Corporis & Sangvinis Tui pretiosissimi mihi defuit, aut intermisi, & rogo Te per testimonia falsa, contra Te quæsitæ, & Tibi objectæ, à Principibus Sacerdotum, ne remiscaris peccata, & negligentias meas.

M O D U S VII.

Visitandi Sanctissimum Sacramentum post meridiem: per affectum desiderii die secunda.

UNica & superabundans
 pacificatio desiderii mei
 latens

Intens in Sanctissimo Sacramen-
to JESU ! compare hodierna
die coram immensa Majestate
tua, & Te hinc præsentem sub
speciebus panis, quàm humil-
limè adoro & visito.

Que admodum desiderat
cervus ad fontes aquarum, ita
desiderat anima mea, ad Te
DEUS meus: Sicut turtur si-
ne socia persistere non potest,
& tædio afficitur, eamq; modis
omnibus quærit, ita ego DEUS
meus, sine Te esse non possum,
& Te quæro omnibus diebus
vitæ meæ.

Sicut ovis à grege suo se-
gregata, quærit gregem quem
amisit, & sine illo errans per-
manet; sic ego errans sum sine

Fa

Te

Te DEUS meus, & cum Propheta tuo clamo: *Erravi sicut ovis quæ perit, quære servum tuum, quia mandata tua non sum oblitus.*

Sicut columba per accipitrem perterrefacta & in remotas partes expulsa desiderat redire ad consortium suum, ita ego ad Te redire desidero DEUS meus super omnia dilectissime! & simul dico: hæc requies mea in sæcula sæculorum, hic requiescam quoniam hunc locum Sanctissimi Sacramenti elegi mihi.

Sicut piscis sine aqua moritur, sic ego morior sine dulcissimo cibo tuo JESU. Sicut homo viator, & in magnis de-

ierts,

fertis errans, desiderat ad
rectam, realem & veram semi-
tam, sic ego desidero ad Te
redire, qui es via, veritas &
vita mea.

Sicut Abraham Patriarcha
vidit diem tuum, vidit & ga-
visus est, & desiderabat Te vi-
dere. Sic ego desidero Te vi-
dere DEUM meum.

Sicut Jacob Patriarcha de-
siderabat videre Filium amis-
sum Joseph, ita ego desidero
Te videre DEUM meum in
Sanctissimo Sacramento laten-
tem.

Sicut Tobias justus desi-
derabat videre lumen oculo-
rum suorum, sic & ego desi-
dero lumen videre clarissimum
cali & terræ. Sicut

Sicut Job patientissimus, desiderabat recipere integram valetudinem corporis sui, sic ego desidero ut me digneris accedentem ad hoc Sacramentum sanare in corpore & anima mea.

Sicut antiqui Sancti Patriarchæ desiderabant Messiam verum: & suspirabant: *Koræ cal defuper, & nubes pluatur iustum, aperiatuſ terra, & germinet Salvatorem.* Sic ego deſide o principium, & fontem salutis meæ. Noli domine contemne deſiderium meum, ſed potius illud, per ardentissimum deſiderium ſalutis humanæ, quod habueras in tota Paſſione tua, velis per gratiam tuam
adau-

adaugere, ad majus, majusq;
in dies desiderium gloriae tuae.

MODUS VIII.

*Visitandi Sanctissimum Sacramen-
tum ante tempus vespertinum, per
affectum gaudii, laetitiae, ex au-
gmento gloriae Sanctissimi Sacra-
menti, die secunda.*

Verissimum animarum
humanarum gaudium
latens in Sanctissimo Sacramen-
to JESU! compareo hodierna
die coram immensa Majestate
Tua, & Te hic praesentem sub
speciebus panis, quam humil-
limè adoro & visito. Exulto
& superabundanti repleor gau-
dio exinde, quia quam primum

instituísti Sanctíssimum Sacramentum, Corporis & Sangvinis Tui, sic statim Sancti Apostoli & Discipuli Tui, Sacramentum deprædicabant toti universo, & hæc totum faciebant in Tui memoriam, sicut præceperas eis in ultima cæna tua! Gaudeo adhuc exinde, quia Apostoli non tantum id executi sunt, quia deprædicabant Sacramentum Corporis & Sangvinis tui, verum hanc deprædicationem, effusione Sangvinis sui confirmarunt, quemadmodum fecit Sanctus Andreas Apostolus, qui dum cogeatur ab Infidelibus: ut sibi consulens falsis Diis velit immolare, respondit: Ego

omni-

omnipotenti DEO, qui unus & verus est, immolat quotidie, non taurorum carnes, nec hircorum Sanguinem, sed immaculatum Agnum in Altari, cujus carnem posteaquam omnis populus credentium manducaverit, Agnus qui sacrificatus est, integer perseverat & vivus.

Exulto tertio exinde, quia post mortem Apostolorum, non cessavit gloria Sanctissimi Sacramenti, sed illam eorum successores, viri Apostolici, indies magis ac magis dilatabant, & propter hanc dilatationem sanguinem suum effuderunt. Exulto quarto exinde inenarrabili gaudio: quia præfatum Sacramen-

tum corporis & sanguinis Tui,
quotidie in Ecclesia tua per u-
niversum orbem conficitur, &
immolatur, penes quotidiana
Missarum Sacrificia Exulto
quintò exinde: quia sicut Fe-
stum solemne hujus Sacramen-
ti est felicissime inchoatum &
institutum, sic ad hæc usque
tempora retinetur, & cum sum-
mo plausu totius universi ce-
lebratur Exulto adhuc exin-
de: quia licet inveniantur mul-
ti, qui in devotione erga hoc
Sacramentum sunt frigidi, at-
tamen multò plures sunt qui
inextinguibili ardent amore
erga illud, quotidie illud visi-
tant, & illi de die, & nocte
debitam exhibent adoratio-
nem

nem. Accende & in me Domine, argentissimum amorem erga Te, ut Te h'c semper visitem, ut h'c semper ad præstandum honorẽ Tibi debitum, quam ardentissime frequentem. Ultimato exulto exinde: quia gloria Sanctissimi Sacramenti Tui, per universum orbem augetur, quia coram illo cælestium terrestrium & infernorum flectitur genu, quia in adorationem hujus Sacramenti, altissimæ Majestates, Apostolicæ, Cæsarum, Regum, Principum & quæcunque aliæ, cum summa humilitate, & reverentia, humiliantur, subjectos sibi ad id alliciunt, Ecclesias, Capellas, Oratoria, Altaria in

me-

memoriam hujus Sacramenti
 erigunt, & omnes alios modos
 exinde præstant, ut tantum ho-
 norem, gloriam, reverentiam,
 hujus Sanctissimi Sacramenti au-
 geant. Tribue ergo illis hic
 latens JESU, per profundam
 taciturnitatem tuam, tunc dum,
 contra Te expositi erant testes
 falsi ut falsa testimonia contra
 Te perhiberent, majores ac ma-
 jores gratias, ut magis, ac ma-
 gis honor hujus Sacramenti per
 illos augeatur, & amplietur per
 totum Orbem.



DIES

D I E S III
OCTAVÆ SACRATISSIMI
CORPORIS CHRISTI.

M O D U S IX.

*Visitandi Sanctissimum Sacramen-
tum manè per affectum conversio-
nis ad omnes quatuor mundi par-
tes: hâc die tertiâ.*

Qui Essentiâ, & immensita-
te tua cælum & terram
imples, incomprehensibilis
DEUS! compareo hodierna die
coram immensa Majestate tua,
& Te hîc præsentem sub spe-
ciebus panis quàm humillimè
adoro, & visito. Quod autem
non solum in hoc loco, non
tan-

tantum in hoc Altari, non tantum in hac Ecclesia, sed per totum Orbem lateas sub speciebus panis existis; igitur intellectum, voluntatem & totam animam meam converto primò ad ortum solis, & Te in omnibus Ecclesiis, capellis, Altaribus & quibuscunque illis locis præsentem visito, adoro, & glorifico. Eheu qui mihi nunc donet amantissime JESU! ut saltem hoc tempore, & toties ad visitandum Te exurgerem, quotiescunque sol oritur in cælo! O quàm essem felicissimus! si quotidie ad aspectum hujus materialis solis velim recogitare; quàm mirabili modo sol justitiæ Christus

JE.

JESUS exoriri consuevit, & iustis hominibus diem causare in anima!

Converto secundò animam & voluntatem meam ad occasum solis, & Te ibi præsentem in omnibus Ecclesiis Capellis, Altaribus, & quibuscunque aliis locis, præsentem visito, adoro, & glorifico dicens: *Ab ortu solis usque ad occasum, laudabile Nomen Domini.*

Non permittas itaque mi Domine, ut in occidentibus partibus hujus mundi, sit occasus gloriæ & honoris, huic Sacramento debiti: effice hoc in nobis omni amore dignissime JESU, ne & post occasum, obdormiamus in devotione erga Te. Con-

Converto tertio animam & voluntatem meam ad meridionales partes, & Te in omnibus Ecclesiis, Capellis, Altaribus, & quibuscunque aliis locis, adoro, visito, & glorifico. Rogo Te simul, ut sit tam serenum cor meum, ad quotidianam Tui visitationem, sicut solet esse serenus sol meridianus; sic quiescat anima coram hoc Sacramento, sicut quiescunt omnia ad solem meridianum.

Converto quarto animam, cor & voluntatem meam totam, ad partes aquilonares, & ibi Te presentem in omnibus Ecclesiis, Capellis, & Altaribus & quibuscunque aliis locis adoro, visito & glorifico, sed

spe- 22

specialiter visito Te in his omnibus Lominiis, Regnis & locis, in quibus nequeunt Presbyteri patenter, & publicè consecrare Sanctissimum Corpus & sanguinem tuum, sed tantum occultè, absconditè, & privatim: ibi igitur JESU vellem semper esse præsens, ut Tibi pro omnibus infidelibus venerationem & gloriam retribuere quotidie. Protestor coram Te DEO, Creatore, Patre & Benefactori meo, quod in quolibet loco volo Te visitare DEUM meum, sub speciebus panis latentem, & si quandoque hoc desiderium meum quæcunque retardabit occasio, proinde protestor coram Te,

G

quia

quia hoc non erit velle meum,
velle enim meum, hoc est:
sicut Tu per immensitatem tuam
es ubique præsens, sic & ego
DEO meo ; volo, & desidero
tribuere venerationem, hono-
rem & gloriam, quiniò si pos-
sibile erit, vellem esse ubique
præsens, & ubique & in o-
mnes quatuor partes mundi
vellem esse divisus, ut Te effi-
caciùs laudem in omni loco!
O JESU, sub divisis panis ac-
cidentibus, in Sanctissimo Cor-
pore Tuo indivisibilis, effice
hoc per virtutem & efficaciam
Passionis Tux extendentis se
in omnes quatuor partes mun-
di, ut tibi in Sanctissimo Sacra-
mento latenti, ubique, & quo-
libet loco se. Viam! Mo-

Vifi
tum
omn
num
ex si

I
unu
Na
nitu
ple
bilia
vina
imm
hic
pan
bus
mè a

M O D U S X.

Visitandi Sanctissimum Sacramentum ante meridiem, per affectum omnium in singularitate perfectionum Divinarum, in Christo Domino exstentium.

Domine JESU Christe, in quo per mirabilem unionem Personæ Divinæ, cum Natura humana, invenitur plenitudo Divinitatis, hoc est: plena, integra & nihil mutabilis, neque mutata Natura Divina, compareo hodie coram immensa Majestate Tua, & Te hîc præsentem sub speciebus panis, cum omniaibus Perfectionibus tuis Divinis, quàm humillimè adoro & vînto. G2 Vîsi-

Visito Te altissima, profundissima, & excellentissima sapientia DEI, & gratias tibi ago specialiter pro hoc, quia singulare medium & modum salutis humanæ, adinvenisti Sacramentum Corporis & sanguinis JESU.

Visito Te omnipotentia DEI, & gratias ago pro hoc, quia sicut in aliis omnibus mirabilibus operibus tuis, sic in institutione Sacramenti hujus omnipotentiam Tuam demonstras, quodcumque penes actuale & essentielle oblationem Missæ Sacrificii, transubstantias panem in Corpus, & vinum in sanguinem JESU.

Visito

Visito Te omnia scrutans
scientia DEI, gratias ago Tibi
pro hoc, quia ignorantes &
errantes, & viam rectam non
quaerentes, edocuisti veritatem,
de hoc admirabili Sacramento.

Visito Te ab aeterna Provi-
dentia DEI, & gratias Tibi
ago, pro hoc, quia ante saecula,
antequam creati fueramus,
antequam nati, antequam mun-
dum agnovimus, providisti no-
bis tam nutritivum cibum de
Corpore JESU, & tam deli-
ciosum potum, de pretiosissi-
mo sanguine illius.

Visito Te immensa & nun-
quam deficiens Liberalitas Di-
vina, & gratias Tibi ago, pro
hoc, quia nobis tam magnum

theſaurum ſine ullis noſtris
meritis donare dignata es, ubi
enim major theſaurus inveniri
potelt, quàm hic, ubi DEUS &
Homo, ſub ſpeciebus panis la-
tens, ſeipſum, cum Divina &
Humana Natura, in cibum ho-
minibus tradit? Quid ampli-
us DEUS potuit dare? quam
ſeipſum? Quid pretioſius do-
nare, ſuper corpus & ſangvi-
nem JESU?

Viſito Te Juſtitia Divina,
alibi ſeverè peccatores puni-
ens, hic autem clementiſſimè
parcens, eoſdem pane caeleſti
& potu ſupernaturali reficiens.
Gratias Tibi ago pro inenar-
rabili beneficio Tuo, quia in
ſatisfactionem Juſtitiaæ Tuæ pro
pecca-

peccatis nostris, acceptas à nobis terribilem oblationem Corporis & sanguinis JESU. O quam multoties promerui terribilia judicia Tua, & vix accessi ad Altare magnorum & mirabilium Mysteriorum Sanctissimi Sacramenti, magnam compassionem obtinui super me: & hoc ipsum quia usque ad hæc tempora vivo, quia hucusque pro peccatis meis ad infernum non sum detrusus, adscribo id singulari effectui Sacramenti Corporis & sanguinis JESU.

Visito Te immensa, illimitata & Infinita Misericordia DEI, & gratias Tibi ago, qui misertus es super tuam po-

puli tui, jam non per triduum,
sed ab initio mundi usque ad
hodiernam diem, & momen-
tum ultimæ cænæ sine hoc cibo
famem magnam patientem.

- Visito Te essentialis & cle-
mentissima Bonitas Divina, &
gratias Tibi refero pro hoc,
quia, dona Tua mirabili modo,
quotidie communicas nobis,
in hoc Sacramento!

Visito vos ultimatò, omnes
ineffabiles, & incomprehen-
sibiles intellectu humano per-
fectiones Divinæ, in hoc Sa-
cramento latentes, adoro vos,
veneror vos, totius cæli & ter-
ræ affectibus, reddo vobis o-
mnem honorem, cultum & ve-
nerationem in sæcula, rogo
vos,

vos, per illam amaritudinem
JESU, quam habuit illo tem-
pore, dum illum proclamârunt
omnes dignum esse morte, ut
per peccata mea, non prome-
rear mortem æternam.

M O D U S XI.

*Visitandi Sanctissimum Sacramen-
tum, post meridiem, per varias
partes naturæ humanæ, Christi
Domini.*

BENIGNISSIME & misericor-
dissime JESU, qui tecum
Naturam humanam super om-
nes cælos exaltâsti: & illam
m. d. o, unâ cum Divinitate,
sub speciebus panis in Sanctis-
simo Sacramento mirabiliter

contines; fulto n e hodie coram
inensa Majestate tua, & Te se-
cundum Naturam humanam
Deificatam, quàm humillimè
adoro & visito.

Et primò visito Sanctissimam
animam Tuam humanam ad
primum instans creationis suæ,
visionem claram DEI habentem,
mox post creationem &
adhuc in utero MARIAE Vir-
ginis Redemptionem nostram
desiderantem, & statim in ute-
ro Redemptionem nostram o-
perari incipientem, per totam
vitam de salute nostra recogitantem,
& hanc salutem operantem,
postea penes acerbissimam
Passionem contristatam
usque ad mortem, penes mi-
rabi-

rabilem autem Resurrectionem,
& in cælum Ascensionem, gau-
diô & lætitiis cælestibus reple-
tam: modo verò mirabiliter
ad verba sacerdotalia: sub spe-
ciebus panis & vini de cælo
alacriter descendente, no-
biscum manentem, & nos o-
mnes peccatores exhilarantem,
nutrientem, & confirmantem.

Visito Te Sanctissimum Cor-
pus JESU, propter amorem
salutis meæ variis viis, labo-
ribus & oneribus fatigatum,
à planta pedis usque ad ver-
ticem Capitis vulneratum, ma-
gna cruce ad montem Calva-
riæ aggravatum, expansum in
Cruce, postea in Sepulchro de-
positum; modò verò super o-
mnes

mnes Creaturas magnificatum,
& ex se sic magnificato, cibum
nobis peccatoribus comparans,

Visito Te pretiosissime, in-
æstimabilissime, selectissime
Sanguis JESU, tum penes hor-
rendam flagellationem, tum
penes magis horribilem Cru-
cifixionem, tum ad ultimum
penes mortem abundè propter
me effuse, à Sanctissima Virgi-
ne MARIA cum magna reve-
rentia, & adoratione, post con-
summatam Passionem collecte,
& digne ab Illa tractate; Col-
ligo hinc & ego sanguinem Tu-
um Sacratissimum, dulcis-
sime JESU affectu Sanctissimæ
Virginis Mariæ, & illum in
corde meo sicut thesaurum pre-
tiosissimum repono. Vi-

Visito vos Sancti, humiles, & nulli alterationi, aut mutationi subiecti sensus JESU interni: da ergo mihi amantissime JESU, ut & sensus mei interni sint pacificati semper, & nulla passione humana perturbabiles.

Visito vos omnes sensus externi, omni semper instinctui & mandatis Animæ JESU obediētes, flexibiles, & illius omnem voluntatem adimplentes.

Visito Te sapientissimum omni scientiâ repletissimum & profundissimum in Conceptu Caput JESU, cogitationibus Sanctis de integritate nostra repletum, propter nos vulneratum, spinis coronatum, de capillis propriis in majori parte
sub

sub tempus Passionis avulsum,
& penes ultimam agoniam ad
nos inclinatum, ut & nos ad te
gratiosissime JESU, alacrius ac-
cidentius & zelosius inclinari,
redire, & converti possemus.

Visito vos Oculi JESU quon-
dam super Civitatem Jerusa-
lem, deinde super nos, & to-
tius peccata mundi flentes; col-
ligo omnes lachrymas vestras,
quæcunque potuerunt effundi
per totam vitam JESU, & illas
mihi in deletionem, & remis-
sionem peccatorum meorum,
cum Tuo consensu proprio.
Respicite ergo misericorditer
de iud his accidentibus Sacra-
mentalibus, & date mihi hanc
gratiam, ut oculi mei avertan-
tur

tur statim ab omni vanitate & illam nunquam respiciant, ed potius semper defleant peccata mea.

Visito vos ora dulcissima, disertissima, & pro omnibus peccatoribus Patrem clamantia: dicite ergo modò pro me saltem unicum verbum, ut gratiam ejus excitantem ad veram pœnitentiam consequar, ut de peccatis meis, toto corde, animo, voluntate & omnibûs viribûs meis doleam, ut ora mea in laudem DEI, & Sanctissimi Sacramenti convertam! Inspiratè mihi Ora IESU quàm ardentissimum amorem erga idem Sanctissimum Sacramentum, pervadete re-
lum

lum Spiritus, perorate quotidianum progressum perfectionis Christianæ, excitate me plene, ad omnes virtutes & efficacem emendationem vitæ meæ.

Visito vos gratiosissimæ aures JESU, ad omnium postulantium necessitates, semper paratæ & veloces. Et sicut antea stante vita JESU, etiam maximos peccatores audistis, sic modò & me maximum peccatore n coram hoc Sacramento genentem & postulantem dona, & gratias cælestes semexaudite, sed maximè in hora mortis!

Visito Te Sanctissima Facies JESU, cælum & terram aspectu
suo

suo exhilarans, & rogo Te per omnes contemptus, alapas, & sputa in Te projecta, lætifica quandoque contristatam propter peccata animam meam: effice hoc in me, ut abjectis omnibûs decoribûs, pulchritudinibûs, & speciebus terrenis, Te semper, & per totam æternitatem inspiciam.

Visito vos largissimæ manus JESU, quinque millibus hominum quinque panes frangentes, Apostolos penes ultimam cænam benedicentes, Corpus & sanguinem ejus distribuentes, Apostolorum pedes lavantes, & omnia mirabilia opera cum illis efficientes. Visito vos manus JESU in Cruce expan-

ſæ, cruci crudeliter per car-
nifices conclavata, & poſtea
per Joſephum ab Arimathæa
humiliter, & cum reverentia
de cruce depoſita. Sicuti er-
go manus Sanctæ benedixiſtis
quondam Apoſtolos, & turbas
congregatas, ſic & me bene-
dicite. Sicuti Corpus & ſan-
guinem JESU diſtribuebatis,
ſic & mihi etiam hoc utrum-
que feliciter porrigite, ut eo-
dem cæleſti reſectus cibô per-
veniam in montem Sion. O
JESU gratioſiſſime, qui poſt
exaltationem tuam, omnia ad
Temetiſum trahere promiſi-
ſti, trahant me hodiernâ die ad
Te, expansæ manus Tuæ!

Viſi-

Visito Te deificatum pectus
JESU, quod in ultima cæna,
Sanctum Joannem Apostolum
in Te recumbere permisisti, ô
quis mihi daret hanc gratiam,
ut etiam anima & cor meum,
in eodem Sanctissimo pectore
recumbere salutariter possint!
O pectus benedictum, quod
in Te immensum ignem amo-
ris erga genus humanum clau-
debas, aperi hodie cordi meo,
ad Te æstuantem, & illud ad Te
cum susceperis, pro semper in
Te occlude, & misericorditer
conserva, ut nihil plus amet,
quam solum & Ipsum DEUM.
O pectus amantissimum, quod
peccatores misericorditer am-
plectebaris, amplectere, ample-
ctere & me, in omni necessita-

te vitæ meæ, sed maxime pro illo tempore quando pectus meum, penes mortalem agoniam ultimum spiritum aget, & suspirabit.

Visito vos brachia & scapulas JESU, ignominiose, crudeliter & immisericorditer flagellata, super quæ fabricaverunt peccatores, & prolongaverunt iniquitates suas. O quam multoties & ego prolongavi iniquitatem meam, tam diu persistendo in peccatis meis: Ne reminiscaris ergo mi JESU iniquitatem meam, sed potius per durissimam flagellationem tuam, dona, dimitte mihi misericorditer iniquitatem meam.

Visito

ro
us
to-
et,
ou-
eli-
el-
ant
ant
ul-
ui-
fi-
re-
ni-
per
tu-
ife-
n.
o

Visito te latus Sacratissi-
mum à Longino perforatum.
De hoc latere, veluti de quo-
dam fonte immenso, Sacra-
menta Sancta toti Ecclesiæ
Christianæ emanârunt: ema-
nent ergo & mihi isti fontes
inexhausti gratiarum, & benefi-
ciorum tuorum. Dum Tho-
mas Apostolus cecidit in infi-
delitatem, demandâsti ei JE-
SU, ut imponat lateri tuo ma-
nus suas, & agnoscat veritatem;
nolo ego cum Thoma amplius
probare veritatem, scio pro
certò, quia latus Tuum san-
ctissimum, est propter me a-
pertum, intromitto igitur me
quotidie in illud, & cum Tho-
ma exclamo: *Dominus meus &*

DEUS meus in Sanctissimo Sacramento latens existit.

Visito Te mare inexhausti amoris & thesaurorum caelestium cor JESU, pariter cum latere à Longino milite transfixum, & residuum sanguinis propter salutem nostram ex se misericorditer effundens. Ex quo itaque amore permisisti à Longino transfigi, ex eodem ipso esto propitium mihi peccatori: ex quo amore effudisti sanguinem in ablationem purificationem, & justificationem totius mundi; ex eodem ipso digneris me lavare, purgare, & justificare per Sanguinem tuum, ex quo amore induxisti JESUM ad hoc, quod in cruce permiserit.

ferit transfigi, & voluerit mori pro salute mea, ex eodem ipso digneris scrutari frigidum cor meum, ut tandem aliquando exardescat ad amandum Te. O JESU nescio Te amare corde meo, dona ergo mihi cor tuum, & illò amabo Te, sicut dignus es! aut saltem cor meum transmuta in cor tuum, & sic Te sine immutatione, sine alteratione, sine tædio per omnia sæcula amabo.

Visito vos misericordissimi pedes JESU, tam multas vias grandes, difficiles, & sanguinolentas propter salutem meam peragentes. O pedes Sancti, qui ex Bethleem in Ægyptum, de Ægypto ad prædicandum E-

vangelium, longas vias peragebatis, qui ex horto Gethsemani ad Annam, & Caipham, Principes Sacerdotum Judæorum, ambulabatis, ab his tandem ad Pilatum, & Herodem ac tandem in montem Calvariæ progredi dignati estis, edocete me vestigia & semitas vestras, ut illas quotidie ambulando de tractu salutis meæ non aberrem. O Pedes Sancti & beati! amplector vos toto corde, & animâ meâ, suspendo me penes vos sicut famelicus castellus, nolite ergo abjicere me ad vos confugientem, sed potius mihi plenam, & veram viam vitæ bonæ, & salutis æternæ ostendite.

Vifi-

Visito vos ultimatò omnia membra, particellæ, arteriæ sacratissimi Corporis JESU. Visito vos omnes guttæ parvullimæ & minutissimæ sanguinis JESU, fucipite itaque gratiosè à me hanc indignam visitationem meam, fuscipite tam parum valentem, frigidam, & aridam voluntatem meam ad adorandum Sanctissimum Sacramentum; & sicut omnia membra JESU juvabatis, concurreratis, & cooperabamini ad salutem totius mundi, quam efficacissimè juvate, & accendite me igne cælesti, ut amem JESUM in sanctissimo Sacramento latentem, ac acerbissimam passionem ejus penes usum hu-

jus Sacramenti, semper recogitem:

MODUS XII.

*Visitandi Sanctissimum Sacramentum ante vesperum, per redditio-
nem visitationis, & adorationem to-
tius mundi.*

Domine JESU Christe, cui omnis subjectio, sub-
ditatus, adoratio, & reverentia à me, & qualibet Creatura debetur: sisto me hodierna die coram immensa Majestate Tua, & Te hìc præsentem, sub speciebus panis quàm humillime visito. Penes quam visitationem reddo Tibi omnes alias visitationes, & adorationes, quasunque Tu solus DEUS per Scientiam tuam scis possibiles, & nullam contrari-

trarietatem impossibilitatis, aut contradictioni in se habentes.

Reddo Tibi omnes alias visitationes & adorationes, quas-
cunque Tu solus cognoscis per
scientiam visionis, quod quando-
cunque pro certo fuerunt, aut
modo reipsa sunt, aut quando-
cunque erunt.

Reddo Tibi omnes alias vi-
sitationes & adorationes quas-
cunque per scientiam tuam vi-
des & cognoscis, quod fuissent
factæ & adimpletæ, si hæ, & illæ
circumstantiæ, aut conditiones
suum effectum haberent.

Reddo Tibi, & offero omnes
alias visitationes & adorationes,
quas-
cunque tota Sapientiâ tuâ
comprehendis, scrutaris & co-
gnoscis.

Red-

Reddo Tibi omnes alias visitationes & adorationes quascunque Tu solus misericors DEUS, in tota immensitate sanctissimæ voluntatis tuæ, claudis, & contines.

Reddo Tibi omnes visitationes & adorationes, quascunque Tu solus vis, quæcunque tibi ipsi placent, quascunque vides Tibi esse gratas, acceptabiles, tuæ sanctissimæ voluntati conformes, illi planè, & in toto subjectas, & obediens.

Reddo Tibi adhuc omnes alias visitationes & adorationes omnium totius mundi hominum, quæcunque in immensa Omnipotentia tua creasti, ab initio mundi, creas & creabis,
&

& creare potes, usque ad finem mundi.

Reddo Tibi DEUS meus, omnes alias visitationes & adorationes, exindè, quod dignitas tua omni gloria digna, & infinitè digna sit, secundùm ergo mensuram dignitatis tuæ, retribuo tibi mensuram & numerum immensum actuum & affectuum Te visitantium, adorantium, diligentium, & magnificantium, & ego solus Te DEUM-meum adoro, laudo, glorifico tantùm: quantum dignitas tua ex me exigit. O Dignitas infinita, fac me dignum Te, per illos contemptus & injusta judicia humana, in quibus amantissimus meus JESUS, fuit ab omnibus indignus reputatus. DIES

D I E S IV.
OCTAVÆ SACRATISSIMI
CORPORIS CHRISTI.
M O D U S XIII.

*Visitandi Sanctissimum Sacramen-
tum manè, Nomine Sanctissimæ
TRINITATIS, eadem quartâ die.*

UNica cæli & totius mun-
di consolatio Christe JE-
SU sisto me hodie coram imensa
Majestate tua, & Te hîc præ-
sentem sub speciebus panis,
quàm humillimè visito.

Visito Te affectu, quo Te Pa-
ter Æternus Tecum consubstan-
tialis, æqualis, & æqualiter im-
mensus, visitavit tunc, quando
penes ultimam cænam panem &
vinum transubstantiasti in San-
ctissi-

ſſimum corpus tuum, quando prima vice cum tota natura Divina, & humana descendere dignatus es, sub creata, vilia, & minuta accidentia panis & vini: quando Tua & totius ſanctiſſimæ Trinitatis poteſtate inſtituiſti Sacramentum Corporis & ſanguinis Tui, & ſimul præcepſti Diſcipulis tuis, ut & ipſi, id ipſum faciant in Tui memoriam. Quis enarrare valebit? quantam complacentiam delicias, & guſtum habuit Pater æternus in illa actuali tranſubſtantiatione panis, & vini, in Corpus & ſanguinem Tuum, & in actuali inſtitutione tam magni Sacramenti? revera nemo debite, exprimet, nemo debite descri-

describet; Quantacunque itaque potuit esse complacentia Patris æterni, pro illo tempore ex præfato hoc sancto mirabili mysterio, hanc omnem ego tibi hîc offero, consecro & subjicio.

Visito Te adhuc hoc affectu, quo Persona tua Divina suscepit in se creata accidentia panis & vini, & sub illis totam Majestatem, magnificentiam, & immensitatem suam Divinam, mirabili, inenarrabili, & stupendo modo abscondit. Subsiste hîc paulisper Anima mea, & inspicere diligenter, quàm magnum miraculum, tunc fiebat, quando secunda Persona Sanctissimæ Trinitatis Filius
DEI,

DEI, jam in ante mortalitate naturæ contestus, iterum mortalitate accidentium panis & vini, dignatus est contegi, sine ulla diminutione immensæ Majestatis suæ.

Visito Te JESU hoc affectu, quô Sanctissimus Spiritus tertia Persona Sanctissimæ Trinitatis, concurrebat, & simul perficiebat & perfecit tecum mirabile Sacramentum Corporis & sanguinis Tui. Visito Te ad ultimum affectu totius Sanctissimæ Trinitatis, ad id Sacramentum infinitâ Omnipotentiam suâ concurrentis, & rogo Te per ignominiosè injecta sputa in Sanctissimam faciem Tuam, ut imaginem Sanctissimæ

I Trini-

Trinitatis in anima mea expres-
sam, nunquam per peccata mea
maculem.

MODUS XIV.

*Visitandi Sanctissimum Sacramen-
tum, die quarta ante meridiem
Nomine Sanctissimæ Virginis MA-
RIÆ & aliorum Sanctorum ad in-
stitutionem Sanctissimi Sacramen-
ti præsentium.*

Domine JESU Christe qui
Maternum affectum San-
ctissimæ Virginis Mariæ Ma-
tris tuæ inenarrabiliter Tibi
æstimasti, & illum super omnes
omnis Creaturæ affectus præ-
ferebas, compareo hic coram
Te sub speciebus panis præsen-
te,

te, cum affectu Sanctissimæ Virginis Mariæ, & Te illius affectu, Nomine & corde, quàm humillimè adoro & visito.

Visito & adoro Te hoc affectu, quò Te adorabat Sanctissima Virgo MARIA, dum penes ultimam cænam cognovit transubstantiationem panis in corpus, & vini in sanguinem tuum: dum elavatam à Te prima vice consecratam Hostiam, procidens in terram venerata est, & illi profundum cultum & adorationem reddidit. Ad ultimum visito & adoro Te hoc affectu, quò Te adoravit Sanctissima Virgo MARIA, dum sub tempus actualis ultimæ cæ-næ, ad institutionem Sanctissimi

hujus Sacramenti; prima vice
de manibus Archangeli Gabri-
elis, prius ante Apostolos com-
munionem suscepit. Visito Te
illius affectu, quô visitabat San-
ctissimum Sacramentum Cor-
poris & sanguinis Tui, per to-
tum tempus vitæ suæ, post
institutionem hujus Sacramenti.
Visito Te illo ipsius affectu,
quô gratias agebat, pro tam
magno mysterio, quô appre-
tiabat hoc Sacramentum, &
illud pro speciali medio salutis
humanæ judicavit. Unô ver-
bô visito Te hîc latens in Sa-
cramento JESU affectibûs hîs,
quoscunque habuerat & potu-
erat habere Sanctissima Virgo
MARIA Mater Tua, in tota vi-

ta sua. Et quemadmodum Sanctissima Virgo MARIA speciali modò cognovit penes ultimam cœnam, quia sub specie panis, Corpus Tuum, & sub specie vini Sanguis tuus realiter contineatur, & simul, quod sub his utrisque speciebus ipse verè vivens Christus DEUS & Homo existat; sic gratiosissime JESU da mihi hoc totum viva fide cognoscere.

Visito Te JESU affectu Sanctorū Patrū Veteris Testamenti, Enoch & Eliæ per operationē Angelorum ad ultimā cœnam conductorū, & in illa præsenter penes institutionem Sanctissimi Sacramenti existentium, deinde de manibus Sancti Pe-

tri Apostoli, Sanctissimum Corpus & sanguinem tuum suscipientium, post hanc autem prodigiosam Sanctissimam Communionem, in loca sua, per præfatam operationem Angelicam delatorum (sicut id testatur Venerabilis Maria à JESU part. II. lib. VI. cap. XI.) O largissime in Sacramento tuo JESU impleas sic cor meum donis cælestibus, & verâ lætitiâ, sicut implevisti corda Patrum veteris Testamenti Enoch & Eliæ, quando prima vice sumpserunt sanctissimum corpus & sanguinem tuum! O JESU qui penes ultimam cænam tuam, utriusque Testamenti Fideles, sanctissimo Corpore, &
san.

sanguine cibasti, ciba etiam
utrasque partes meas; hoc est:
corpus & animam meam, ut
sic cibatus, nunquam in anima
mea moriar.

Visito te affectu Sancti Petri,
qui vix penes ultimam canam
audivit à Te: quòd ab uno ex
Discipulis sis prodendus, mox
audacter proposuit stare Te-
cum, in quo licet si vacillave-
rit, tamen postea sicut semel
ad te accessit, abhinc nunquam
recessit.

Visito Te affectu Sancti Joan-
nis in pectore tuo tempore ul-
timæ canæ recumbentis, &
magna mysteria Sancti Evange-
lii, ex illo haurientis. Illius
igitur affectu, depono ego ho-

die, animam, cor & totum id
quidquid sum: in Deſicato
pectore tuo, & rogo te per
duram quietem in Cruce tua,
non rejicias me, à tam felici
& ſublimi quiete mea.

Viſito Te affectu Sancti Ja-
cobi Apoſtoli primi Episcopi
Hierosolymitani, cui unico
propter innocentem vitam ipſi-
us licebat ingredi & viſitare
Sancta Sanctorum, hoc eſt lo-
cum Sanctiſſimum in Templo
Salomonis exiſtente. Locus
Sanctiſſimus, in Eccleſia novi
Teſtamenti eſt Tabernaculum
ſive Ciborium Sanctiſſimi Cor-
poris & ſanguinis Tui, hunc
igitur locum, cum omni ſimili
humilitate veneror, & Te in
illo

illo præsentem præfato S. Apostoli corde, adoro, amo & super omnia præfero. Reviviscite & exurgite rogo omnia corda Apostolica, & mecum præsentem DEUM hìc adorete, magnificate, & amorem ejus erga suam creaturam, predicare non cessate!

M O D U S XV.

Visitandi Sanctissimum Sacramentum post meridiem nomine Ordinum Angelicorum & omnium Sanctorum.

O Altissime Dux omnium militiarum, exercituum & Angelicorum Ordinum latens in sanctissimo Sacramento JESU, visito Te affectu An-

Is

gelo-

gelorum Tibi in hoc loco quotidie assistentium & inservientium. Visito te affectu omnium Angelorum hanc Ecclesiam custodientium & ad finem mundi in custodiam hujus Ecclesiæ designatorum. Visito Te affectu horum Angelorum, qui me ipsum custodiunt, qui super me evigilant, ut non aberrerem à via præceptorum tuorum, sed potius ducunt, ut quotidie frequentem ad visitandum Te. Visito Te ad ultimum affectu, omnium Angelorum quicunque ad quemlibet singulariter hominem, ad quaslibet, singulariter Regionem, Dominationes, Provincias, Civitates, oppida & omnes singu-

sing
tes
fidu
nati
nem
raph
nos
cum
tant
ram
fed
insu
qua
præ
V
rum
sub
Cor
prin
ter

singulariter quatuor orbis partes sunt in custodiam, præsidium, & protectionem ordinati. Invito ad hanc functionem, omnes Archangelos, Seraphinos Cherubim & Thronos, ac Potestates, ut hic mecum simul Te visitarent, non tantum tunc, quando ego coram præsentia tua comparebo, sed semper quolibet momento, insuper & in absentia mea, quando ego obsequium meum præstare non potero.

Visito Te nomine antiquorum Sanctorum Patriarcharum sub variis figuris Sacramentum Corporis & sanguinis Tui exprimentium, sed tamen patenter illud non inspicientium, neque

neque illo ita, sicut nos modo fruendum.

Visito Te affectu omnium Sanctorum Prophetarum de Te concorditer & unanimiter prophetizantium, Te in spiritu adorantium & visionem Tuorum mysteriorum Corporis & sanguinis pretiosissimi desiderantium. Desideria igitur illorum omnium, in unum cor meum aggrego, & hæc omnia Tibi in hodiernam oblationem reddo.

Visito Te affectu omnium Sanctorum Martyrum, pro Fide Tua, pro Evangelio, pro Nomine Tuo Sanctissimo, & specialiter pro Confessione Sanctissimi Corporis & sanguinis
Tui

Tui
guin
grat
nos
sing
cran
ma
nos
tuan
Sacr
guin
pro
V
om
run
loso
fect
tium
con
Te

Tui pænas sustinentium & sanguinem suum effundentium, gratias Tibi ago Domine, quia nos, per illos in fide vera, & singulariter in sanctissimo Sacramento confirmasti. Confirma nos sic ulterius, ut etiam nos simili modo propter fidem tuam, & honorem sanctissimi Sacramenti parati simus, sanguinem nostrum effundere, & pro Nomine tuo mori!

Visito Te affectu & corde omnium Sanctorum Confessorum, licet non reipsa, sed zeloso, ferventi, & continuo affectu pro Te mori desiderantium, & totaliter secundum corpus & mundum propter Te mortuorum. Da mihi bo-

ne JESU, ita plenè propter
Te mori, ut vivam Tecum in
æternum.

Visito Te affectu, nomine
& corde, omnium Sanctorum
Doctorum, totam vitam su-
am, labores, & omnes vires,
in id convertentium, ut igna-
ros edoceant notitiam Dei &
præcepta illius, & omnes per-
fectiones ad salutem spectantes.
O sublimissime Doctor JESU
edoce etiam & me, qualiter
Te debeam amare, laudare,
qualiter Tibi servire, quomo-
do adimplere vocationem me-
am, & quomodo ampliare ho-
norem Sacramenti Corporis &
sanguinis Tui?

Visito

Visito Te de visceribus virgin-
eisque nate JESU, affectu omni-
um Sanctarum Virginum, pro-
pter amorem Tui, omnes de-
licias, gaudia, & commodita-
tes hujusmodi abjicientium &
contemnentium. Da etiam &
mihi similem gratiam, ut omni-
bus contemptis, in Virginea
innocentia, Tibi soli vivam &
serviam.

Visito Te affectu illorum San-
ctorum servorum Tuorum, qui
tecum jam in cælo vivunt, re-
gnant, dominantur & domina-
buntur in æternum, sed nobis
adhuc sunt ignoti & ab Eccle-
sia Catholica Romana, non sunt
proclamati. Si igitur placet
voluntati Tux Domine, fac no-

bis eos notos, dignare illorum
notificare & proclamare glori-
am, & honorem, in tota Eccle-
sia Tua; ut cum illis Te fer-
ventius laudemus, & glorifi-
cemus.

Pro ultimo visito Te affectu
omnium Sanctorum, & illorum
merita labores, fatigationes,
martyria, mortificationes &
alia bona opera quæcunque ha-
buerunt per totam vitam su-
am, habebunt, & nunc habent,
Tibi Deo meo in recognitio-
nem subditatûs mei reddo, &
rogo Te per omnia merita San-
ctorum Tuorum, & per obsti-
natas instigationes infidelium
Judæorum contra Te, penes
acerbissimam Passionem Tuam,

ut

ut in vita perfecta valeam imitari Sanctos Tuos, & Tibi semper placere curem.

M O D U S XVI.

Visitandi Sanctissimum Sacramentum ante vesperum, per figuras veteris Testamenti ex Personis humanis desumptas.

Visito Te nove Adam, jam non vestibus in Paradiso à Deo comparatis, sed accidentibûs panis & vini cooperte. Visito Te prime Agricola terræ nostræ, in sudore continuo circa salutem Animarum humanarum pane utens, & iterum per sudorem sanguineum laborum tuorum hunc panem mirabilem relinquens. O Te felicior-

K rem

rem super primum, Adam: in
actionibus omnibus & operi-
bus; illius Adami, terra fuit
maledicta: in actionibus, ope-
ribus & mysterio Sacramenti
hujus, terra cordium nostro-
rum benedicta permanet. Illi
Adamo tantum spinas & tribu-
los germinabat terra, Tibi verò
Christe JESU terra cordium no-
strorum, innocentia lilia, pur-
pureas rosas & paradysum ter-
renum germinat, quodocun-
que illam Corpore tuo reficis,
& sanguine Tuo irrigas. Illi A-
damo demandatum est, ut ci-
bus illius sit de variis herbis
terræ, cibus verò tuus JESU,
non herbarum materiales, sed her-
barum bonorum operum, de terra

cor-

cordis nostri provenientium;
Respice igitur JESU super aridam terram cordis mei, & illam sanguine tuo Sanctissimo, dignare quàm per optimè irrigare, ut fructus virtutum Sanctarum reddat in abundantia.

Visito Te Rex Melchisedech, altissime Sacerdos Dei Altissimi, post devictos tuos capitales hostes, panem & vinum in memoriam Tui penes ultimam cœnam offerens, & Abraham Patriarcham, hoc est totam Ecclesiam Christianam benedicens. Benedic etiam & me Altissime Sacerdos, ut capitales hostes meos hoc est: mundum, carnem & dæmonem possim efficaciter vincere.

Visito Te DEI & Hominis
FILI, qui velut alter Azer,
provides nobis panem vivum,
sapidum, abundantem; & ipsis
Regibus delicias præstantem,
rogo Te igitur, da mihi hanc
gratiam, ut mihi tuus panis
cælestis sit semper sapidus, &
animæ meæ vividus, in pignus
vitæ æternæ.

Visito Te ignite Elia, in via
salutis humanæ, & prædica-
tionis Evangelii elaborate, post
hunc laborem in mortem cru-
delem Te ipsum resolvens, pa-
ne mirabili penes ultimam cæ-
nam benedicto Te ipsum &
Apostolos reficiens, in hoc pa-
ne per quadraginta dies post
Resurrectionem Tuam, in mun-
do

do persistens, & ultimò in montem DEI in eodem pane, penes Ascensionem Tuam in cælum ascendens. Rogo Te per illam amaritudinem, quam habuisti in illo tempore, quando blasphemator publicè nominaberis, dignare me hoc pane tam efficaciter reficere, ut virtute illius non tantùm per quadraginta dies, sed per totum decursum vitæ meæ, possim salutariter in via præceptorum Tuorum incedere, & tandem in montem gloriæ cælestis pertingere.

Visito Te spiritu Divino plene Elisee, in canaculo mulieris Sunamitidis panem manducans, & in illo requiescens,

deinde eandem mulierem in-
 sperata benedictione replens.
 Invito etiam ego Te ad cæ-
 naculum animæ meæ, offero
 Tibi in illo hunc panem cæ-
 lestem, quô me tam multoties
 cibâsti, imple me benedictio-
 ne tua, ad obtinendam glori-
 am æternam, adjuvante.

D I E S V.

OCTAVÆ SACRATISSIMI
 CORPORIS CHRISTI.

M O D U S XVII.

*Visitandi Sanctissimum Sacramen-
 tum manè per figuras Veteris Te-
 stamenti ex rebus inanimatis de-
 sumptas.*

Visito Te Arca fæderis, jam
 non tabellas Legis Mosai-

cz,

ca, non vii gam Aaronis, non
Manna vetus, sed verum Cor-
pus & sanguinem JESU in se
continens. Recipio Te Arca
Sancta, de manibus infidelium
Philistinorum, & statuo Te in
altari cordis mei, in quo si ad-
invenies aliquod simulacrum
simile Dagoni, rogo Te, ejice
illud, & retrude post ostia cor-
dis mei. Recipio Te affectu
Davidis Regis, de domo Obe-
dedom, ad domum & taberna-
culum animæ meæ, & sic Te
venerari cupio, sicut ille Te,
tunc veneratus est. Quando
David Rex deducebat Arcam
Domini, usus est ad id tali ap-
parentiâ. Primò egressus est
omnis populus ad introducen-

dam Arcam. Secundò quid-
quid erat instrumentorum, ar-
tium musicarum hoc totum pro
illo tempore conductum erat,
& coram Arca Domini lude-
batur. Tertiò Rex David pul-
sabat Cytharam, coram Arca
Domini, & coram illa ex ma-
gno gaudio publicos saltus fe-
cit sine respectu ad authorita-
tem Regiam. Hæc Arca vete-
ris Testamenti, fuit figura San-
ctissimi Sacramenti. Si igitur
hic Sanctus Rex, sic humilia-
tus est, coram Arca lignea, si
ità gavisus est, & exultabat, si
illi, tam magnos honores, ap-
plausus, festivitatem & assisten-
tiam præstabat, quid (putan-
dum)? ageret coram hac Arca

Dei-

Deificata, si illam potuisset temporibûs vitæ suæ videre, & habere in sua possessione. Qui tam profundè veneratus est umbram & figuram Sanctissimi Sacramenti: O quomodo veneratus fuisset veritatem! qui tam humiliabatur coram ligno! O quàm humiliaretur coram Christo! qui ità ludebat coram Arca! O quantum luderet coram vera & terribili Majestate Dei! O quantum gaudium internum & externum exhiberet David, coram hoc Sanctissimo Sacramento, quod in ligno figurante sic venèratus est, & adorabat! O quantam in nobis humilitas Davidis Regis deberet causare devotio-

nem erga hoc Sacramentum!
Si illud diligenter, realiter &
fide viva inspiceremus. O JE-
SU, Arca Deificata novi Te-
stamenti, rogo Te, effice in me
tam magnum gaudium, lati-
tiam, adorationem, & humi-
liationem, coram Sanctissimo
Tuo Sacramento, quale quon-
dam habuit Rex David, coram
Arca veteris Testamenti, ut
cum illo possim audacter dice-
re: ludam & vilior fiam, quàm
in ante fui, & ero humiliatus
in oculis meis, & hoc ipso glo-
riosior fiam.

Visito Te Manna caeleste,
accidentibus panis contactum,
omnem saporem & delicias in
se animabus hominum effici-
ens,

ens, & quemlibet singulariter secundum illius exigentiam reficiens, fortificans & replens, & rogo Te per infinitam bonitatem Tuam, ut mihi hic cibus cælestis, sit ita sapidus, ut me sic reficiat efficaciter ac repleat, ut nulla res creata minimè mihi sapiat, sed ut mihi Tu solus amantissime JESU semper sapias, ut mihi solus sis meta deliciarum mearum.

Visito Te panis viduæ Sareptanæ, ab illa propter Eliam Prophetam, ex modico farinæ præparato & illum nutriens: sic de farina de qua erat præfatus coctus panis, nihil defuit etiam minimè nequè diminutum est, sed de illa tam sancto

Pro-

Propheta, quàm etiam vidua Sareptana, ad tempus designatum sufficebat. O JESU sub accidentibus farinae, jam non vidua Sareptana, sed totius Ecclesiae Tuae latens: præsta id gratiosè, ut mihi panis Tuus Sacramentalis, semper sit sufficiens, singulariter in hora mortis meae!

Visito Te Sanctum Cœnaculum, in quo (& non alibi) filium mortuum vidua Sareptanae, miraculosè resuscitavit, & ad vitam revocavit præfatus Elias Propheta; & ego tam multoties mortuus sum, per peccata mea, deporta ergo me JESU in Cœnaculum Sacramenti Tui, & me ibi omnipotentia
Tuâ

Tuâ digneris ad vitam resuscitare, & tandem hōc sanctō cibō, in vitam æternam digneris reficere.

Visito Te mysticum oleum omnia vasa pauperis viduæ replens, postea verò ex mandato Eliæ Prophetæ venditum, omnia illius debita persolvens. Persolve etiam bone JESU, Sacramentō Corporis & Sanguinis Tui, omnia debita mea, ut Divinæ Justitiæ, nihil debeam pro peccatis meis. Quodlibet oleum habet in se tres proprietates: inungit, sanat, & nutrit, hoc totum fit in Sanctissimo Sacramento, per quod inungit nos Amantissimus JESUS plenitudine gratiæ suæ, sa-

sanat debilitates & morbos animarum nostrarum, ad extremum reficit & nutrit, nè in via salutis nostræ deficiant. O gratiosissime JESU! rogo Te per crudeles alapas tuas, adimple in me hos tres effectus; dignare me inungere plenitudine gratiæ tuæ, dignare sanare omnes defectus & morbos meos: ad extremum dignare me enutrire his donis cælestibus, ut in via salutis meæ non deficiam.

M O D U S XVIII.

Visitandi Sanctissimum Sacramentum, ante meridiem: hic verò modus & alii hic subsequentes, erunt per figuras novi Testamenti

ex personis humanis, Christum Dominum visitantibus, desumpti.

R Ex Regum Domine Dominantium, Monarcha Monarcharum Christe JESU compareo hodierna die, coram Sanctissima Majestate Tua, & Te hinc præsentem sub speciebus panis, affectu trium Regum ab ortu solis advenientium, & Te visitantium, quàm humillimè adoro, & visito. Eodem affectu trium Regum, offero Tibi hæc omnia dona, quæ obtulerunt præfati tres Monarchæ. Offero Tibi primò aurum, hoc est: purum & expolitum sicut aurum amorem meum, erga Te, & si hunc amorem meum vides imperfectum,

Etum, aut ad aliquam creaturam proclivem, tunc illum misericors JESU, igne amoris Tui accende, ut fiat ferventior, perfectior & dignus Te. Offero secundò thus, confitendo: quòd sis verus Deus, & Altissimus novi Testamenti Sacerdos. Offero tertio myrrham, hoc est acerbam Passionem Tuam, quam propter me peccatorem, & salutem totius mundi subire dignatus es, & rogo Te, ut præfatam Passionem Tuam & Sepulturam, per myrrham figuratam semper cū amaritudine cogitem, & heroicas virtutes penes Passionem Tuam ad exemplum nobis exhibitas, sequar & adimpleam.

Et

Et sicut tres Reges post adimpletam visitationem Tui in Bethleemitico præsepio per aliam viam reversi sunt, in regionem suam, sic ego post hodiernam visitationem meam, per aliam viam, volo redire domum meam, aliam viam vitæ meæ volo inchoare, hoc est viam præceptorum Tuorum, & viam iniquitatis volo deserre, & totaliter derelinquere. Rogo Te igitur JESU, per illam confusionem Tuam, dum Princeps Sacerdotum Judæorum, publicè Tibi objecit blasphemiam, demonstra mihi viam tuam, & semitas tuas edoce me, vestigia mea dirige secun-

dùm præceptum tuum, & non
dominetur mihi omnis iniqui-
tas.

M O D U S XIX.

*Visitandi Sanctissimum Sacramen-
tum post meridiem : in persona S.
Petri penes Transfigurationem Do-
minicam præsentis.*

CLarior sole JESU, com-
pareo hodierna die co-
ram gratiosissima Majestate tua,
& Te hìc præsentem sub spe-
ciebus panis, quàm humillimè
adoro, & visito : quinimò hìc
Tecum, & penes Te perma-
nere desidero. Quando Aman-
tissime JESU ascendisti in mon-
tem nimis altum, accepisti Te-
cum Petrum, Jacobum, & Jo-

an-

annem Apostolos, ubi vix steterunt, mirabiliter transfiguratus es ante eos, resplenduit facies Tua sicut sol, vestimenta autem Tua facta sunt alba sicut nix. Videns hanc mirabilem Transfigurationem Petrus Apostolus, mox exclamavit: *Domine bonum nobis hîc esse, si vis, faciamus hîc tria tabernacula; Tibi unum, Moysi unum, & Elie unum.* Altare Corporis & Sanguinis Tui, est ingens & sublimis mons, quia sublimi Omnipotentiae Tuae firmatus sapientiâ: in hoc monte, illo tempore prima vice transfiguratus es JESU, quando penes ultimam cœnam, sedendo cum Apostolis, panem in Corpus,

& vinum in sanguinem transmutaveras. Ad præsens verò tot vicibus celebras similem Transfigurationem, quando-
cunque sub speciebus panis & vini, cum sis DEUS, descendis, quoties de pane Corpus Tuum, & de vino Sanguinem Tuum conficis. O mirabilem Transfigurationē in hoc monte Sacramentali, in quo panis Corpus, vinum Sanguis, & DEUS verus Homo efficitur! Revera si in hoc monte, & ad hanc Transfigurationem Sacramentalem esset modò præsens Moyfes & Elias, non minus mirarentur hoc prodigium, sicut mirabantur in monte Thabor, & Petrus Aposto-
lus

lus si fuisset pro præsentī ad hanc Transfigurationem , infallibiliter clamavisset : *Domine bonum est nos hīc esse.* Id ipsum & ego cum Petro Apostolo dilectissime JESU hodie & semper dico : *Bonum est nos hīc esse , bonum est nos hīc esse !* in hoc , & ad hunc montem Transfigurationis Sacramentalis , faciamus hīc tria Tabernacula , unum Tibi ô JESU ! secundum animæ meæ , & tertium corpori meo , ut quotidie respiciens mirabilem Transfigurationem Tuam , & ego etiam animam meam , & corpus meum , in meliorem statum transmutem. O JESU ! per Tuam mirabilem in Sanctissimo Sa-

cramento Transfigurationem,
da mihi hanc gratiam, ut &
ego transmuter in Te. Uti-
que Augustino servo Tuo di-
xisti: *Cibus sum grandium, cre-
sce & manducabis me; non ego
mutabor in te, sed tu mutaberis
in me.* Hoc ipsum & ego sup-
plico misericordissime JESU,
per illas illusiones, contempti-
būs plenas, quibus dicebant
Tibi inimici tui: *Prophetiza
Christe, quis Te percussit:* digne-
ris fieri cibus meus; & dum
me gratiosè cibabis, velociter
crescam in virtute & perfectio-
ne Apostolica, da mihi hoc JE-
SU, ut transmuter in Te, ut
Te spirem, ut Te vivam, ad
extremum ut dicere possim cū

San-

Sancto Paulo : *Vivo ego , jam non ego , vivit verò in me Christus : sub speciebus panis in Sanctissimo Sacramento , ad me veniens !*

MODUS XX.

Visitandi Sanctissimum Sacramentum vespere in persona Leprosi.

Misericordissime JESU , qui Leprosum ad Te confugientem de lepra emundâsti , compareo hodie coram immensa Majestate Tua , & Te hîc præsentem sub accidentibus panis in persona hujus Leprosi , quàm humillimè adoro , & visito. Rogo Te itaque & clamo ex toto corde ad Te cum eodem Evangelico Leproso :

Domine si vis, potes me mundare:
potes me mundare per Omni-
potentiam Tuam, per infusio-
nem gratiæ sanctificantis, &
per alias diversas gratias super-
naturales, potes me mundare
pluribûs aliis modis, nimis fa-
cilibûs, sed singulariter potes
me mundare Sanctissimo Cor-
pore, & Sangine Tuo pretio-
sissimo, hîc sub accidentibus
panis abscondito. Hoc enim
mirabilissimum Sacramentum,
est lavacrum omnium pecca-
torum, leprâ infectorum; hæc
duo cælestia dona, Corpus &
Sanguis Tuus, sicut nobis om-
nibus felicitatem, benedictio-
nem & vitam conferunt, ita
nos emundare possunt: tan-
tùm

tum ad id unum necessarium
est: nempe altissima voluntas
Tua; quâ propter benè hic Le-
prosus Evangelicus, orationem
suam proposuit, dicens: *Do-
mine si vis, potes me mundare*:
non exigo igitur id omnino à
Te bone JESU, ut me secun-
dum velle meum munges, non
prætendo id, ut sequaris vo-
luntatem meam, & semper il-
li satisfacias, non expecto, ut
me tunc emundes, quando vo-
luntati meæ placet, & vide-
tur, sed omnem emundatio-
nem & justificationem me-
am, subdo totaliter unicæ,
altissimæ, sapientissimæ, & pro-
fundissimæ voluntati Tuæ. Si
itaquæ amantissime JESU, vis

L 5

me

me mundare, & ego volo mundari; si me vis justificare, & ego volo justificatus esse; si me vis Sanguine Tuo abluere, & ego volo ablutus esse; si me vis Corpore Tuo cibare, & ego volo cibatus esse; si me vis salvare, & ego salvus esse volo: si verò Domine nequè emundationem, nequè justificationem, nequè salutem meam vis, & ego id totum insuper & salutem meam nolo, si id contra voluntatem esse deberet. Sed non amitto spem in inexhaustibili misericordia Tua: sicut enim Leproso Evangelico Te adoranti, & Tuæ voluntati se comittenti, gratiosè respondisti: *Volo, ut emunderis:*
Sic

Sic
sup
sum
fior
imò
nob
spo
ti L
que
mun
tiù
vac
Tu
sti,
pec
SU
mil
cor
con
han

Sic quodocunque & ego Tibi supplicabo, infallibiliter certus sum, quia mihi similem respon- sionem dare dignaberis, quin- imò jam non tantum mihi, sed nobis omnibus dedisti hanc re- spon- sionem, in persona præfa- ti Leprosi. Conformando ita- que me Tuæ voluntati, volo mundari, curabo, ut quàm ci- tius lepram meam dimittam, vadam itaque ad Sacerdotes Tuos, sicut Tu solus mandâ- sti, & illis notam faciam leprā peccatorum meorum. O JE- SU Dilectissime rogo Te hu- militer per malevolam totius consilii Judæorum contra Te congregationem, tribue mihi hanc gratiam, ut lepram pec-
ca-

catorum meorum cognoscam,
& illam quàm efficacissimè con-
fitear.

D I E S VI.
OCTAVÆ SACRATISSIMI
CORPORIS CHRISTI.

M O D U S XXI.

*Visitandi Sanctissimum Sacramen-
tum de mane in persona Evangeli-
ci Centurionis.*

Efficacissime morborum
nostrorum Medice Chri-
ste JESU! compareo ho-
dierna die coram immensa Ma-
jestate Tua, & Te hîc præsen-
tem sub accidentibus panis, in
persona Centurionis, quàm hu-
millimè adoro, & visito. Li-

cèt

cèt verò visitatio mea deberet
esse sine omni negotio meo, sed
unicè propter amorem & bo-
nitatem Tuam, attamen exem-
plô Centurionis, audeo si non
rogare, tunc saltem enarrare
id, quid apud me agatur: *Do-
mine; ecce puer meus, jacet in
domo paralyticus, & male torque-
tur.* Hic puer meus, primò
est corpus meum, quod licèt
deberet animæ servire, illi o-
bedire, illius esse mancipium,
sæpenumero tamen insurgit
contra animam, illius intelle-
ctum & voluntatem non au-
dit, sed suas passiones & sen-
sualitates sequitur. In pœnam
igitur peccati sui, est paralyti-
cū infectum in capite, quia non

potest mentem elevare ad DE-
UM, & non vult, est infectum
in labiis, quia de DEO loqui
nescit: est infectum in mani-
bus, quia pro gloria DEI labo-
rare non vult, est infectum in
pedibus, quia non vult ad ul-
lum bonum procedere, sed
velut durus lapis in loco quie-
scit; est infectum in corde,
quia illud ad DEUM elevare
semper renuit. Cùm sic ita-
que infectum in omnibus par-
tibus suis quotidie torquetur,
& nullam convalescentiam sen-
tit. Secundò hic puer meus
paralyti infectus, est anima mea,
quæ licèt sit intellectiva, & li-
bera Domina, attamen frequen-
ter transfundit dominium su-

um

um in corpus, & cedit juri suo, seque gubernandam corpori irrationabili permittit & tradit; eò divertendo, quò illam corpus & inclinationes protrahunt, parendo mandatis corporis,, ac habens cum illo societatem, contraxit paralyfim ab illo, longeque major est illius morbus, quàm ipsius corporis. Cum hoc itaq; tam magno corporis & animæ morbo, accedo ad Te in Sanctissimo Sacramento latentem dilectissime JESU, sed cùm sit mihi notum id, quia nulla habeam merita, non audeo orationem & supplicationem Tibi proponere. Igitur tantum confiteor, quid in domo mea agitur:

Ec-

*Ecce puer meus , id est corpus
& anima mea jacet paralyticus ,
& male torquetur. Relinquo er-
go illum liberæ dispositioni
Tux , fac cum illo quidquid vis
Domine : quòd si ex incompre-
hensibili misericordia Tua , da-
bis mihi talem re'pnsionem ,
qualem dederas Centurioni di-
cens : Ego veniam , & curabo e-
um : adeoque etiam & ego cum
Centurione re'ponco eo & dico :
Domine non sum dignus , ut intres
sub tectum meum : sed tantum d'c
verbò , & sanabitur anima mea :
& sanabitur corpus meum. Nò
sum dignus ex anima , quia hæc
magnis & gravibûs peccatis
est maculata , non sum dignus
ex corpore , quia hoc est con-*

tra-

trarium semper voluntati Tuæ,
non sum dignus ex ullis meri-
tis, quia hæc nulla habeo, adeo-
que ex omni parte & mensu-
ra, non sum dignus, ut intres
ad corpus & animam meam,
sed tantum dic verbô & sana-
bitur anima mea! Ità credo
de Te Domine in Sanctissimo
Sacramento latens, quòd licet
ad me sub speciebus panis non
de'cenderes, licet me sacra-
mentaliter non invi'eres, ta-
men si dixeris verbô, salvabi-
tur anima mea. Confirma er-
go dilectissime JESU hanc fi-
dem meam, & sicut unô ver-
bô curâsti puerum præfati Cen-
tutionis, sic cura indignam a-
nimam meam, per eminentiam

M

Sa-

Sacramenti hujus, & per ignominiosam Cui inuolutionem,
ad Pilatum Præsidem.

M O D U S XXII.

Visitandi Sanctissimum Sacramentum ante merulem in persona Principis pro filia sua supplicantis.

Omnipotens mortuorū vivificator Christe JESU, compare hodierna die coram infinita Majestate Tua, & Tunc præsentē sub speciebus panis, affectu Principis, pro filia sua petentis, quā humillimè adoro, & visito. Cum hoc igitur Principe expostulo misericordiam Tuam dicens: Domine ecce filia mea modò defun-

functa est : hoc est anima mea
defuncta per peccatum ! misere-
re illius, miserere indignæ crea-
turæ Tuæ ! subitanè defuncta
est , quia nunquam mori spe-
ravit , mortua est subitanè ,
quia nunquam mori parata ,
improvisè mortua , quia nun-
quam mori cogitavit. Et ubi
aliunde quærenda est illi vita,
si non in Sacramento Corporis
& Sanguinis Tui ? ubi effica-
cius potest vivificari , si non
ad Altare Tuum ? ubi poterit
redire ad vitam , si non penes
latentem Divinitatem Tuam
sub speciebus panis ? Conver-
te itaque oculum Tuum Domi-
ne , in demortuam animam me-
am , & saltem habere respectum,

& gratiā Tuā, quia filia hæc, si-
ve potius anima mea, non an-
te hebdomadam, non ante an-
num, sed modò primùm ho-
die defuncta est. Utiquè Do-
mine velociter adjuvas eos, qui
ad Te sine mora confugiunt.
Ecce igitur ego vix anima mea
desiit vivere, quàm primùm
defuncta est per peccatū, mox
notum facio tibi, & protestor
coram Te dicens: *Domine ec-
ce filia mea modò defuncta est:* &
defuncta non morte consveta,
nō morte cōmuni, nō morte se-
cundùm corpus, sed morte se-
cundùm spiritū: defuncta enim
per amissionē gratiæ sanctificā-
tis, defuncta per perditionem
participationis naturæ Divinæ,
de-

functa per deperditionem juris
ad Regnū cæleste, defuncta est
per id, quia facta est inimica
DEI, ad extremum defuncta est
per id, quia facta est serva &
mancipium dæmoniorum. O
quàm terribilis est hæc mors!
quæ nos exheredes facit Regni
cælorū, & facit mancipia dia-
bolica! Et tali morte defuncta
est anima mea hodie, & mul-
toties moriebatur, miserere il-
lius DEUS, permitte illam re-
dire ad vitam, restitue illi gra-
tiam sanctificantem, & justifi-
cantem; fac illam denuò capa-
cem hereditatis Regni cælorū,
& servitutem dæmoniorum ab
illa alienare digneris, per il-
los omnes contemptus, quos

tolerâsti, coram judicio Pilati, impone illi tantum manum Tuam; & credo firmiter, quia hunc momentum recipiet vitam, & Tibi DEO in Sanctissimo Sacramento latenti, quotidie hinc serviet, & assistet.

M O D U S XXIII.

Visitandi Sanctissimum Sacramentum post meridiem, in persona mulieris Chananæ.

INvictissime dæmonum & totius inferni Triumphator Christe JESU, compareo hodierna die coram triumphali Majestate Tua, & Te hinc præsentem sub speciebus panis, affectu mulieris Chananæ, quam humillimè adoro & visito.

fito. Vivificâsti Domine Corpore & Sanguine Tuo jam defunctam per peccatum filiam, id est. animam meam, fecisti eam heredem cæli, & ecce vix affecuta est Tuam gratiam, & misericordiam; en statim inimicissimus salutis humanæ infernus, illam vexat, infestat & violenter urget, ut voluntatē ejus sequatur, & illius temptationibus consentiat. Et sic ex una parte vexat hanc filiam meam dæmonium superbiæ, ex altera dæmonium gulæ: ex una dico parte: insequitur eam dæmonium, obstinationis, iræ, odii, invidiæ, & avaritiæ; ex altera insequitur luxuriæ, accediæ ad laudem Tui, & ad sa-

tisfaciendum firmiter propo-
tis. In his itaque tam magnis
bellis, incursionibus & tenta-
tionibus, cum muliere Chana-
næa exposco misericordiā Tuā,
& audeo de corde clamare ad
Te: *miserere mei Domine Fili
David!* Filiam, hoc est: a-
nimam meam vexat dæmoni-
um, torquet, tentat, & ad
malum inducit: prosterno me
igitur coram Majestate Tua,
& rogo Te Domine, adjuva
me, ut tam magnas insidias &
incursus dæmonum possim vin-
cere, prosternere & frangere.
Verum est, sicut ipse dixisti
mulie i Chananææ, quòd non
sit bonum & justum, accipere
panem filiorum tuorum, hoc
est

est Sanctissimum Sacramentum
& disperge e illud canibus, id
est peccatoribus; sed ego cum
hac muliere Chananaea, respon-
deo in humilitate cordis mei:
*O Domine utique & catelli edunt
& vivunt de micis, quæ cadunt
de mensa Dominorum suorum. U-*
tique igitur & ego vilissima ca-
tellis & indignissima creatura
spero summè in misericordia
Tua, quia me ad micas men-
sæ Tuæ appositas Sanctissimi
Sacramenti admittes, & filiam,
hoc est: animam meam ab in-
curtionibus dæmoniorum hâc
horâ eliberabis. Elibera me
quàm citissimè, amantissime
JESU, & rogo Te per illum
dolorem, quem habuisti, dum

ducebaris ad Herodem, & ibi ab illo & toto exercitu illius illusus fuisti, da mihi fortitudinem & dexteritatem, ut à dæmonio mihi infensissimo nunquam frangi & superari possim.

M O D U S XXIV.

Visitandi Sanctissimum Sacramentum vespere, in persona Evangelicæ Sponsæ, cui Rex cum Filio suo fecit nuptias.

Vix compareo hodie coram Altari Sanctissimi Corporis & Sanguinis Tui, statim videtur mihi, ac si venirem ad nuptias, quas Evangelicus Rex fecit filio suo. Rex hic Evangelicus faciens nuptias, est Pater Æternus, convi-

vi-

vium nuptiale est Sacramentū
Corporis & Sanguinis Christi,
Sponsus est ipse Christus JE-
SUS, sponsa illius est anima
Christiana. Recollige itaque
& recogita anima mea, quàm
nobilis ! quàm dignus ! quàm
sublimis est Rex iste & Monar-
cha, qui Te desponsat Filio
suo: Considera secundò, quàm
pretiosum, benignum, super-
abundans, & magnificum sit,
convivium nuptiale, quod ti-
bi in tuam dispositionem, in
Sacramento Corporis & San-
guinis JESU est præparatum !
Considera tertio, & ipsam te
respice anima mea, quàm ab-
jecta sis, misera & vilis, & nul-
lam non tantum æqualitatem,
sed

sed & proportionem habens ad
tam dignum Sponsum ! attamen
quotiescunque ad hoc accedis
Sacramentum , quotiescunque
illud visitas , toties tibi
Pater Æternus nuptias facit , &
te Filio suo in sacramentalibus
accidentibus latenti desponsat.
Si igitur hætenus ignorabas anima
mea, quomodò debeas esse præparata
ad desponsationem cum Filio Patris
Abæterni Christo Domino : Respice
ergo Illum , qualiter ad te veniat,
ut tu cures Ipsi esse similis.
Hic ergo Sponsus Christus JESUS
in Sanctissimo Sacramento latens ,
venit ad te humilis , gratosus ,
misericors , patiens , inimicis suis
parcens,
pro

pro illis orans, illos suscipiens,
& illos sua carne nutriens, a-
deoque & tu anima mea, si vis
Illi esse similis, cura propter
Illum humilitatem, benignita-
tem, misericordiam, silentium,
patientiam, remissionem omni-
bus peccatoribus & inimicis
tuis & alias virtutes similes,
quæcunque in Illo reperiun-
tur. Hic Sponsus tuus solus
est pulcherrimus, solus san-
ctissimus, solus ditissimus, so-
lus dignissimus, solus nobilissi-
mus, solus excellentissimus, &
talis, supra quem non est di-
gnior, excellentior & sublimi-
or sponsus! Conveniens igitur
est & infallibiliter necessarium,
ut coram tam excellenti, san-
cto,

cto , & digno Sponso , quàm pulcherrima, quàm purissima & sanctissima compareas. Quòd si tibi, ad pulchritudinem internā aliquid deest, tunc penes hodiernam visitationem te ablue, & lava Sanguine JESU , & reficis Corpore Ejus , & defactò sole clarior, cælò serenior efficiaris. O Altissime Rex cæli & terræ Pater Æterne ! qui Unigenitum Filium Tuum Christum JESUM , toties animæ meæ in Sanctissimo Sacramento desponsasti, supplico humiliter infinitæ bonitati Tuæ, ut animam meam, ex se indignā, vilem, & omni contemptui ex natura sua subjectam, facias dignam, tam dignò Sponsò ! O

JE-

JESU! qui in desponsatione animarum nostrarum Tecum unicum habes delictum, rogo Te per sanguineam flagellationem Tuam, quam passus es, propter salutem nostram tribue mihi hanc gratiam, ut semel pro semper Tibi desponsatus, nunquam hæc sponsalia dissolvam.

D I E S VII.

OCTAVA SACRATISSIMI
CORPORIS CHRISTI.

M O D U S XXV.

Visitandi Sanctissimum Sacramentum manè in persona S. Magdalenæ.

GRatiofissime pænitentium
De-

Defensor Chrifte JESU, qui
Magdalenam in domo Simonis
leprosi Te visitantem, benignè
suscepisti, visito & ego Te hìc
sub speciebus panis præsentē,
affectu ejusdem Magdalenæ,
jam non in domo Simonis le-
prosi, sed in domo Ecclesiæ
Tuæ; rogo Te, dignare hanc
visitationem meam indignam,
benignè suscipere. Procido
cum Magdalena, ad Sanctissi-
mos pedes Tuos, osculor Illos
millenīs vicibûs cordiali affe-
ctu, rigo illos indignīs lacry-
mīs meīs, pro peccatis meis
quandocunque commissis, &
hucusque ab Illis non recedā,
quousque antiquæ vitæ non ab-
renuntiabo: quousque ad pe-
des

des tuos non convertar , quousquè totaliter & plenè Tecum in me iratum , non conciliabor. Magdalena venit Te visitare , tempore convivii , tempore tractamenti propter Te & Discipulos tuos præparati , & statim satis abundè satis opulenter , satis largissimè recepta & tractata est , & conversa ad Te ! Ast ubi potest esse majus , nobilius & excellentius convivium , quàm in Sacramento Corporis & Sanguinis Tui ? tribue ergo mihi dilectissime JESU , ut anima mea tam saluari possit frui convivio , ut in æternum famem atq; sitim non patiatur. Magdalena penes visitationem Tui attulit

N

pre-

pretiosa unguenti, & illis inunxit pedes tuos, ego non habeo quidquam pretiosius, præter Sanctissimi num Corpus & Sanguinem Tuum, pro me penes Passionem tuam, effusum. Igitur Tibi hoc utrumque offero, in satisfactionem pro peccatis: Magdalena penes visitationem Tui, in domo Simonis leprosi, audivit remissionem peccatorum suorum, dum dixeras: *dimissa sunt ei peccata multa, quoniam dilexit multum.* O quoniam ego essem felix! si penes hodiernam visitationem Tui in Sanctissimo Sacramento latentis, possem obtinere remissionem peccatorum meorum! sed quia parum dilexi Te, igitur

re-

remissione parva dignus sum.
Rogo Te itaque, ut Te tantum diligam, quantum dilexit Magdalena, & deinde æquè cum Magdalena concedere digneris mihi remissionem peccatorum ! O peccatrix anima mea, excita in te quàm maximum erga DEUM Tuum, in Sanctissimo Sacramento latentem, amorem, & secundum mensuram dilectionis, & amoris erga Illum, recipies plenam peccatorum remissionem. O JESU imensi amoris ! amo Te, propter Te unicum & solum ! tantum amo, quantum dignus es ! amo Te ità, sicut amavit Magdalena, sicut Te amârunt omnes fideles, & ferventes Di-

lecti tui ! Et quidquid adhuc
deest amori meo erga Te, ro-
go Te per crudele Decretum
in mortem Tui prolatum, ab
iniquo Judice, adjuva me, ut
Te plenè & infinitè amem.

M O D U S XXVI.

*Visitandi Sanctissimum Sacramen-
tum ante meridiem, locò omnium
illorum, qui se de magna Cœna ex-
cusarunt.*

Domine JESU Christe,
qui nobis in Altari No-
vi Testamenti, magnam cœ-
nam præparasti, sed invitati
ad illam unanimiter noluerunt
venire, & se adinvicem excu-
sant. Compareo ego hodie
coram Te, & visito Te, pro

illis

illis omnibus hospitibus de tua
Cæna se excusantibus, & rogo
Te, ut me præfatæ Cænæ tuæ
facias participem. Hæc enim
magna Cæna tua, nihil aliud
est: quàm Sanctissimum Sacra-
mentum Corporis & Sanguinis
Tui, ad hanc igitur Cænam
venio, ad Cænam festinans pro-
pero, hanc Cænam magnam
desidero! O revera magna hæc
Cæna est, quia à Te summo &
immenso DEO instituta & fac-
ta. Magna hæc Cæna, quia
mirabilî modô facta, quia to-
tum Omnipotentia Divinæ o-
pus in se continet, quia totum
DEUM & Hominem in se clau-
dit! Magna præcertò Cæna,
quia communis omnibus est,

tam parvis quàm magnis; tam
divitibus quàm pauperibus
tam justis quàm peccatoribus
si de peccatis suis pœnitentiam
agant. Magna Cœna hæc, quæ
magnô pretiô Sanguinis Tui
comparata, quia & ingratis &
nulla merita habentibus facta
ante sæcula præparata & præ-
visa. Quoniam ergo præfata
Cœna Corporis & Sanguinis
Tui, tam magna est, mirabilis
abæterna & pretiosa, igitur
similî modô, magnam fidem
magnū amorem, magnā spem
magnam præparationem, ma-
gnum affectum, humilitatem
& reverentiam exigit. Et re-
spicisnè id barbara ingratitu-
do humana? valde rarò, aut

nun-

nunquā: quando enim Dilectissime JESU, præparasti hanc Cænam magnam Tuam, & iussisti servos tuos, ut hospites ad illam invitarent, & ecce ex illis, unus cæpit excusari dicens: *Villam emi, & necesse habeo, exire & videre illam*, alter dixit: *juga bovum emi quinque, & eo probare illa*; tertius dixit: *Uxorem duxi, & ideo non possum venire ad hanc Cænam*; rogo Te, *habe me excusatum*. Quidquid hi invitati Hospites fecerunt, id ego facio frequenter, vocas me bone JESU per internos instinctus tuos, ad tam magnā & inæstimabilem Cænam tuam, & ego temporalibûs negotiis, & vanis necessitatibûs, inani-

ter me excuso : de die in diem
de hebdomada ad hebdoma-
dam, de mente in mensem, dif-
fero præsentiam meam pro
Cæna tua. Doleo de hoc mo-
dò benignissime JESU, statuo
firmum & immutabile propo-
situm, quod ab hinc nunquā,
à tam excellenti Cæna me ex-
cusabo, imò de die in noctem,
me ipsum ad illam alliciam,
movebo & excitabo. Accen-
de me ad id bone JESU, per
denudationē Tui de vestimen-
tis tuis, per crudelem coro-
nationem tuam, & per omnes
illusiones, contemptus, & sub-
sanationes, quas perpeffus es
ab iniquis militibus, post De-
cretum Pilati, & omni voca-
tio-

tioni tuæ , volo semper esse obediens.

MODUS XXVII.

Visitandi Sanctissimum Sacramentum post meridiem in persona Filii Prodigii.

A Mantissime omnium nostrum Pater , Christe JESU compareo hodierna die coram immensa Majestate tua, & Te hîc præsentem sub speciebus panis, cum Filio Prodigio quàm humillimè visito. Sicut enim ex levitate recessi à Te, ità iterùm redeo ad Te. Confiteor culpam meam, quòd acceperim magnā substantiam à Te, suscepi à Te Sacramentum S. Baptismi, educationem

in fide Catholica , illustrationes quotidianas in intellectu, voluntate & memoria, gratias supernaturales permanentes, & transeuntes, & alia cælestia dona, præter hæc recepi incitamentum internum ad bonū, vocationem ad statum meum, & auxilia cælestia huic statui servientia; hīs igitur & aliīs beneficiīs sine numero receptis, recessi in regionem longinquam à Te, & omnia præfata bona, per peccata & insolentias meas deperdidi, dissipavi & dispersi. Hīs omnibūs factis, summam patior famem, privatus gratiâ tuâ, esurivi, & nemo mihi porrexit fragmentum panis, sitivi, & ne-

mo voluit extinguere sitim meam. Pascens porcos, id est: dissolutas & luxuriosas passionem meas, desiderabam saltem de siliquis refici, quæ porrigebantur porcis, & id erat mihi difficile: attentô itaque & perspectô hōc, quod malè fecissem, quid igitur facturum sim? ecce cum lacrymis & fletu, mihi clamandum est, & dicendum: *O quàm multi operarii sunt in domo Patris mei*, hoc est: in Ecclesia Catholica, qui abundant panibûs in Sanctissimo Sacramento, & ego hîc fame pereor! surgam, & ibo ad Patrem meum, & dicam illi: *Pater peccavi in cælum & coram Te, jam non sum dignus vocari filius*

*lius tuus, fac me, & constitue sicut
unum ex mercenariis tuis. Oſten-
de igitur Clementissime Pater,
tuam mihi misericordiam, re-
cipe me iterum ad Te, licet
prodigum Filium, jube adfer-
ri stolam novam, & illâ coo-
peri nuditatem meam, jube
annulum pretiosum adferri, &
imponere illum clementissime
manibus meis, ut sic despon-
satus Tibi, nunquam amplius
à Te recedam, jube adferri &
calceamenta pedibus meis, ut
pedes mei non ambulent vias
prohibitæ, sed ut semper hanc
viam frequentent, quam Tu
pro semper mihi demonstrasti.
Ad ultimum Clementissime Pa-*

ter

ter fac mecum id , quod fecit
Evangelicus Pater , cum Filio
suo prodigo , fac mihi abun-
dans convivium , jam non de
bove pingvi , sed de Sanctissi-
mo Sacramento Corporis &
Sanguinis JESU , & dum hęc
cibō & potu cælesti fruar , jam
ab hinc nulla res creata , gu-
stui meo placebit. O JESU !
sub pondere peccatorum Fili-
orum prodigorum in montem
Calvariæ procedens , rogo Te
per hanc ipsam , & crudelem
Crucifixionem tuam , enutrias
me Te Ipso tam efficaciter ,
ut nullam in æternum noscam
famem.

M O D U S XXVIII.

*Visitandi Sanctissimum Sacramen-
tum vespere in persona Publicani.*

Misericordissime JESU ,
qui contritum cor &
& humiliatum non despicias ,
compareo hodierna die coram
immensa Majestate Tua , & Te
hìc præsentem in Sanctissimo
Sacramento quàm humillimè ,
affectu Publicani adoro , & vi-
sito. Sed quia notæ sunt mihi
iniquitates meæ , & sciam val-
dè benè , quòd quotidiana pec-
cata mea , defectus , & imper-
fectiones , superent numerum
arenæ maris & capillos capitis
mei , exinde non audeo , &
pertimesco propiùs Thronum
Tu-

Tuum Divinum accedere, sed à longe cum Publicano Evangelico, percutiendo pectus meum, affectu illius dico: *DEUS propitius esto mihi peccatori*: Esto propitius frigidæ, & tepidæ visitationi meæ; esto propitius frigidis communionibus meis; esto propitius super hoc, quòd Te non tam dignè, ferventer & sicut oporteret in Sanctissimo Sacramento suscipio; veneror, & adoro; esto propitius & super hoc, quòd tunc dum excitor de somno, non statim venio, ad adorandum magnum Sacramentum Corporis & Sanguinis Tui: esto propitius imperfectis & tardis confessionibus meis; esto propi-

pitius imperfectæ contritioni
pro peccatis meis ; esto pro-
pitius debilibus, infirmis & in-
star venti transeuntibus pro-
positis meis , & digneris mihi
conferre gratiam Tuam, ut in-
posterum, sim constans, fortis,
& nunquam vincibilis in pro-
positis meis ; esto propitius
tardis exercitiis, profectibus &
implendis officiis statûs & vo-
cationis meæ ; esto propitius,
tam frequentibus recidivatio-
nibus meis, ad antiqua & gran-
dia peccata mea. Esto propiti-
us non tantum mihi peccato-
ri, sed & his qui ad me in po-
testatem, legem, jurisdictio-
nem, & gubernium pertinent.
Esto propitius & illis, quibus
debe-

deberem propter amorem tuum esse exemplum, & illis factus sum in scandalum. Esto propitius inimicis meis, quos secundum doctrinam tuam debuisssem amare propter amorē tuum, & ego illis tam multa odii signa ostendi. Esto propitius omnibus Christianis & servis tuis, & acende illos radiis gratiæ Tuæ, ut Te in Sanctissimō Sacramento latentem, quā fervidius adorent, glorificent, & visitent. Quia verò Dilectissime JESU ad visitandum Te veni huc in persona Publicani, igitur procumbens coram Majestate tua, rogo Te per depositionem Sacratissimi Corporis Tui de ligno

O

Cru-

Crucis, ut impleatur in me id,
quidquid impletum est in Pu-
blicano: ille etenim secundum
edictum & testimonium tuum,
reversus est in domum suam
iustificatus: Igitur & ego à Te
aliter abire nolo, tantummo-
dò iustificatus, tantummodò
de peccatis emundatus, & gra-
tiâ Tui abundanter repletus.

D I E S VIII.
OCTAVÆ SACRATISSIMI
CORPORIS CHRISTI.

M O D U S XXIX.
Visitandi Sanctissimī Sacramentum
in persona Evangelici Cæci.

Indeficiens & illuminans
omnem hominem Lux
Chri-

Christe JESU, compareo hodierna die coram immensa Majestate tua, & Te hîc in Sanctissimo Sacramento in persona Cæci Evangelici secûs viam sedentis, præsentem quàm humillimè adoro, & visito. Quid enim aliud est quilibet homo, in hoc mundo vivens? si non ille Cæcus secûs viam sedens, & misericordiam à prætereuntibus exposcens. Et si omnes homines, multò magis ego tenebris involutus & obcæcatus dici possum: & re ipsa cæcus sum! cæcus sum in voluntate mea, quia id appeto, quod mihi nocet; id effugio, quod mihi est utile; id volo, quod DEUS non vult; & illud nolo,

O 2 quod

quod DEUS vult ; id amo ,
quod me occidit in anima ; id
odio habeo , quod mihi vitam
dat , & me vivificat. Cæcus
sum in memoria , quia non re-
cordor tot magnorum benefi-
ciorum tuorum , quæ mihi per
totam vitam præstitisti , & hac-
tenus præstare non cessas : cæ-
cus adhuc sum in memoria ,
quia non recordor inferni &
terribilium pœnarum illius , fi-
nem nunquam habentium. Cæ-
cus adhuc sum in memoria ,
quia non recordor terribilium
judiciorum tuorum , ad quæ
infallibiliter præsentabor , &
comparebo. Cùm sim itaque
cæcus , proinde cum Cæco E-
vangelico secus viam sedente

cla-

clamo ad Te : *JESU Fili Da-*
vid miserere mei ! JESU Fili Da-
vid miserere mei ! Si verò Li-
lectissime *JESU* interrogabis
me, & dices : quid vis, ut fa-
ciam tibi ? quàm humillimè
respondeo : non est mihi opus
honoribus, quia omnes transe-
unt ; non est mihi opus divi-
tiis, quia hæ fallunt ; non est
mihi opus laude humana, quia
hæc vilis ; non est mihi opus
ulla re temporali, insuper etiã
sanitate ipsa : sed id tantùm
rogo, & supplico Tibi cum E-
vangelico Cæco : *Dom ne ut*
videam : ut videam, quid Tu
sis, & quid ego sum : ut vide-
am, quàm mirabilis sis in San-
ctissimo Sacramento : ut vide-

am, & cognoscam, quàm multas gratias, & beneficia recepe. im totâ vitâ meâ in hoc Sacramento; ut videam, quàm magnus sit amor tuus, cum enim sis immensus DEUS! sub speciebus panis dignatus es latere; ut videâ viva fide, quod quanquam sensibus meis appareant mihi esse hîc accidentia panis, attamen Tu, cum Divinitate tua hîc præsens es: ut videam, quàm multoties indignè accefferim ad hoc Sacramentum, quàm magna dignus sim pœna pro eo: ut videam, quomodò debeam præparari, ad hoc Sacramentum, quanta cum humilitate, fervore, &

devo-

devotione mea illud visitare :
ut videam , quid debeam tam
magno Sacramento. Unô ver-
bô rogo Te JESU , per inun-
ctionem pretiosîs aromatibûs
Sanctissimi Corporis Tui , ante
gloriosam Sepulturam Tuam ,
ut videam , qualiter Te debe-
am in hoc Sacramento adora-
re , venerari , amare , glorifi-
care , & Tibi quotidie servire.
Instrue me Dilectissime JESU ,
edoce , & illumina tam effica-
citer cæcitatem meam , ut nun-
quam ad illam revertar. *Illu-
mina Domine oculos meos , nè un-
quam obdormiam in morte , & nè
quando dicat inimicus meus , præ-
valui adversus eum.*

M O D U S XXX.

Visitandi Sanctissimum Sacramentum ante meridiem, in persona Zachæi.

L Argissime laborum nostrorum Remunerator Christe JESU, compareo hodierna die coram imensa Majestate tua, & Te hic præsentem in Sanctissimo Sacramento, affectu alacris Zachæi, quam humillimè adoro, & visito. Vix comparuit Zachæus corā contestā, velamine Corporis humani Majestate Tua, mox illi & universæ domui annuntiāsti salutem: procido igitur & ego coram Majestate tua, & rogo Te, ut etiam & meæ toti do-

domui, annunties salutem. Domus mea imprimis, est anima mea, est miserum corpus meum, sunt omnia membra corporis mei; his itaque omnibus, sed singulariter animæ meæ, hac largitate tribue salutem, quâ tribuisti prompto Zachæo. Id autem ut efficacius obtineam, sequor exemplum Zachæi, & statim reddo quadruplum, in quocunque aliquem defraudavi. Et imprimis defraudavi Te ipsum: quia Te in Sanctissimo Sacramento non visitabam, & debitum Tibi honorem non præstabam. Igitur me totum reddo, per hodiernam visitationem immensæ Majestati Tuæ. Defraudavi secundò

me ipsum, & animam meam,
quia ad mensam tuam Sanctissimò
Sacramentò instructam non
accedebam, ità sicut debui, &
oportebat, sed multoties elegi
de filiquis mundanæ vanitatis,
quàm de caelesti cibo Tuo nu-
triri. Defraudavi tertio pro-
ximos meos, quia illos ad fer-
ventem devotionem erga hoc
tam magnum Sacramentū non
alliciebam, imò per negligen-
tiam, tepiditatem, & pigritiam
meam, tam multos fortè retia-
xi, à zelosa devotione erga hoc
Sacramentū. Defraudavi quar-
tò animas in purgatorio deten-
tas, quæ multoties expectabant,
ut in illarum velociorem eli-
berationem accederem ad Cor-

pus

pus & Sanguinem Tuum, & ego id tam multoties neglexi. Defraudavi quintò Angelos Sanctos, & omnes spiritus cælestes, qui desiderarent semper me inspicere pœnitentem, & his mysteriis fruenter videre. Defraudavi totā Sanctissimam Trinitatem, quæ exinde majorem haberet honorem, si frequenter dignè & devotè ad hæc mysteria accederem. Ad ultimum defraudavi totam Ecclesiam DEI, cujus spiritualis thesaurus, sicut ex aliis bonis operibus spiritualibus, ita & ex zelosa devotione erga hoc Sacramentum crescit, & ego id totaliter neglexi. Igitur commissis hīs magnīs injurijs, cum

cum prompto Zachæo reddo
quadruplum adæquatum, per
modernam visitationem, quem-
cunque in aliquo defraudavi;
simul firmiter propono, quia
ad myſteria Corporis & San-
guinis Tui, ferventiùs, devo-
tiùs & frequentiùs accedam:
& ſi ipſe id præſtare non po-
tero, & adimplere, tunc ſal-
tim alios alliciam, ut Te DE-
UM meum in Sanctiſſimo Sa-
cramento latentem, veneren-
tur, adorent, ament, magni-
ſicent, quotidie Menſam Tuam
accedant. Rogo Te itaque di-
lectiſſime JESU, per Sepulturā
& Sepulchrum Tuum, in quo
poſt mortem tuam, fuiſti de-
poſitus, digneris me adjuvare,

ut

ut hoc totum adimpleam, quod propono, & ut me toto corde, & affectu sepeliam, penes Sanctissimum Sacramentum Tuum.

M O D U S XXXI.

Visitandi Sanctissimum Sacramentum post meridiem in persona Evangelici Infirmi.

Domine JESU Christe, qui non tantum recentes sed vel maximè inveteratos morbos animarum nostrarum, sanare potes, compareo hodierna die coram Omnipotenti Majestate Tua, & Te hic in Sanctissimo Sacramento præsentem in persona Infirmi inveteratum morbum habentis, quàm humillimè adoro, & visito.

to. Testatur Sanctus Joannes Evangelista, quòd Jerosolymis fuerit certa piscina Bethsaida, appellata, quinque porticus habens, in his itaque porticibus, erat magnus numerus hominum infirmorum, debilium, cæcorum, claudorum, & aridorum expectantium motum aquæ. Angelus autem Domini, descendebat secundùm tempus ad præfatam piscinam; & movebatur aquâ, qui igitur primus descendit ad piscinam post commotionem aquæ, ille sanabatur ab omni infirmitate. Erat etiam ad hanc piscinam quidam homo triginta annorũ & octo existens in infirmitate sua, attamen non erat sanatus;

Hunc

Hunc dum videt et Dominus
JESUS decumbentē, & agnos-
ceret, quod tam pridem infir-
maretur, dixit illi: visne esse
sanus? respondit ille langui-
dus & infirmus homo: Domi-
ne hominē non habeo, ut tunc
dum comoveretur aqua, adferat
me, & mittat in piscinā, dum
enim ego venio ad piscinam,
& volo intrare illam, alius me
antecedit, & sic ille sanus fit, ego
infirmus permine. Quidquid
quondā actum est cum illo in-
firmo & languido homine, ad
piscinam Jerosolymitanam de-
cumbente, hoc totum fit me-
cum. hæc enim piscina Jero-
solymitana, quinque porticus
habens, designabat, & figura-
bat

bat Christum JESUM in Sanctissimo Sacramento latentem, quinque vulnera habentem, & de illis sanguinem propter salutem humanam abundè effundentem; hæc piscina designabat Sanctissimū Sacramentum, jam non simplicī aut stabilī aquā, sed Sanguine JESU adimpletum, sicut enim qui primus ingressus est piscinam Jerosolymitanam, semper sanus fiebat, sic qui viva fide, accedit ad Sanctissimum Sacramentum, semper sanus fit. Ad hanc mysticam piscinam, sive potius immensum mare Sanctissimi Sacramenti, statim ab initio Novi Testamenti, erant tam multi infirmi, debiles, cæci,

ci,, claudi; & variis defecti-
bûs affecti, ex his omnibus ma-
gnus numerus factus est sana-
torum; ego tantum unus, per
tam multos annos decumbo,
ad hanc Sacramentalem pisci-
nam, & hætenus non sum fac-
tus sanus! & qua de causa?
ecce de hac, quia sum imbe-
cillis, & infirmus in propositis
meis, quia sum piger, somno-
lentus, & tepidus: & permit-
to alium antecedere me, ad
hanc mysticam piscinam, sicut
quondam permisit se, ut ab a-
lio antecedatur, præfatus in-
firmus Evangelicus, ad ulti-
mum quia non habeo sinceram,
vivam & ferventem propriam
applicationem, per quam con-

P

fuge-

fugerē ad exhauriendas aquas
vivas de hac mirabili pifcina
Sanctiffimi Sacramenti, fed ex-
pecto, donec me aliquis ad-
ducat, aut tempus & conſue-
tudo alicujus loci juſſerit : &
ſic quando me movet conſci-
entia mea, quia tam magnum
theſaurum non curo, excuſor
ſæpenumero : *Domine hominem
non habeo* ; non habeo Ducem
talem, qui me moveret, & ex-
citaret ad id. Sicut ergo be-
nigniffime JESU infirmum E-
vangelicum ad ſanitatem ex-
citâſti, & deduxiſti, quanquam
ille per triginta & octo annos,
in infirmitate decumbens, ipſe-
met non daret operam, ad in-
greſſum in pifcinam : ſic me
per

per constitutā ad Sepulchrum
tuum custodiam , digneris ex-
citare , ad curandam sanitatem
in anima mea . , quamvis per
tam multos annos , in habiti-
bus vitiorum meorum decum-
bam , & non curo diligenter
ad eradicandos illos. Dic ergo
mihi JESU , ut resurgam , &
elevem stratum habituum vi-
tiosorum meorum , & ambulē
pedibūs meis. Hoc dum effi-
cies dilectissime JESU , ego in
instanti de habitibus meis re-
surgam , abjiciam lectum pec-
catorum meorum , in quo tam
diu decumbebam , & ab hinc
quotidie ambulabo viam man-
datorum tuorum , dicens cum
Sancto Propheta : *Viam man-*

datorum tuorum cucurri, & dire-
xi; cum dilatasti cor meum!

M O D U S XXXII.

*Visi. andi Sanctissimum Sacramen-
tum in persona Reguli Evangelici.*

Domine JESU Christe ,
qui nullam creaturam
tuam, quamvis vilissimam de-
spicis , sed semper paratus es
ad illam descendere, eam visi-
tare, & apud ipsam manere :
compareo hodie coram iñensa
Majestate Tua , & Te hìc in
Sanctissimo Sacramento præ-
sentem, affectu Reguli Evan-
gelici, quàm humillimè adoro,
& visito Et nihil aliud peto,
nisi id , quod petivit Regulus
Evangelicus, id est, hoc, ut e-
tiam

tiam ad me descendas JESU, ut etiam ad me divertere velis, ut etiam apud me permanas aliquantulum. Invito autem Te Clementissime JESU, ad tabernaculum & domū meam non hoc fine, quasi verò censerem, quòd ad sanandum me, aut domesticos meos, omnino necessaria sit præsentia Tua (sicut quondam Regulus Evangelicus putabat) sed potius hoc fine invito Te ad me, ut tabernaculū mansionis meæ sanctifices, & benedicas, & Ecclesiam Tibi de illo efficias. Dum Sacratissima Virgo MARIA Mater Tua venit quondā visitare Elisabeth, pro tam magna felicitate sibi id computa-

vit, ut cum magna admiratione exclamâſſet: *Et unde hoc mihi, quòd Mater Domini mei veniat ad me?* multò magis ego mihi pro magna felicitate computabo, & benedictione ſumma mea, quando Bone JESU ad me venies, revera juſtè dicam: *Et unde hoc mihi, quòd Dominus meus Et DEUS meus veniat ad me.* Veni itaq; quàm citiſſimè, amantiſſime JESU, & me viſitatione tua per quietem tuam in Sepulchro, ad diem tertiam, & per glorioſam Reſurrectionem Tuã, pro tota vita mea, & futura æternitate benedicas. Ad ultimùm benedicas & Octavæ meæ, per hoc tempus peractæ, & adde
mi-

mihi ulteriorem gratiam ad id,
ut illam in honorem & cultum
Sanctissimi Sacramenti, possim
per totum continuare annum,
& peragere salutariter, Amen.

DISPOSITIO
OCTAVÆ SACRATISSIMI
CORPORIS CHRISTI.

Pro toto anno.

*Quidquid hic porrectum est, ex-
inde patet evidens modus, quomo-
dò peragenda sit Octava Sacratissi-
mi Corporis Christi, & quomodo vi-
sitandum sit quotidie Sanctissimum
Sacramentum, per præfatam O-
ctavam. Mòdò restat ostendendũ
& disponendum, quomodo uti de-
beamus hoc ipso, non tantum per*

totam Octavam Sacratissimi Corporis Christi, sed etiam per totum annum? Ad hoc respondeo, & talem trado doctrinam. Finita visitatione Sanctissimi Sacramenti per octo dies Octavæ Corporis Christi, & per totum hoc tempus suo ordine perpositos hic pro qualibet die modos, & perrecitatis orationibus, iterum de novo inchoanda est visitatio Sanctissimi Sacramenti, per alios octo dies, & penes hanc visitationem, recitandi sunt ab initio positi modi, sive orationes: finitis his secundis octo diebus visitationis Sanctissimi Sacramenti, inchoandi sunt iterum simili modo alii tertii octo dies, & sic faciendum per totum annum. Qui hoc exequetur, & faciet, in re ipsa celebrabit Octava.

Octavam Sacratissimi Corporis Christi, per totum annum: quando per totum annum, ita visitabit Sanctissimum Sacramentum, sicut Illud visitabat, per Octavam Sacratissimi Corporis Christi, ulterius sequitur, quod eodem ipso quod hic porrectum est, pro octo diebus Octavæ Sacratissimi Corporis Christi, quilibet quotidie potest uti, toto annò, si vult esse devotus, erga Sanctissimum Sacramentum.

PSALMI

DE

SANCTISSIMO
SACRAMENTO.

PSALMUS XIX.

Exaudiat te Dominus in die

Ps

tri-

tribulationis : protegat te nomen DEI Jacob.

Mittat tibi auxilium de Sancto : & de Sion tueatur te.

Memor sit omnis sacrificii tui , Corporis & Sanguinis JESU & holocaustum tuum , de Corpore & Sanguine JESU factum pingve fiat.

Tribuat tibi secundum cor tuum : & omne consilium tuum confirmet.

Lætabimur in salutari tuo : & in nomine DEI nostri magnificabimur.

Impleat Dominus omnes petitiones tuas : nunc cognovi quoniam saluum fecit Dominus Christum suum.

Exaudiet illum de cælo sancto

Et suo : in potentatibus salus
dexteræ ejus.

Hi in curribus , & hi in e-
quis : nos autem in nomine
Domini DEI nostri invocabi-
mus.

Ipsi obligati sunt & cecide-
runt : nos autem surreximus
& erecti fumus.

Domine saluum fac Regem :
& exaudi nos in die , quâ in-
vocaverimus Te.

Gloria Patri & Filio &c.

PSALMUS XXII.

Dominus regit me , & nihil
mihi deerit : in loco pascuæ
ibi me collocavit,

Super aquam refectiois e-
ducavit me : animam meam
convertit. De-

Deduxit me super semitas
justitiæ : propter nomen suū.

Nam & si ambulavero in me-
dio umbræ mortis, non time-
bo mala : quoniā tu mecum es.

Virga tua & baculus tuus :
ipsa me consolata sunt.

Parasti in conspectu meo
mensam *Sanctissimi Sacramenti*
Corporis & Sanguinis Christi : ad-
versus eos qui tribulant me.

Impinguasti in oleo caput
meum : & calix meus inebri-
ans me *sanguine Christi* quā
præclarus est.

Et misericordia tua subse-
quetur me : omnibûs diebûs
vitæ meæ.

Et ut inhabitem in domo
Domini : in longitudinē dierū.

Gloria Patri & Filio &c.

PSALMUS CL.

Domine exaudi orationem
meam : & clamor meus ad te
veniat.

Non avertas faciem tuam à
me : in quacunque die tribu-
lor, inclina ad me aurem tuā.

In quacunque die invocave-
ro te : velociter exaudi me.

Quia defecerunt sicut fumus
dies mei : & ossa mea sicut
cremium aruerunt.

Percussus sum ut fœnum & a-
ruit cor meum : quia oblitus
sum comedere panem meum.

A voce gemitus mei : adhæ-
sit os meum carni meæ.

Similis factus sum Pellicano
solitudinis : factus sum sicut
Nycticorax in domicillio.

Vigi-

Vigilavi : & factus sum sicut passer solitarius in tecto.

Tota die exprobrabant mihi inimici mei : & qui laudabant me , adversum me jurabant.

Quia cinerem tanquam panem manducabam : & potum meum cum fletu miscebam.

A facie iræ & indignationis tuæ : quia elevans allifisti me.

Dies mei sicut umbra declinaverunt : & ego sicut fœnum arui.

Tu autem Domine in æternum permanes : & memoriale tuum in generationem & generationem.

Tu exurgens misereberis
Sion:

Sion : quia tempus miserendi
ejus, quia venit tempus.

Quoniam placuerunt servis
tuis lapides ejus : & terræ e-
jus miserebuntur :

Et timebunt gentes nomen
tuum Domine : & omnes Re-
ges terræ gloriam tuam.

Quia ædificavit Dominus Si-
on : & videbitur in gloria sua.

Respexit in orationem hu-
milium : & non spreuit pre-
cem eorum.

Scribantur hæc in generati-
one altera : & populus qui
creabitur, laudabit Dominum.

Quia prospexit de excelsis
sancto suo : Dominus de cælo
in terram aspexit.

Ut audiret gemitus compe-
dito-

ditorum: ut solveret filios interemptorum.

Ut annuntient in Sion nomen Domini: & laudem ejus in Jerusalem

In conveniendo populos in unum: & Reges ut serviant Domino.

Respondit ei in via virtutis suæ: paucitatem dierum meorum nuntia mihi.

Nè revoces me in dimidio dierum meorum: in generationem & generationem anni tui.

Initio tu Domine terrā fundāsti: & opera manum tuarū sunt cæli.

Ipsi peribunt, tu autem permanes: & omnes sicut vestimentum veterascent.

Et

Et sicut opertorium mutabis
eos, & mutabuntur : tu autē
ide n ipse es, & anni tui non
deficient.

Filii fervorum tuorum habi-
tabunt : & semen eorum in sæ-
culum dirigetur.

Gloria Patri & Filio &c.

PSALMUS CX.

Confitebor tibi Domine in
toto corde meo : in consilio ju-
storum & congregatione.

Magna opera Domini : ex-
quisita in omnes voluntates e-
jus.

Confessio & magnificentia o-
pus ejus : & justitia ejus manet
in sæculum sæculi.

Memoriam fecit mirabilium :

Q. suo.

suorum misericors & miserator
Dominus : escam de (Corpore
& Sangvine in Sanctissimo Sacra-
mento) dedit timentibus se.

Memor erit in sæculum te-
stamenti sui : virtutem operū
suorū annuntiabit populo suo.

Ut det illis hereditatem Gen-
tium : opera manuum ejus ve-
ritas & judicium.

Fidelia omnia mandata ejus:
confirmata in sæculum sæculi :
facta in veritate & æquitate.

Redemptionem misit populo
suo : mandavit in æternum te-
stamentum suum.

Sanctum & terribile nomen
ejus : initium sapientiæ timor
Domini.

Intellectus bonus omnibus
faci-

facientibus eum : laudatio ejus manet in sæculum sæculi.

Gloria Patri & Filio &c.

PSALMUS CXV.

Credidi propter quod locutus sum : ego autem humiliatus sum nimis.

Ego dixi in excessu meo : omnis homo mendax.

Quid retribuam Domino : pro omnibus quæ retribuit mihi.

Calicem : adimpletum Sanguine Salvatoris mei, accipiam : & nomen Domini invocabo.

Vota mea Domino reddam coram omni populo ejus : pretiosa in conspectu Domini mors Sanctorum ejus,

Q 2

O Do-

O Domine quia ego servus
tuus: ego servus tuus & filius
ancillæ tuæ.

Dirupisti vincula mea: tibi
sacrificabo hostiam laudis, &
nomen Domini invocabo.

Vota mea Domino reddam
in conspectu omnis populi e-
jus: in atriis domus Domini
in medio tui Jerusalem.

Gloria Patri & Filio & Spi-
ritui Sancto, &c.

C O R O N A

*De ultima Cæna in qua Christus
Dominus instituit Sacramentū Cor-
poris & Sanguinis Sui.*

Deus in adjutorium meum
intende.

Domine ad adjuvandum me
festina. Glo-

Gloria Patri & Filio & Spiritui Sancto. Sicut erat in principio nunc & semper & in sæcula sæculorum, Amen.

MYSTERIUM I.

Missio duorum Discipulorum in civitatem, ad præparandam ultimam Cænam.

Hic dicendum est unum Pater noster &c. & decem Ave Maria &c. Gloria Patri &c.

Antiphona.

Accesserunt Discipuli ad JESUM dicentes: ubi vis, paremus tibi comedere Pascha? At JESUS dixit: ite ad civitatem ad quemdam, & dicite ei: Magister dicit: tempus meum propè est, apud te facio Pascha cum

Discipulis meis. Et fecerunt
Discipuli, sicut constituit illis JESUS,
& paraverunt Pascha.
Domine exaudi orationem
meam.

Et clamor meus ad te veniat.

Oremus.

Domine JESU Christe verus
DEUS & Homo, qui ante
inchoationem Passionis Tue,
misisti Discipulos duos ad præ-
parandam ultimam Cenam, &
invenisti, in omnibus paratum,
velocem & alacrum Patrem fa-
milias domûs, da nobis quæ-
sumus, ut ad omnem vocem
tuam, & adventum tuum ad
nos, semper parati, obedien-
tes & veloces simus. Qui vi-

in

in unitate Spiritus Sancti DE-
US per omnia sæcula sæculo-
rum, Amen.

MYSTERIUM II.

*Admonitio Judæ de fraude e-
jus.*

Hic dicendum est unum Pater
noster &c. Decem Ave Maria &c.
Gloria Patri &c.

Antiphona.

*Vespere autem facto, discumbebat
cum Discipulis suis, & edentibus
illis, dixit: Amen dico vobis,
quia unus vestrum me traditu-
rus est; & contristati valde cæ-
perunt singuli dicere: Nunquid
ego sum Domine? At ipse re-
spondens, ait: Qui intingit me-
cum manum in paropside, hic me*

*tradet. Filius quidem hominis
vadit, sicut scriptum est de illo :
væ autem homini illi, per quem
Filius hominis traderetur : bonum
erat illi, si natus non fuisset ho-
mo ille.*

*Domine exaudi orationem
meam.*

*Et clamor meus ad te ve-
niat.*

Oremus.

Domine JESU Christe, qui
licet Judam ingratum Di-
scipulum tuum admoneres de
proditione illius, ille tamen
admonitioni tuæ non obedivit,
da nobis quæsumus, ut omnem
admonitionem tuam audiamus,
& illam in omnibus occasioni-
bus, ad effectum deducamus.

Qui

Qui vivis, & regnas cum DEO
 Patre in unitate spiritus Sancti
 DEUS per omnia sæcula sæcu-
 lorum, Amen.

MYSTERIUM III.

*Depositiō vestimentorum & ac-
 ceptio linteaminis.*

*Hic dicendum est unum Pater
 noster, &c. & decem Ave Maria
 &c. Gloria Patri & Filio &c.*

Antiphona.

*Surgit à Cæna, & ponit vestimen-
 ta sua: & cū accepisset linte-
 um, præcinxit se.*

*Domine exaudi orationem
 meam.*

*Et clamor meus ad te ve-
 niat. Oremus.*

Domine JESU Christe, qui
 Q5 an-

ante lotionem pedum Aposto-
licorum, deposuisti vestimen-
ta Tua; & præcinxisti Te lin-
teamine; da nobis quæsumus,
ut deponamus & nos antiquos
habitus, & novis adornemur.
Qui vivis, & regnas cum DEO
Patre in unitate Spiritus San-
cti DEUS per omnia sæcula sæ-
culorum, Amen.

MYSTERIUM IV.

Lotio pedum Apostolicorum.

*Hic dicendum est unum Pater
noster Sc. & decem Ave Maria
Sc. deinde Gloria Patri & Filio
& Spiritui Sancto Sc.*

Antiphona.

*Misit aquam in pelvim, & cæpit
lavare pedes Discipulorum, &*

ex-

extergere linteô, quô erat præ-
cinctus.

Domine exaudi orationem
meam.

Et clamor meus ad te ve-
niat.

Oremus.

Domine JESU Christe, qui
ad exemplum profundæ
humilitatis, penes ultimam cæ-
nam dignatus es lavare pedes
Apostolorum, & linteô exter-
gere, da nobis quæsumus, ut
etiam nos ipsos exerceamus in
humilitate, & conscientias no-
stras humilibûs lacrymîs quo-
tidie abluamus; Qui vivis, &
regnas cum DEO Patre in uni-
tate Spiritus Sancti DEUS per
omnia sæcula sæculorû, Amen.

MY-

MYSTERIUM V.

*Actualis Cæna ultima & simul
Institutio Corporis & Sanguinis
JESU Christi Domini nostri.*

*Hic dicendum est unum Pater
noster &c. Decem Ave Maria &c.
Gloria Patri & Filio &c.*

Antiphona.

*Cænantibus illis, accepit JESUS
panem, & gratias agens fregit,
& dedit illis, & dixit: Acci-
pite & manducate: hoc est Cor-
pus meum. Similiter & Cali-
cem, postquam cænavit, gratias
agens dedit illis, & bibebant de
illo omnes, & dixit illis. Hic
est Sanguis Novi Testamenti,
qui pro multis effundetur.*

Do-

Domine exaudi orationem
meam.

Et clamor meus ad te ve-
niat.

Oremus.

Domine JESU Christe ve-
rus DEUS & Homo, qui
institutô Sacramentô Corporis
& Sanguinis Tui propriis ma-
nibus illud distribuisti Disci-
pulis tuis, & eodem illos mi-
sericorditer tractasti, certifi-
cans simul, quòd Sanguis Tu-
us pro multis effundetur in re-
missionem peccatorum, da no-
bis quæsumus, ut per hoc my-
sterium Corporis & Sanguinis
Tui, remissionem peccatorum
consequamur. Qui vivis, & re-
gnas cum DE Patre in unitate
Spi-

Spiritus Sancti DEUS per omnia sæcula sæculorum, Amen.

Credo in Deum Patrem &c.

OMnipotens sempiternus DEUS, qui dedisti nobis, ut in cultū & gloriam Sanctissimi Sacramenti Corporis & Sanguinis pretiosissimi, Unigeniti Filii Tui, modernam occupationem absolveremus, da nobis, ut in devotione erga hoc Sacramentum, nunquam desistamus, sed ferventius in eadem devotione progrediamur, & tandem resecti hōc Sacramentō, & confirmati vitam æternam consequamur. Per eundem Dominum nostrum JESUM Christum, qui Tecum vivit,

vit, & regnat in unitate Spiritus sancti DEUS per omnia sæcula sæculorum, Amen.

NONA.

Sive Orationes tempore Nonæ, quæ in insignioribus Civitatibus per totam Octavam Sacratissimi Corporis Christi, consuevit absolvi. Per Nonam autem nihil aliud designatur, tantum hora nona. Tempore igitur Nonæ sive horæ nonæ, traduntur sequentes Orationes cum Antiphonis.

Antiphona.

Erat autem fere hora sexta, & tenebræ factæ sunt in universam terram, usq; in horam nonam. Et obscuratus est sol. Et velum Templi scissum est mediū.

Et

Et clamans voce magna JESUS ait: Pater in manus tuas commendo spiritum meum. Et hæc dicens expiravit. Videns autem Centurio quod factum fuerat, glorificavit Deum, dicens: Verè hic Homo justus erat. Et omnis turba eorum, qui simul aderant ad spectaculum istud, & videbant, quæ fiebant, percutientes pectora sua revertebantur. Stabant autem noti à longè: & mulieres, quæ secutæ eum erant, à Galilæa, hæc videntes.

Oratio.

OMnipotens sempiterne DEUS, qui voluisti, ut Filius Tuus Unigenitus, Dominus noster JESUS Christus, propter

pter redemptionē totius mundi, in Cruce horā nonā exspiraret, & moreretur, da nobis quæsumus, ut qui memoriam Passionis, Mortis, & Sacramenti Corporis & Sanguinis ejus, horam Nonam devotè recolimus, post mortem vitæ præsentis, feliciter in gratia Tua moriamur. Per eundem Dominum nostrum JESUM Christum, qui Tecum vivit & regnat in unitate Spiritus Sancti DEUS in sæcula sæculorum, Amen.

Antiphona.

Petrus autem & Joannes ascendebant ad Templum ad hanc orationis nonam. Et quidam vir qui erat claudus ex utero ma-

R

rtis

tris suæ, bajulabatur: quem ponebant quotidie ad portam Templi, quæ dicitur Speciosa, ut peteret eleemosynam ab introeuntibus in Templum, rogabat autem, ut eleemosynam acciperet. Intuens autem Petrus cum Joanne in eum, dixit: Respice in nos. At ille intendebat in eos, sperans se aliquid accepturum ab eis. Petrus autem dixit: argentum & aurum non est mihi: quod autem habeo, hoc tibi do: In Nomine JESU Christi Nazareni surge, & ambula; Et apprehensa manu ejus dextera, allevavit eum; & protinus consolidatæ sunt bases ejus & plantæ. Et exiliens stetit, & ambulabat: & intravit cum illis in
Tem-

*Templum, ambulans & exiliens
& laudans DEUM.*

Oratio.

OMnipotens sempiterne DE-
US, qui per Sanctum Pe-
trum fidelem servum Tuum,
pro hora nona orationis eun-
tem, quemdam hominem ex u-
tero Matris suæ claudum, in
Nomine JESU Christi Nazare-
ni, Domini & Salvatoris no-
stri, misericorditer sanare di-
gnatus es, da nobis quæsumus,
ut qui pro hora nona oratio-
nis, ad adorandum Sanctissimū
Sacramentum convenimus, in
anima & corpore in Nomine
JESU Christi sanari valeamus.
Per eundem Dominum nostrū

R 2

JE-

JESUM Christum Filium Tu-
um &c.

Antiphona.

Vir autem quidam erat in Cæsara, nomine Cornelius, Centurio cohortis, quæ dicitur Italica, Religiosus ac timens Deum cum omni domo sua, faciens elemosinas multas plebi; & deprecans Deum semper is vidit, in visu manifeste, quasi horâ diei novâ, Angelum Dei introeuntem ad se, dicentem sibi: Corneli. At ille intuens in eum, timore correptus, dixit: Quis es Domine? Dixit autem illi: Orationes tuæ, & elemosinæ tuæ, ascenderunt in memoriam in conspectu Dei. Et nunc mit-

te viros in Joppen, & accessi
 Simonem quendam, qui cognominatur Petrus: hic hospitatur
 apud Simonem quendam coru-
 rium, cujus est domus juxta ma-
 re: hic dicet tibi, quid te oporteat facere. Et cum discessit et
 Angelus, qui loquebatur illi, vocavit duos domesticos suos, &
 militem metuentem Dominum, ex his, qui illi parebant. Quibus cum narrasset omnia, misit illos in Joppen Act. Cap. X.

Oratio.

OMnipotens sempiternus Deus, qui Religioso viro Cornelio, in oratione horam nonam perseveranti per Angelum Tuum revelasti, ut vadat ad

R 3

San-

Sanctum Petrum Apostolum famulū Tuum, & ut ab illo addisceret, quid eum oporteat facere ad salutem, deinde ut ab illo obtineat Sacramentum Baptismi Sancti: da nobis quæsumus, ut qui ad laudem Unigeniti Filii Tui Domini nostri JESU Christi horā nonā in oratione in præsentia Sanctissimi Sacramenti perseveramus, efficaciter addiscamus, quid nos oporteat facere ad salutem nostram. Per eundem Dominum nostrū JESUM Christum, qui Tecum vivit, & regnat in unitate Spiritus Sancti DEUS in sæcula sæculorum, Amen.

DE

DE
INDULGENTIIS FESTI
SACRATISSIMI CORPORIS
CHRISTI.

Supremi Pastores Ecclesiæ
DEI desiderantes allicere po-
pulum Christianum, ad vene-
rationem Festi & totius Octavæ
Sacratissimi Corporis Christi,
varias & magnas exinde con-
cesserunt Indulgentias, quas ut
quilibet possit scire, hæc illas
trado.

1mò. Qui servaret jejunium
in Vigilia Sacratissimi Corpo-
ris Christi 700. dierum Indul-
gentiæ.

2dò. Qui adesset Vesperis
primis, hoc est in Vigilia Sa-

cratissimi Corporis Christi 500. dierum.

3tio. Qui adesset Completorio eadem die, hoc est in eadem Vigilia. 200. dierum.

4to. Qui adesset in Matutino in Festo Sacratissimi Corporis. 500. dierum.

5to. Qui adesset Primæ. 200. dierum. Itém Tertiæ. 200. Itém Sextæ. 200. Itém Nonæ. 200. dierum.

6to. Qui Summo Sacro in Festo Corporis. 500. Qui Processioni solenni. 200. Qui secundis Vesperis eadē die. 500. Qui Completorio. 200. dierū.

INDULGENTIÆ

Qualibet die per totam Octavam Corporis Christi.

1 mō.

1mò. Qui aderit Matutino
quacunque die Octavæ. 300.
dierum. Vespertis. 300. Sacri-
ficio Missæ 300. dierum.

2dò Qui Primæ, Tertiæ,
Sextæ & Nonæ, pro qualibet
feorsivè ex his & Processione.
30. dierum.

*Ex Bullis Summorum Pontifi-
cum Urbani IV. Martini V. Eu-
genn IV.*

INDULGENTIÆ

Ad illa verba: *Laudetur San-
ctissimum Sacramentum.*

1mò. Quandocunq; quis di-
xerit hæc verba. *Laudetur San-
ctissimum Sacramentum*, lucratur
100. dierum Indulgen. Itèm
præstans reverentiam adoran-
do Sanctissimum Sacramentum

si dixerit præfata verba, totidem Indulgen.

2dò. Qui dixerit præfata verba post Confessionem & Sacram Communionem, consequitur Indulgentiam plenariã. Itèm qui recitaverit præfata verba quibûscunq; vicibû, eliberat animam è purgatorio.

3tiò. Qui habet præfata verba domi scripta, aut in habitatione, lucratur Indulgentiam plenariam. Itèm qui legit eadem verba, vel ignarus literarum, exhibet adorationem Sanctissimo Sacramento, lucratur Indulgentiam plenariã: quod intelligendum est, si confessus sit, & communicaverit,

4tò. Qui ex agonisantibus
di-

dixerit ore, aut saltem corde,
lucratur Indulgentiam plena-
riam & remissionem peccato-
rum.

*Urbanus VI. ad instantiam E-
minentissimi Cardinalis Magall.ii
ex sorore nepoti concessit.*

M O D U S

*Piè ac devotè accedendi ad Sa-
cram Communionem.*

Porrectô suprâ modô visi-
tandi Sanctissimum Sacramen-
tum, censui etiam, & judicavi
gratum & perutile esse: si por-
rigatur modus, quô dignè men-
sam Eucharisticam frequenta-
re, ac indulgentias, quæ Com-
munioni Sacramentali sunt an-
nexæ, consequi possimus.

AC-

A C T U S

Ad Sanctissimum Sacramentum pridiè, aut ipsa die Communionis recitandi.

1. Laudetur Sanctissimum Sacramentum, imprimis ibi, ubi est à Christo Domino institutum.

2. Laudetur SS. Sacramentum in toto mundo, in omnibus Ecclesiis, præcipuè in illo Templo, in quo hodie communicaturus sum.

3. Laudetur SS. Sacramentum, præcipuè in illa hostia, quæ mihi continget : & jam excitet in me amorem DEI, ut cum tali præparatione accedam, quantam à me requirit DEUS meus.

4. Laudetur SS. Sacramentum ab omnibus hominibus hodie communicaturis.

5. Laudetur SS. Sacramentum ab omnibus Sacerdotibus hodie sacrificaturis, omnes illorum intentiones, actus, devotiones, tribue cordi meo benignissime JESU.

6. Laudetur SS. Sacramentum ab animabus purgatorii, quæ sunt hodiernis Communionibus, ac Sacrificiis liberanda, ac consolanda.

7. Laudetur SS. Sacramentum, quod hodierna die per totum orbem ab hominibus agoniz ac morti proximis, suscipiendum est. Quod verò illis ob dolorem, aut languorem

rem ad bonam dispositionem deerit, charitas JESU, quam nobis tribuit in hoc Sacramento, suppleat.

8. Laudetur SS. Sacramentum ab omni creatura, in omni loco, ubi jam, & ubi nunquam præsentia ejus glorificata est.

9. Laudetur SS. Sacramentum ab omnibus, qui Illud desiderant, & in Paganorum, & Hæreticorum servitute illud habere nequeunt, confirma illos benignissime JESU, ut in fide & gratia Tua perseverent, & tandem refice illos hunc salutaris cibum.

10. Laudetur SS. Sacramentum ab omnibus hominibus, qui Illud in morte desiderabunt,

bunt, & non poterunt Illo frui :
Misericordia DEI , illos in eis
effectus præstet, quos præsen-
tia tua præstaret.

O JESU suavissima dulcedo
mea, reple cor meum omnium
Seraphinorum amore, omniū
Sanctorum præparatione pro
adventu tuo exorna, quilibet
cordis mei & omnium homi-
num pulsus Te invocet. Veni,
veni dulcedo mea ! amor mi
JESU ! si verò ego obdormi-
am, vigilabit cor meum in ad-
ventum tuum affectu totius Ec-
clesiæ.

INTENTIO.

Ad Sacram Communionem.

- I. Volo communicare, ut
gra-

gratias agam pro institutione
Sanctissimi Sacramenti: n mi-
ne omnis populi, & affectu to-
tius Ecclesiæ.

2. Volo communicare, ut vi-
va fide profitear, in hac Ho-
stia esse verum DEUM & Ho-
minem, sub speciebus Eucha-
risticis: panis & vini latentē.

3. Volo communicare, ut
DEO meo gratias agā, pro be-
neficiis mihi quodocunq; datis
in Comunione Sacra, pro qui-
bus non egi gratias, vel illa
non æstimavi, vel illa expressè
non petii: Tu tamen DEUS
meus tribuebas largissimè ani-
mæ meæ.

4. Volo communicare, ut
gratias agam pro omnibus gra-
tiis

ne
ni-
to-
vi-
lo-
lo-
na-
té.
ut
pe-
tis
ui-
lla
sè
US
ni-
ut
ra-
s

tiis hominibus devotè commu-
nicantibus datis , ad hanc ve-
rò Communionem optassem ha-
bere cor Beatissimæ Virginis
MARIAE ! cor omnium Sacer-
dotum , ritè sacrificantiū , cor
præparationis , affectus omni-
um Sanctorum , qui fuerunt ,
sunt , & erunt usque ad con-
summationem mundi.

5. Volo communicare , ut
gratias agā pro beneficiis datis
omnibus facile communican-
tibus , incipiendo à primo Ju-
di , usque ad ultimum futurum
sacrilegū. Pro gratiis inquam,
quas illis dabis , moneo il-
los ad penitentiam , & sincere-
ram Confessionem. Ago gra-

S

tias

tiis pro beneficiis, quæ illis parati, si te ad illa præparassent

6. Volo communicare, ut Tibi DEO meo gratias agam pro beneficiis datis in Communione sacra, damnatis præcipuè illis, qui olim iusti & virtuosii fuerunt, sed postea sprete bonitate Tua, perierunt in æternum; modò Te illi in inferno blasphemant, & ego Te pro illis ex toto corde meo amo! & colo!

7. Volo communicare, ut Tibi benignissime JESU, in Sanctissimo Sacramento latentem compensem omnes contemptus, blasphemias, conculcationes, & confusiones omnes, quas sustines à veneficis, à Pa-
ga-

ganis, ab Hæreticis, & ab omnibus hominibus improbis, & in locum horum, reddo Tibi venerationem, & cultum Angelorum, & hominum sanctorum, omnisq; creaturæ.

8. Volo communicare, ut in me gratiam, fidem, spem, amorem DEI augeam, ut me magis ad amorem ad observationem mandatorum ejus disponam.

9. Volo communicare, ut animas in Purgatorio detentas adjuvem, & Sanguine JESU ardores illarum extinguam.

10. Volo communicare, ut omnibus in peccato manentibus, impetrem contritionem

cordis, & sinceram pœnitentiam, quæ requiritur ad salutem

11. Volo communicare, ut mihi & omibus afflictis impetrem patientiam, & humilitatem a Agni hujus, in Sanctissimo Sacramento latentis, ut ejus amore inimicos meos diligam, ejus gratiâ sustineam quidquid in me DEUS benignissime permittes.

12. Volo communicare, ut impetrem Principibus Christianis fortitudinem, contra inimicos Sanctæ Crucis, & Sacrosancti Sepulchri Christi Domini, ut DEUS exaltet Ecclesiam suam, & Paganos, Hæreticos, deprimat, ut & ipsi agnoscant, & devotè suscipiant Te DE-
UM

UM verum, in sacramento latentem.

13. Volo communicare, ut impetrem mihi, & omnibus victoriam tentationum præcipuè illarum, quibus hominem infernus in ultimo momento vitæ solet opprimere.

14. Volo communicare, ut impetrẽ mihi & omnibus hanc gratiam, ut sine Sanctissimo Sacramento non moriamur, utq; sine hoc Sacro Viatico viam æternitatis non inchoemus. O Cibus noster, piissime JESU, tribue nobis tunc auxilia, & esto Dux in viam æternitatis horridam & ignotam.

15. Volo communicare, ut meas ac totius populi frigiditas,

negligentes præparationes, ad
 Communionem Sacram e m-
 pensam. Accende ergo cor me-
 um amore Tuo JESU, quem
 nunc susceptrus sum in san-
 ctissimo sacramento, præpara
 animam meam, præut scis, vis,
 & potes, nunc & postea ad bea-
 tam æternitatem.

CONSIDERATIO

Super illa verba, quibus u-
 titur sancta Ecclesia ante Com-
 munionem.

Domine non sum dignus.

Non sum dignus DEUS me-
 us, quod me sustentat terra,
 propter scelera mea, & quomo-
 dò ad me pessimum venies?

Non

ad Non sum dignus benignissi-
me JESU hoc aëre, quem spi-
ro, quomodo potes esse cibus
meus?

an Non sum dignus piissime JE-
SU oculos meos levare ad Te,
is & quomodo Tibi uniri pote-
ea ro?

u Non sum dignus amantissime
JESU, ut descendas ad me,
tu quia Tu es pulchritudo incre-
ata, ego verò deformati & ipso
dæmone, dum plus & gravius
deliqui, quam dæmon. Tu es
ipsissima bonitas, & ego ejus
inimicus?

ne Non sum dignus JESU, ut
ra, descendas ad me, quia Tu es
no, dator vitæ, ego verò latro &
prædator propriæ animæ meæ.

Non sum dignus JESU , ut
descendas ad me , quia Tu es
æterna sapientia , & ego insipi-
ens , cum te & gratiam tuam
æstimare nescio.

Non sum dignus dignissime
JESU , ut ad me venias , Tu e-
nim es ignis amoris , & ego si-
cut aqua effusus sum in iniqui-
tatibus meis : dicis tamen : E-
go veniam ad te.

Ergo venies cælestis unio ad
stercus ? veniam , ut me agno-
scas , & magis æstimes.

Ergo venies Agnus DEI in-
dentes lupi ? veniam , quia te
adeo amo , ut te transmutare
in me velim.

Ergo venies immense DILUS

ad carcerem? veniam, ut te
ad libertatem filiorum alliciam.

O veni ergo, veni jam dul-
cissime JESU, DEUS miseri-
cordiæ, bonitas enim Tua non
habet terminum. Mater DEI
da mihi cor tuum, omnes San-
cti Electi DEI, oate mihi om-
nia vestra desideria, sed parum
est adhuc istud. Date mihi dam-
nati omnes, vestram erga DE-
UM invidiam, ego illam trans-
mutabo in amorem Seraphicū.
Date mihi irracionales creatu-
ræ omnem essentiam vestram,
varietatem mutationis, actio-
nis, ego ex his omnibus faciā
corda amore DEI æstuantia: i-
tā ut quodlibet, millies magis
ac magis quolibet momentō i-

gne amoris DEI ardeat. Nunc
verò illa Te charitate cupio
suscipere DEUS meus in San-
ctissimo Sacramento latentem
DEUM, testē cordis mei nunc
& in æternum, Amen,

INVITATIO CHRISTI.

O Sancti DEI omnes! O San-
cti Angeli! O Divinissima Vir-
go MARIA! nunc saltem adeste
& operam vestram non dene-
gate. Abite ad Sanctissimum
hoc Sacramentum & Dominum
vestrum, amorem meum, quā
scitis & soletis reverentiā, pro
me adorate, & ad cordis mei
habitaculum invitate.

Adoro Te Dulcissime JESU
adorationibūs Sanctorum An-
gelo-

gelorum, & adorationibûs Beatissimæ Tuæ Matris, & eas in æternum continuo.

Invito Te ad cordis mei domunculam, Tibi desideratam, apertam & pro paupertate mea paratam, veni igitur ô Sanctissimum Sacramentum, veni amor mi JESU, venite merita, gratiæ dona, gloria, beatitudo, veni amor mi JESU ad servum tuum, ad domum tuam. En cor meum arca est, materia est, Tu Architectus es, Omnipotens es. Vis Palatiû, vis mundissimû, vis Tê dignû! ædifica illud, & erit.

Veni mi JESU, veni milles, veni, fugé Dilecte mi, Formose mi, veni unice mi, columbe mi, veni similis capræ
hînu-

hiñuloq; cervorum. Veni fa-
 liens in montibus transfiliens
 colles, veni ascensor cælorum,
 a censor Cherubinoꝝ, qui
 ambulas super pennas vento-
 rum, veni en Te deſidero, ve-
 ni Te concupiſco, veni Tui a-
 more langveo, veni mi JESU,
 veni, & deſiderium meum im-
 ple, implendo auge, ut plus
 Te appetat, habeat, Te habe-
 re in æternum gaudeat.

*Aspirationes Affectuſcæ ad Chri-
 ſtum ſuſcipiendum.*

O mi ſvaviſſime JESU ani-
 ma mea ardet, æſtuet, flam-
 meſcit in Te, tota ſe exurit,
 quanta quanta eſt, tota igne-
 ſcit erga Te. O

O amoris dulcedo ! ô unicū
centrum cordis mei ! mandu-
cet Te anima mei , & omnia
interiora mea , dulcissimo sva-
vitat̃ tuæ liquore repleantur.

O vita & totum bonum me-
um ! non possum vivere am-
plius sine Te. Desidero Te JE-
SU mi intimè frui , da ut Te
comprehendam. Anima mea
Corpus Tuum concupiscit, cor
meum Tibi uniri desiderat.

Cupio Te suavissime JESU
cum tali affectu , amore & ho-
nore suscipere , cum tali fide ,
spe & puritate , sicut Te susce-
pit Virgo Beatissima. Deside-
ro Te ex corde tractare , &
suscipere , cum tali devotione,
gratitudine & amore , quemad-
mo-

modum multi Sancti & devotæ personæ Te desideraverunt in communicando, qui Tibi semper placuerunt.

Jam jam accessurus dic.

O anima mea en Sponsus Tuus! en amor tuus! divertit in pauperculum diversorium cordis tui. En cælestis medicus accedit ad sanandum te, en amicus millies dilectissimus, ditare vult extremam paupertatem tuam! en Sol amabilissimus illuminabit densissimas tenebras tuas! ô pietas! ô bonitas! ô misericordia mea! O utinam mi JESU nunquam Te offendifsem! utinam Te semper & unicū amassem! veni ergo bone JE-

JESU! veni Sponse animæ meæ!
veni ad me, & nè spernas pau-
perculam animam meam, ve-
ni ô unice amor meus! O JE-
SU dono Tibi cor meum, ani-
mam meam, corpus meum,
paratum cor meum DEUS, pa-
ratum cor meum.

*Affectus in sumptione Corporis
Christi, mente & corde ardentissi-
mo exercendi.*

Dominus meus & DEUS
meus! quid mihi, & Tibi
ô JESU Fili MARIÆ Virgi-
nis? ô res mirabilis, mandu-
cat Dominum pauper servus
& humilis. Quis sum ego ser-
vus tuus, quoniam re'pexisti
super canem mortuum, simi-
lem

lem mei. Jam quod quæsi-
habeo, quod concupivi teneo,
DEUM meū possideo, & sum-
mō bonō gaudeo, cur jam cor-
de non ardeo! Quàm panis
hic dulcissimus est, & verè sva-
vissimus, plus millies gratissi-
mus, quàm dicere sufficimus.
O Pater dono Tibi cor JESU,
ô JESU dono Tibi cor MA-
RIÆ. Dono Tibi cor meum,
licèt indignissimum. O JESU
osculor vulnera Tua, osculor
pedes Tuos: O JESU amo Te
ex toto corde, utinam non
meô, sed amore ardentissimo-
rum Seraphinorum. Ave dul-
cissime JESU amor meus! A-
ve dulcedo cordis mei. Ave-
te Venerabiles manus pro me
Cru-

Cruci affixæ. Ave latus speciosum pro me vulneratum. Ave cor suavissimum mei JESU. Moriar mi JESU ! moriar inter desideratissimos amoris tui amplexus ! O JESU gaudeo de omni bono & gloria tua ! O JESU omnia peccata mea, & totius mundi commissa, quantum possum detestor, propter Te. O JESU esto mihi JESUS, & Salvator, nunc & in hora mortis meæ. O Domine totus sum tuus, eroq; in æternum, sicut Tu totus meus esse voluisti.

SALUTATIO

Domini JESU post Communionem.

Saluto Te JESU mi corde
T &

& affectu pretiosissimæ Virginis Matris Tuæ , quô Te salutavit , dum Te in visceribus Virgineis concepit , præcipuè saluto Te humilitate, castitate & amore ejus.

Saluto Te JESU illo affectu, quô Te salutavit Divinissima Mater Tua, dum Te prima natum vidit, prima adoravit, & amplexa est.

Saluto Te JESU mi corde & affectu Matris Tuæ, quô Te salutavit, dum Te in Templo invenit, & oro Te per Illius dolorem, quem passa est cum Josepho, quærendo Te : esto nobis solatium in afflictionibus & in hora mortis.

Saluto Te mi JESU affectu
&

& corde Virginis Matris Tuæ,
quô Te salutavit, Corpus Tu-
um Sanctissimum suscipiendo.

Saluto Te mi JESU affectu
Sanctissimæ MARIÆ, quô Te
salutavit, dum Te prima, post
mortem tuam resurgentem de
sepulchro gloriosum vidit; Et
peto Te per illius gaudium,
tribue cordi meo pacem, &
ad æternum gaudium admitte
me.

Saluto Te JESU mi, corde
& affectu Sanctissimæ Virginis,
quô Te salutavit in cælos su-
scepta, & per illum amorem,
quô Illam Tu suscepisti, & Il-
la Te salutavit, rogo præpara
mihi locum in æternitate bea-
ta.

Saluto Te JESU amantissime,
affectu sanctorum Angelorum,
quô Te salutârunt in Nativitate
tua ; & concede mihi in cælo
audire cantus : Gloria in excel-
sis Deo : Sanctus, Sanctus, San-
ctus Dominus DEUS Sabbaoth.

Saluto Te mi JESU affectu
& simplicitate Pastorum, & da
mihi vigilantiam, supra unam
oviculam animam meam, tri-
bue mihi simplicitatem cordis
illam, quæ placeat Divinis tu-
is oculis.

Saluto Te mi JESU affectu
Simeonis, quô Te excepit in
manus suas, à Sanctissima Vir-
gine Matre tua, & tribue mihi
vivam fidem cognoscendi Te,
esse DEUM, & salutem meam.

Sa-

Saluto Te JESU affectu San-
ctorum Trium Regum, quô Te
salutârunt in stabulo, & mune-
ra plena mysteriis reddiderûnt,
cum illis reddo Tibi pro auro
amorem, quem desiderio arden-
tissimum, pro myrrha reddo
Tibi omnium hominum af-
lictionem, & angustias, quas do-
ce nos Domine patienter fer-
re propter Te: pro thure red-
do Tibi meas & totius Eccle-
siæ orationes, ac rogo Te, do-
ce nos orare perfectè.

Saluto Te mi JESU affectu
Sanctorum Patrum, quô Te sa-
lutaverunt in limbo, cum ad
illos descenderis, ut inde edu-
xisses eos, & peto Te, educ

etiam animam meam, ex abyſſo
iniquitatum mearum.

Saluto Te mi JESU affectu
Sancti Petri, Thomæ & Magda-
lenæ, & omnium Discipulo-
rum tuorum, dum Te primò
post Returrectionem de sepul-
chro viderunt, & Tu illos re-
cipiebas in gratiam, & mœro-
res eorum ſolabaris, & rogo
Te, da mihi gratiam amarè de-
plorandi ſicut Petro mea cri-
mina: Da gratiam viva fide,
& amore penetrandi ſicut Tho-
mæ, quòd ſis Dominus meus,
& DEUS meus. Da gratiam,
ut ſic Te amem, prout ama-
vit Magdalena, da gratiam, ut
cum Sanctis Tuis partem ha-
beam in beatitudine æterna.

Sa-

Saluto Te mi JESU affectu
hominum, devotè Te fuscipi-
entium ab initio, usq; ad con-
summationem mundi.

Saluto Te mi JESU affectu
Sanctorum Angelorum Tuorū,
quò Te salutârunt gloriosè in
cælos ascendentem.

Saluto Te affectu omnium
Sanctorum, primò ad cælum
venientium & peto Te, ut cum
illis aliquando salutem Te, cum
illis laudem Te, cum illis spe-
ctem Te in æternum, Amen.

POSTULATIONES

Post

COMMUNIONEM.

1. Domine per omnē Cor-
dis tui bonitatem, da nobis om-

T 4

ni-

nibus, ut resipiscamus à malo,
& cognoscamus Te, & nosmet
ipfos.

2. Domine per omnem bonitatem Cordis tui tribue nobis am rem Tui, super omnia, prout scis, vis, & dignus es.

3. Domine per omnē Cordis tui bonitatem da nobis omnibus, efficacem omnis peccati præcipuè mortalis detestationem execrationemq;

4. Domine per totam Cordis tui bonitatem da mihi gratiosa auxilia eum statum amplectendi, in quo rectæ rationi tuæq; voluntati satisfaciendo bravium æternæ gloriæ, apprehendere merear.

5. Domine per totam Cordis

dis tui bonitatem , tribue sup-
petias omnibus in proxima ad
peccatum occasione constitu-
tis, præcipuè nè amittant ul-
timam gratiam, aut primam in-
nocentiam, sed omnes vincant
impetus, & fortissimè Tibi ad-
hæreant.

6. Domine per totam Cor-
dis tui bonitatem da his omni-
bus, qui sunt in peccato mor-
tali, efficacem gratiam, ad ve-
ram pœnitentiam & contritio-
nem, tribue illis Confessarios
tales, qui illos juvent, ut illo-
rum saluti expedit.

7. Domine per Cordis tui
bonitatem Irgine omnibus o-
perariis salutis humanæ Apo-
stolicum spiritum infatigabilè.

Extolle Sanctam Ecclesiam Catholicam, & omnes Paganorū Hæreticorumq; errores annihila, ut tam multæ animæ pretiosissimo tuo sanguine redemptæ, non pereant in æternum.

8. Domine per omnem Cordis tui bonitatem, largire omnibus Paganis, Judæis, Hæreticis gratiam, ut Te cognoscant, & in vera fide ament.

9. Domine per bonitatem Cordis tui, largire omnibus charitatem, & amarosam memoriam amaræ Passionis tuæ, & dolorem pretiosissimæ Virginis Matris tuæ.

10. Domine per bonitatem Cordis tui, tribue cor tale omnibus, quale habuerunt primi
Chri-

Christiani, in fide immobile,
in unitate perseverans, in cha-
ritate tua immutabile.

11. Domine per totam Cor-
dis tui bonitatem, da anima-
bus purgatorii requiem æter-
nam: videant faciem tuam,
illæ præcipuè, quæ in vita sua
fuerunt devotæ ad Sanctissimū
Sacramentum.

12. Domine per omnē Cor-
dis tui bonitatem, largire Ec-
clesiæ Catholicæ Pastores do-
ctos, & prudentes, & ut ipsi
à via æternitatis non aberrent,
& oves sibi commissas ad cæ-
lum deducant.

13. Domine per Cordis tui
bonitatem, da omnibus afflictis
solatium, spem desperantibus,
per-

perseverantibus in odio concordiam, & unitatem cōstina-
tis, cor contritum da pœnitentibus.

14. Domine per bonitatem Cordis tui, da nobis omnibus timorem terribilis iudicii tui, sed timorem filialem, ut non offendamus Te ideò, quòd sis infinita bonitas.

15. Domine per Cordis tui bonitatem, largire nobis ardentem charitatem, & devotionem ad Sanctissimum Sacramentum, quousque vivimus, & in hora mortis ciba nos hōc Viaticō, in vitam æternam.

16. Domine per Cordis tui bonitatem tribue nobis omnibus, ut in hac vita sit ultimus cō-

cibus noster, Sanctissimum Sacramentum, ultima cogitatio nostra, de passione & morte Salvatoris nostri, ultimum verbum Sanctissimum Nomen JESU, Amen.

LAUS
SS. SACRAMENTI.

Laudetur Sanctissimum Sacramentum tot laudibûs, quot in cælo stellæ, in igne scintillæ, in aëre atomi, in mariguttæ, in terra pulveres: quot in vere flores, æstate grana, autumno folia, hyme nives & grandines: quot corporeæ in universo sunt creaturæ, quia dignus es Domine universorû, qui sub corporeis vini, panisq;
spe-

speciebus lates. Verè Tu es
Deus absconditus. Isaia 45.

Laudetur Sanctissimum Sa-
cramentum tot laudibûs, quot
omni opere exhiberi, quot o-
re proferri: quot corde om-
nium hominum excogitari un-
quam potuêre vel possunt, quia
dignus es Domine Pater noster,
qui nos cibas, & potas quoti-
die, cujus redempti sumus pre-
tioso Sanguine, quasi Agni im-
maculati. 1. Petri 1.

Laudetur Sanctissimum Sa-
cramentum tot laudibûs, quot
omnes Angeli, ipsaq; Sanctissi-
ma Trinitas suâ potentiâ, de-
promere, suâ sapientiâ conci-
pere, sua bonitate optare po-
test; quia dignus es Domine
De-

Deus meus, qui mihi donas nō tantū humanitatem, verū etiam Divinitatem tuam Dominus meus, & Deus meus, verè laudabilis & gloriosus, & superexaltatus in sæcula. Dan. 3.

P E T I T I O.

BEnignissime JESU à quo manant in nos omnia bona, à quo omnia à nobis mala arcentur: averte à me omnem vanitatem, mentis elationem, carnis libidinem, oris licentiam, contemptum inopum, avaritiæ ardorem, & quidquid demum Divinæ Majestati Tux displicet, ut Tibi DEO meo in veritate serviam, & in corde perfectò laudem & glorificem in sæcula, Amen.

COMMENDATIO SUI.

Commendo me Tibi ô Bone
JESU ! intrâ mellifluum
Cor Tuum absconde me , nec
permittle me in æternum sepa-
rari à Te. Sis mihi in vita so-
latium : in morte viaticum , in
æternitate præmium. Id ro-
go Te , pro me , omnibus ami-
cis meis , per lacrymas , sudo-
rem & sanguinem tuum , Amē.

PETITIO BENEDICTIONIS

Benedic mihi Domine JESU,
cum Patre & Sancto Spi-
ritu , uberemq; largire gratiã
amplectendi semper in omni-
bus , nunc & in hora mortis
tuã Sanctissimã voluntatē , Amē.

AC-

ACTUS

*Ad SS. SACRAMENTUM
sub tempore Processionis.*

Sis benedictus Amantissime
JESU in Sacramento Eucharis-
tiæ latens, pro illa processio-
ne, quam de cælo fecisti, ab æ-
terno Patre in terram, ut pro-
pter salutem nostram fieres ho-
mo, ideoq; adoret Te omne
genu, cultu Tibi debitô, in
cælo & in terra, & sub terra.
Sentiat infernus potentiam Tu-
am, in hac nubecula latentem,
atq; quòd sis verus DEUS &
Homo.

Sis benedictus Dulcissime JE-
SU, in Sacramento latens pro
illa processione, in qua pretio-
U sis-

fiffima Virgo Mater Tua portavit Te in utero, ad Elifabeth eundo, & per amorem Matris Tuæ, postulo, quoties in hoc Sacramento descendes ad cor meum, relinque mihi effectus illos gratiæ Tuæ, quos tunc fecisti domui Zachariæ.

Sis benedictus Dulcissime JESU, in Sanctissimo Sacramento latens, pro illa processione, in qua pretiosissima Virgo Mater Tua, portavit Te manibûs suis ad Templum Hierosolymæ, & in qua obviavit Tibi Simeon, & suscepit Te, in manus proprias, effice, ut sic Te suscipiamus in Cõmunione Sacra, ut parati simus mori, nihil mortiferi in conscientia sentiendo.

Sis

Sis benedictus Dulcissime JE-
SU, in Sanctissimo Sacramen-
to abscondite, pro illa proces-
sione, in qua portabaris in E-
gyptum dum cum vita Tua,
fugere debueras; tribue nobis
gratiam, ut sciamus fugere oc-
casiones peccati, ut sciamus in
hac terra nos esse peregrinos,
& exules, ad cælumq; aspire-
mus, ac ad illud frequenter
corda nostra convertamus.

Sis benedictus Dulcissime JE-
SU, in Sanctissimo Sacramen-
to abscondite, pro illa proces-
sione, quā habuisti eundo Hie-
rosolymam dum Te populus,
& innocentes ducebant dicen-
tes : *Benedictus qui venit in no-
mine Domini*, & nobis innocen-

tiam vitæ & lingvæ in laudem
Tuam.

Sis benedictus Dulcissime JE-
SU , in Sanctissimo Sacramen-
to latens, pro illa processione,
quando ab uno ædificio ad a-
liud sicut maximus latro duce-
baris, ecce nunc omnes Tuas
confusiones compensamus, &
cordialiter clamamus.

Tuæ, honor, & gloria,
Sint Passionis, præmia:

Sis benedictus Dulcissime JE-
SU , in Sanctissimo Sacramen-
to latens pro illa processione,
quam fecisti portando crucem
in montem Calvariæ, duceba-
ris tunc à quatuor millionibus
hominū pro Paschate illo tem-
pore

pore Hierosolymam (Drex. in Christo passo) congregatorū, quorum aliqui irridebant Te, alii cum admiratione quærebant, quis est per Deum : latro &c. sed nos nunc cum omnibus Angelorum hominumque millionibus Tibi, ut DEO reddimus cultum, reverentiam, & gloriam debitam, ac firmissimè credimus, quòd sis DEUS Omnipotens, Dominus vitæ & necis.

Sis benedictus Benignissime JESU, in Sanctissimo Sacramento abscondite, pro omnibus fatigationibus Tuis, ac viis quas quaecunque fecisti : ad lapideas, carceres, domos, stercora, in hoc Sacro Viatico

ad ægros veniens: veni etiam
& ad nos illâ horâ, quando vi-
tæ nostræ filum in viam æter-
nitatis nos trahet.

Sis benedictus Benignissime JESU,
in Sacramento abscondite pro illa ulti-
ma processione, quam fecisti ex terra
in cælum, ducendo innumeram mul-
titudinem electorum DEI, & trahe
post Te corda nostra, ut ibi sint in æ-
ternum, ubi Tu es pretium nostrum
inestimabile. Benedic Familiis Chri-
stianis, quæ præcepta tua custodiunt,
& da gratiam tuam ulteriùs illa obser-
vandi. Benedic nobis in necessitati-
bus temporalibus, in quantum sunt
necessariæ ad obsequium tuum & salu-
tem nostram. Benedic omnibus, qui
in hac processione sequuntur Te, be-
nedic & omnibus, qui ob justam cau-
sam non possunt ire, sed cor suum ad
Te conversum habent, da illis gratiâ,
qua indigent, da nobis omnibus gra-
tiam,

tiam, qui Te modò latentem intuemur
in Sanctissimo Sacramento, ut videa-
mus Sanctissimam Faciem Tuam.

CORONA

Ad Sanctissimum Sacramentum
hòc modò esse potest.

INTENTIO.

VOlo Deum in Sanctissimo Sacra-
mento latentem per totam vitam
laudare fide, adoratione & amore to-
tius Ecclesiæ. Quia verò Sanctissimū
Sacramentum est memoria Passionis
Christi. 5. Decades tantum in hac Co-
rona erunt in memoriam 5. Vulnerum
Christi, ante quamlibet decadem dic
Pater noster &c. & in parvulis globulis
locò Ave Maria: Laudetur Sanctissi-
mum Sacramentum, quæ verba quia
sunt brevia, consideratè proferenda
sunt, ut autem major sit attentio, addi
hæc possunt.

In Prima Decade.

Laudetur Sanctissimum Sacramentum ab omnibus Sanctis in cœlo regnantibus.

In Secunda Decade.

Laudetur Sanctissimum Sacramentum ab omnibus Sanctis in terra manentibus.

In Tertia Decade.

Laudetur Sanctissimum Sacramentum ab omnibus hominibus, qui illud ignorant, aut non æstimant.

In Quarta Decade.

Laudetur Sanctissimum Sacramentum ab omnibus damnatis.

In Quinta Decade.

Laudetur Sanctissimum Sacramentum ab omni irrationali creatura.

Et post quamlibet Decadem adde Gloria Patri, & Filio, &c. in fine Credo &c.

F I N I S.

Laudetur Sanctissimum Sacramentum, nunc, semper, & per infinita sæcula sæculorum. Amen.

